



ჩვენ ინფორმაციის, საინფორმაციო ეპოქაში ვცხოვრობთ. 21-ე საუკუნეში თითოეული ჩვენგანი გამუდმებით იღებს უზარმაზარი მოცულობის ინფორმაციას. ტექნოლოგიების განვითარება თითოეულ ადამიანს, ერთსა და იმავე დროს, გვაქცევს როგორც მედიამომხმარებლად, ასევე მედიაპროდუქტის ავტორად.

თანამედროვე სამყაროს კი სჭირდება ადამიანი, რომელმაც იცის, როგორ მიმართოს ინფორმაციის ქაოსი წესრიგისკენ, ანუ უნდა შეძლოს: განსაზღვროს საჭირო ინფორმაციის მოცულობა; შეაფასოს საჭირო ინფორმაცია ეფექტურად; შეაფასოს ინფორმაცია და მისი წყაროები კრიტიკულად; გააერთიანოს შერჩეული ინფორმაცია საკუთარი ცოდნის ბაზაში; ეფექტურად გამოიყენოს ინფორმაცია სპეციფიკური მიზნების მისაღწევად; გააცნობიეროს ინფორმაციის გამოყენების თანამედვე ეკონომიკური, სამართლებრივი და სოციალური საკითხები და ეთიკურად და სამართლიანად გამოიყენოს ინფორმაცია.

ინფორმაციის მიმართ შიშები კარგად ჩანს ცნობილი მწერლების ოლდოს ჰაქსლისა და ჯორჯ ორუელის შიშების მაგალითზე (წიგნებიდან ორუელის – „1984“

და ჰაქსლის – „საოცარი ახალი სამყარო“).

„ორუელს ეშინოდა მათი, ვინც წიგნებს აკრძალავდა. ჰაქსლის ეშინოდა, რომ წიგნების აკრძალვა აზრს მოკლებული შეიქნებოდა, რადგან მათ ისედაც არავინ წაიკითხავდა. ორუელს ეშინოდა მათი, ვინც ინფორმაციის მიღების შესაძლებლობას შეგვიზღუდავდა. ჰაქსლის ეშინოდა, რომ ინფორმაციას იმხელა რაოდენობით მოგვაწვდიდნენ, რომ ყველა ნიჰილიზმში და ეგოიზმში ჩაეფლოდა. ორუელს ეშინოდა, რომ სიმართლეს დაგვიმალავდნენ, ჰაქსლის ეშინოდა, რომ სიმართლე დაიკარგებოდა და დაიხშობოდა უსარგებლო ინფორმაციულ ხმაურში, ორუელს ეშინოდა, რომ კულტურა მორჩილი გახდებოდა, ჰაქსლის კი იმისა, რომ ტრივიალური, უმნიშვნელო აქტივობით გაჯერებული კულტურა ჩამოყალიბდებოდა. ორუელს ეშინოდა, რომ დაგვიმონებდნენ ტკივილის მოყენებით, ჰაქსლი კი ფიქრობდა, რომ ადამიანი სიამოვნების მიყენებით იმართებოდა. მოკლედ, რომ შევაჯამოთ მათი შიშები, ორუელი ფიქრობდა, რომ ჩვენ გავგანადგურებთ ის, რაც ვგძულს, ხოლო ჰაქსლის აზრით, გავგანადგურებთ ის, რითაც ვერთობით“.

გულუბრყვილობა იქნება ვთქვათ, რომ ეს შიშები უსაფუძვლოა. მაგრამ შიშებთან გასამკლავებლად მხოლოდ ამ შიშების აღიარება არ იქნება საკმარისი. რა უნდა გააკეთოს ადამიანმა მათთან გასამკლავებლად. უპირველესი პასუხია – იცოდეს სიმართლე ან იყოს სიმართლესთან ახლოს მაინც! მაგრამ თუ ადამიანი მედიაწინიერების უნარების მიღმა, მას ეს ძალიან გაუჭირდება. თანამედროვეობაში ინფორმაციის მენეჯმენტი ისეთივე მნიშვნელოვანი და საბაზისო უნარია, როგორც რამდენიმე საუკუნის მანძილზე წერისა და კითხვის უნარები იყო.

ბოლო წლებში ინფორმაციის ნაკლებობას კი არა, ზედობის განვიცდით, – ამბობს მწერალი ერიკ შმიდტი. ჩვენ, ამჟამად, ყოველ ორ დღეში იმდენ ინფორმაციას მოვიპოვებთ, რამდენსაც ცივილიზაციის დასაწყისიდან 2003 წლამდე „ვაწარმოებდით“. ახლა ჩვენი ამოცანა უდაბნოში იშვიათი ყვავილის პოვნა კი აღარ არის, არამედ ჯუნგლებში კონკრეტული მცენარის პოვნა. ჩვენ გვჭირდება დახმარება ნავიგაციაში, რათა ინფორმაციის ზღვაში ის ვიპოვოთ, რაც დანადვილებით გვანტერესებს და გვჭირდება. მასწავლებლებმა ეს უპირველესად უნდა ვიცოდეთ.

ნატო ინგოროყვა მთავარი რედაქტორი



მასწავლებელი N6(43), 2016

მასწავლებელთა პროფესიული განვითარების ეროვნული ცენტრის გამოცემა

ჟურნალი „მასწავლებელი“ საქართველოს ყველა სკოლაში უფასოდ რიგდება და ხელმისაწვდომია თითოეული მასწავლებლისათვის.

პროფესიული ჟურნალი „მასწავლებელი“ გამოდის ორ თვეში ერთხელ.

ჟურნალში გამოქვეყნებულ პუბლიკაციებში გამოთქმული ზოგიერთი მოსაზრება, შესაძლოა, არ ემთხვეოდეს მასწავლებელთა პროფესიული განვითარების ეროვნული ცენტრისა და „მასწავლებლის“ რედაქციის შეხედულებებს. ცალკეულ სტატიაში დასახელებული ფაქტების უტყუარობაზე პასუხისმგებელია სტატიის ავტორი.

ISSN 1987-6149

UDC 371.1 მ-374


მთავარი რედაქტორი: ნატო ინგოროყვა | რედაქტორები: მანანა ბოჭორიშვილი, ნანა მაჭავარიანი | რედაქციის მდიანი: გიორგი მანაშელი, მანანა რატიანი, მარია სიხარულიძე, ნათია ნაცვლიშვილი | სტილისტი: ირმა ტაველიძე | დიზაინი: ბესიკ დანელია | მხატვარი: მამუკა ტყემელაშვილი | კორექტორი: ქეთევან ნიკოლეიშვილი.

ნომერზე მუშაობდნენ: მაია ჯალიაშვილი, მაია ფირჩხაძე, თამარ მოსიაშვილი, ანა ჯანელიძე, მანანა ბოჭორიშვილი, ირმა კახურაშვილი, დიანა ანგიმიანი, ირმა ტაველიძე, ლუკა ბაქანიძე, მარია კაპანაძე, მაია ინასარიძე, მარიამ გოდუაძე, სომონ ჯანაშია.

ჟურნალში გამოყენებულია შრიფტი: FuturaBook Geo. ავტორი: კობა კურტანიძე. ყველა უფლება ეკუთვნის ავტორს.

საკონტაქტო ინფორმაცია: მასწავლებელთა პროფესიული განვითარების ეროვნული ცენტრი. მისამართი: თბილისი, გმრ კურსანთა ქ. 1, ელ. ფოსტა: info@tpdc.ge

www.tpdc.ge



ინტერვიუ

4

ირმა კახურაშვილი

„უკეთესი განათლების გზაზე“

როდესაც ადამიანური კაპიტალის განვითარებაზე ვსაუბრობთ, ვგულისხმობთ განათლებას, რომლის გარეშე პროფესიონალს ვერ მოვაგზადებთ. ყველაფრის ბაზისი ზოგადი განათლებაა. თუ სკოლაში მაღალი ხარისხის განათლება არ გვექნება, ვერც პროფესიულ და ვერც უმაღლეს განათლებაში მოვაგზადებთ მაღალი კვალიფიკაციისა და საერთაშორისო სტანდარტების შესაბამისი უნარების მქონე კადრს.

რესურსი

15

მაია ფირჩხაძე

ტიკური დეველოპები და უნივერსალური სუსნავლო ქმედებები

ეროვნულ სასწავლო გეგმაში მკაფიოდაა განსაზღვრული საგანმანათლებლო რესურსების მნიშვნელობა პიროვნების განვითარებაზე ორიენტირებული საგანმანათლებლო კონცეფციის შესრულებისთვის. ამ მიზანს ემსახურება ეროვნული სასწავლო გეგმის ფუნდამენტური პრინციპიც – შედეგზე ორიენტირება, რომელიც გულისხმობს მოსწავლეთა აღჭურვას ქმედითი ცოდნით.

მანანა ბოჭორიშვილი

20

ახალი მასალის გაუზარების მართი გზები

კარგად დასმული შეკითხვა მთელი გაკვეთილის მანძილზე „აიძულებს“ კლასს, იყოს კონცენტრირებული ამ შეკითხვის მთავარ სულსკვეთებზე, ცუდად დასმული შეკითხვას კი პირიქით, მოსწავლეს განაწყობს სწრაფადვე უპასუხოს მას.

მაია ფალიაშვილი

24

საშინაო დეველოპე: მითი და რეალობა

საგანმანათლებლო სივრცეში საშინაო დეველოპე სწავლების მნიშვნელოვანი კომპონენტია. ის ხელს უწყობს დამოუკიდებელი აზროვნების განვითარებას, გავლილი მასალის განმტკიცებას. აზრთა სხვადასხვაობა იმის თაობაზე, თუ რა ტიპისა და რაოდენობის საშინაო დეველოპე უნდა მიეცეს მოსწავლეს, რომ მისი შესრულება არ იქცეს რუტინულ საქმიანობად; რომ ხელი შეუწყოს ცოდნის გამრავალფეროვნებას, სასწავლო უნარების სრულყოფას.

შეფასება

18

მარიკა კაბანაძე

განმავითარებელი შეფასება მასწავლებელს როგორც მოსწავლის ცოდნისა და უნარების, ასევე საკუთარი სასწავლო მეთოდების შეფასების საშუალებას აძლევს. შეფასების ეს ფორმა აჩვენებს მას, თუ რამდენად ეფექტურია მისი მიდგომები და რა მიმართულებით უნდა გააგრძელოს მუშაობა მოსწავლეთა წარმატების უზრუნველსაყოფად.

განმავითარებელი შეფასება მასწავლებელს როგორც მოსწავლის ცოდნისა და უნარების, ასევე საკუთარი სასწავლო მეთოდების შეფასების საშუალებას აძლევს. შეფასების ეს ფორმა აჩვენებს მას, თუ რამდენად ეფექტურია მისი მიდგომები და რა მიმართულებით უნდა გააგრძელოს მუშაობა მოსწავლეთა წარმატების უზრუნველსაყოფად.

გამომძილება

51

მაია ინასრიძე

უღმოჩინის გზით სწავლება – კუსხი თანამედროვე გამოწვევაზე

მოსწავლეზე ორიენტირებული სწავლების ერთ-ერთი ძირითადი პრინციპი ხომ ის არის, რომ არასოდეს გადაკეთოთ მასწავლებლებმა ის, რის გაკეთებასაც მოსწავლე თავად შეძლებს. შეძლებით კი მათ ბევრი რამ შეუძლიათ. მთავარია, მიეცეთ ამის შესაძლებლობა.





მოსაზრება

31 | მშობლიურ ენაზე დაფუძნებული ბილინგვური და მულტილინგვური განათლება

ანა ჯანელიძე

არ არსებობს ბილინგვური და მულტილინგვური განათლების ერთი მოდელი, რომელიც ყველა გარემოებასა თუ სიტუაციას იდეალურად მოერგებოდა. ამიტომ რეკომენდებულია სხვადასხვა მიდგომის გამოყენება მშობლიური და მეორე ენის სწავლებისას.

54 | მარიამ გოლუაძე უკუკავშირი წინსვლისთვის

მოსწავლეებს გარკვეული მოთხოვნები აქვთ მასწავლებლების მიმართ, ამიტომ მნიშვნელოვანია, ასეთ ბავშვებს დავანახოთ სასწავლო მიზნები და ვასწავლოთ მათი მიღწევის გზები. თუ ასე არ მოვიქცევით, ჩავაქრობთ მათ შთაგონებას და შინაგან მოტივაციას.

საუკეთესო მოთხრობა მასწავლებელზე

34 | სია

დინა ანფიმიადი

მასწავლებელიც ვერაფერზე ფიქრობდა, ვერც ქვეყნის მომავალსა და საშობრობებზე, ვერც დიდი ქვეყნების დახმარების იმედზე, ვერც უზარმაზარ წითელ არმიამზე, ვერც მოლაღატებზე. უკვე მეორე ბანაკში გადაბარგებას რომ გეგმავდნენ. ფიქრობდა თავის მოსწავლეებზე, მათ სახეებსა და თვალებზე, მათ ზოგჯერ ჭკვიანურ, ზოგჯერ გულუბრყვილო და უმწიფარ აზრებზე, მათ ყოველდღიურ პროტესტზე, მათ კალიგრაფიაზე და გული უკვდებოდა იმის წარმოდგენაზე, თუ როგორ შეიძლებოდა, რომელიმეს ტყვია მოხვედროდა, ნალმზე აფეთქებულიყო...

40 | ირმა ტაველიძე კლეა და ჩალის ქალი

ირმა ტაველიძე

მეხუთეკლასელები აფორიაქებულნი და შეშინებულნი დამდეგდნენ, სულ რაღაცებს მეკითხებოდნენ. ჩემი მეხუთე. უცნაურად გულმოდგინები. ძალიან პატარებს მოუწიათ რთულ კითხვებზე პასუხების ძებნა. ამ ამბავზე მარტო ერთმანეთს ელაპარაკებოდნენ. სხვა მასწავლებლებისთვის კითხვების დასმა არც უფიქრიათ. სიმართლე უნდა მეთქვა, ოღონდ ისე, რომ დამნაშავეს ძებნა და ასეთი რამეები არ დაეწყეთ. თუ ვინმეს დაადანაშაულებდნენ, იმწამვე გაწირავდნენ კიდეც, დაუფიქრებლად.

45 | ლუკა ბაქანიძე საღხარ, ლაზარე...

ლუკა ბაქანიძე

რეკავს ზარი, მაგრამ რატომღაც გარეთ არავინ გადის, თითქოს ელიანო რაღაცას. არც ზარიძე გადის, ფურცლავს თავისთვის ჟურნალს. ავდექი და გზედავ, ის ტიპიც წამოდგა, რუსი ხარო, რო მკითხა და მოდის ჩემკენ კევის ღლაჭუნით. გზადაგზა კიდეც ორნი შემოურთდნენ და მომადგნენ სამივე...

ინტერნეტბაზარი

სამსახურალო | კომუნა ბაზარი | ბალორა | კომპიუტერი | ზარბაზი | ქონება

www.mastsavlebeli.ge

განათლება - თავისუფლება!

ინტერნეტბაზარი
www.mastsavlebeli.ge
27-30

მლობაური განათლება

12 | სიმონ ჯანაშია სკოლა და თანამედროვეობისთვის საჭირო კომპეტენციები

სიმონ ჯანაშია

საზოგადოებრივი ცხოვრებისა და სკოლის ერთმანეთისგან აცდენა მხოლოდ კომპეტენციების დაბალ განვითარებას არ იწვევს. მოსწავლეებისა და მშობლების ნაწილში ამგვარი დაშორება სკოლის შესახებ დაბალი წარმოდგენების ფორმირებასაც უნდა იწვევდეს. რთული წარმოსადგენია, სკოლა მაღალი რეპუტაციით სარგებლობდეს, თუ ის ახალგაზრდობას სათანადოდ არათუ მომავლისთვის, არამედ თანამედროვეობისთვისაც ვერ ამზადებს.



„უკეთესი განათლების გზაზე“ – უკეთესი განათლების გზაზე – უკეთესი განათლების გზაზე



მასწავლებელთა და სკოლის დირექტორთა პროფესიული განვითარების პროექტს, რომელიც „ათასწლეულის გამოწვევის ფონდი – საქართველოს“ მიერ ათასწლეულის კორპორაციის მეორე კომპაქტის ფარგლებში 14 მლნ დოლარით დაფინანსდა, წარმატებული სტარტი აქვს. პროფესიულ გადამზადებას ქიმიის, ფიზიკის, ბიოლოგიის, მათემატიკის, ინგლისურისა და გეოგრაფიის 18 ათასზე მეტი მოქმედი მასწავლებელი ორი მიმართულებით ეტაპობრივად გაივლის. პირველი მიმართულება ზოგადი პროფესიული უნარების სამოდულიან სასწავლო კურსს, „მოსწავლეზე ორიენტირებული სწავლების მიდგომებს“ მოიცავს, მეორე – ერთმოდულიან საგნობრივი მეთოდის კურსს, „საგნის აქტიურ სწავლებას“. გრძელვადიან ტრენინგმოდულებს დირექტორები და სკოლის ბაზაზე პროფესიული განვითარების ფასილიტატორებიც გაივლიან ლიდერობის აკადემიის სახით.

პროექტის მნიშვნელობისა და მიმდინარეობის თაობაზე ჟურნალ „მასწავლებლის“ შეკითხვებს მაგდა მალრაძე, „ათასწლეულის გამოწვევის ფონდი – საქართველოს“ აღმასრულებელი დირექტორი პასუხობს.

ქალბატონო მაგდა, 2013 წლიდან, ამერიკის მთავრობის დაფინანსებით, საქართველოს განათლების სისტემაში „ათასწლეულის გამოწვევის ფონდი – საქართველო“ მნიშვნელოვან პროექტებს ახორციელებს. ფონდი გვეხმარება ადამიანური კაპიტალის განვითარებაში ისეთ სექტორებში, სადაც ამის დეფიციტს განვიცდით. რატომ დაისმის მთავარი აქცენტი განათლებაზე?

– ფონდი ახორციელებს აშშ-ის ათასწლეულის გამოწვევის

კორპორაციის (MCC) მეორე, 140 მილიონი დოლარის კომპაქტს (გრანტს). კორპორაციის ერთ-ერთი მთავარი მიზანია, ამერიკის პარტნიორ ქვეყნებს დაეხმაროს სიღარიბის დაძლევისა და ეკონომიკის ზრდაში. საქართველოსა და ამერიკის შეერთებულ შტატებს შორის მრავალწლიანი სტრატეგიული პარტნიორობის ფარგლებში კორპორაცია 2005 წლიდან ახორციელებს ჩვენი ეკონომიკის გაძლიერებისთვის საჭირო პროექტებს და ჯამში ათასწლეულის გამოწვევის კორპორაციის პირველი და მეორე კომპაქტით 600 მილიონ

დოლარზე მეტი ინვესტიციაა განხორციელებული. პირველი კომპაქტი, რომელიც 2005-2011 წლებში ხორციელდებოდა, 395 მილიონი ამერიკული დოლარის გრანტი გახლდათ. მის ფარგლებში აქცენტი დაისვა ინფრასტრუქტურის მოწესრიგებაზე, სოფლის მეურნეობისა და ტურიზმის განვითარების ხელშეწყობაზე. უკვე მაშინ დადგინდა, რომ ჩვენი ქვეყნის მთავარი გამოწვევა ადამიანური კაპიტალი იყო. საქართველოში დიდი რესურსის მობილიზება და ინვესტირება ხდება, მაგრამ პროფესიონალი კადრების ნაკლებობა გვაქვს,



დღეს ძალიან ცოტა ქვეყანას აქვს კომპაქტის მიღების შესაძლებლობა. ამისათვის მრავალი კრიტერიუმია და საკმაყოფილებელი. კომპაქტის მიმღებ ქვეყანაში უნდა მიმდინარეობდეს დემოკრატიული პროცესები, არ უნდა იყოს კორუფცია და ქვეყანას ასევე უნდა ჰქონდეს სტაბილურობის, დემოკრატიისა და ეკონომიკური განვითარების მაღალი მაჩვენებელი. ბევრ მეზობელ ქვეყანას სურს ამგვარი დაფინანსების მიღება, მაგრამ შესაბამის კრიტერიუმებს ვერ აკმაყოფილებს. საქართველომ

რომ პროექტები და დაწყებული საქმეები წარმატებით განხორციელდეს. ქვეყანაში მაღალკვალიფიციური, შრომის ბაზრის მოთხოვნების შესაბამისი ადამიანური კაპიტალის (კადრების) და შესაბამისი დარგის სპეციალისტების დეფიციტია, ამდენად, ათასწლეულის გამოწვევის მეორე კომპაქტი – 140 მილიონი დოლარი – მთლიანად განათლებაში ჩაიდება. აქცენტი დაისმის საბუნებისმეტყველო, საინჟინრო და ტექნოლოგიურ დარგებში განათლების ხარისხის ამაღლებაზე.

დღეს ძალიან ცოტა ქვეყანას აქვს კომპაქტის მიღების შესაძლებლობა. ამისათვის მრავალი კრიტერიუმია დასაკმაყოფილებელი. კომპაქტის მიმღებ ქვეყანაში უნდა მიმდინარეობდეს დემოკრატიული პროცესები, არ უნდა იყოს კორუფცია და ქვეყანას ასევე უნდა ჰქონდეს სტაბილურობის, დემოკრატიისა და ეკონომიკური განვითარების მაღალი მაჩვენებელი. ბევრ მეზობელ ქვეყანას სურს ამგვარი დაფინანსების მიღება, მაგრამ შესაბამის კრიტერიუმებს ვერ აკმაყოფილებს. საქართველომ

კი ეს უნიკალური შესაძლებლობა მდგრადი და უწყვეტი რეფორმების შედეგად მიიღო.

ჩავატარეთ არაერთი კვლევა, დავაზუსტეთ, სად გვექონდა ყველაზე სუსტი მხარე ადამიანური კაპიტალის სფეროში. ამის საფუძველზე, საერთაშორისო კონსულტანტებთან ერთად, მომზადდა და დაიგეგმა კომპაქტის ფარგლებში განსახორციელებელი პროექტები ზოგადი, პროფესიული და უმაღლესი განათლების სექტორში.

როდესაც ადამიანური კაპიტალის განვითარებაზე ვსაუბრობთ, ვგულისხმობთ განათლებას, რომლის გარეშეც პროფესიონალს ვერ მოვამზადებთ. ყველაფრის ბაზისი ზოგადი განათლებაა, რაზეც დღეს ვსაუბრობთ. თუ სკოლაში მაღალი ხარისხის განათლება არ გვექნება, ვერც პროფესიულ და ვერც უმაღლეს სასწავლებლებში ვერ მოვამზადებთ მაღალი კვალიფიკაციისა და საერთაშორისო სტანდარტების შესაბამისი უნარების მქონე კადრს.

საკმაოდ დიდი ყურადღება ინფრასტრუქტურულ აქტივობებს ექცევა. რატომ?

– ინფრასტრუქტურული აქტივობები მიზნად ისახავს საქართველოს რეგიონებსა და სოფლებში საჯარო სკოლების რეაბილიტაციასა და ქვეყნის მასშტაბით მოქმედი საჯარო სკოლებისთვის მოვლა-პატრონობის სისტემის შექმნას. ამერიკულმა გამოცდილებამ გვაჩვენა, რომ იმ რაიონებში, სადაც კეთილმოწყობილი სასკოლო გარემოა, მოსწავლეები სკოლაში მეტ დროს ატარებენ, უკეთესად სწავლობენ, მასწავლებლების მოტივაციაც გაზრდილია. ამიტომ გადაწყდა სპეციალური კრიტერიუმების მიხედვით საქართველოს რეგიონებში სკოლების შერჩევა და მათი რეაბილიტაცია. შედეგად, შეირჩა 100-მდე საჯარო სკოლა. მათი რეაბილიტაციის პროცესი ეტაპობრივად მიმდინარეობს. ეს გულისხმობს ყველა ინფრასტრუქტურული კომპონენტის შეცვლას, სველი წერტილების დამატებას, გამწმენდი ნაგებობების დადგმას, კანალიზაციის პრობლემის გადაწყვეტას და სხვ.

თუ სკოლაში მაღალი ხარისხის ბენეფიციარ გვეძებთ, ვერს პროფესიულ და ვერს უმაღლეს სასწავლებლებში ვერ მოვაპოვებთ მაღალი კვალი- ფიკაციისა და საერთაშორისო სტანდარტების შესაბამისი უნარების მქონე კადრს.

საქართველოს მთავრობასთან თანამშრომლობით 12 სკოლის სრული რეაბილიტაცია უკვე დასრულდა. თანდაფინანსების ფარგლებში საჭირო თანხის 15%-ს მთავრობა გაიღებს. მიმდინარე სასწავლო წლის ბოლოსთვის 30-მდე რეაბილიტირებული სკოლა გვექნება. ეს პროცესი 2019 წლის ბოლომდე გაგრძელდება. პირველი სარეაბილიტაციო სეზონი მოიცავს საჯარო სკოლების რეაბილიტაციას მცხეთა-მთიანეთის, სამცხე-ჯავახეთის, შიდა ქართლისა და რაჭა-ლეჩხუმის რეგიონებში, მეორე სარეაბილიტაციო სეზონი – კახეთისა და ქვემო ქართლის რეგიონებს, ხოლო მესამე სარეაბილიტაციო სეზონი – იმერეთის, გურიის, სამეგრელოს რეგიონებსა და აჭარის ავტონომიურ რესპუბლიკას.

აღსანიშნავია, რომ სკოლების რეაბილიტაციის პროცესში ხდება დასაქმების სტიმულირება. პირველი 12 სკოლის სარეაბილიტაციო სამუშაოებზე დაახლოებით 500 ადამიანი დასაქმდა. ესენი არიან საქართველოს მოქალაქეები, ადგილობრივი მოსახლეობა. უცხოელ, გამოცდილ პროფესიონალებთან მუშაობის შედეგად, მათ საერთაშორისო სტანდარტების შესაბამისი უნარები და გამოცდილება შეიძინეს, რასაც სამომავლო მუშაობის ხარისხსა და დასაქმების პერსპექტივაზე პოზიტიური გავლენა ექნება.

აღსანიშნავია, რომ, საერთაშორისო სტანდარტის შესაბამისად, ყველა სკოლა ადაპტირებულია შეზღუდული შესაძლებლობის მქონე პირებისთვის. ასევე, სკოლები აღიჭურვება

საბუნებისმეტყველო ლაბორატორიებით.

რაიმე გაუთვალისწინებელ პრობლემებს აწყდებით?

– სკოლების რეაბილიტაცია მიმდინარეობს საერთაშორისო სტანდარტების მიხედვით, რაც გულისხმობს იმას, რომ ყველა სკოლას უტარდება გეოტექნიკური კვლევა. ვიკვლევთ შენობა-ნაგებობის მდგომარეობას – სჭირდება თუ არა გამაგრებითი სამუშაოები, ვსწავლობთ ნიადაგს და სხვ. ეს პირველი ეტაპია. ზოგჯერ სკოლა ჩვენს სარეაბილიტაციო სიაშია, მაგრამ გვიწევს სიდიდან ამოღება, რადგან ისეთ პრობლემებს ვაწყდებით, რომლებიც რეაბილიტაციის საშუალებას არ გვაძლევს.

საქართველოში 2085 სკოლაა და კარგად გვემის, რომ ბევრს სჭირდება რეაბილიტაცია, მაგრამ, სამწუხაროდ, დონორის მიერ დადგენილი კრიტერიუმების მიხედვით, ყველა სკოლა ჩვენს სიაში ვერ მოხვდება.

ჩვენ ასევე ვიკვლევთ, რამდენად განსხვავებულ შედეგს მივიღებთ სწავლა-სწავლებისა და მოსწავლეთა აკადემიური მიღწევების კუთხით, რეაბილიტირებულ სკოლებში. გვაქვს საკვლევო სკოლების ჩამონათვალი, რომელსაც შემდგომ რეაბილიტირებულ სკოლებს შევადარებთ. თუ მნიშვნელოვანი განსხვავება მივიღებთ სწავლა-სწავლების შედეგების მიხედვით, ეს იქნება კარგი დასაბუთება იმისა, რომ საგანმანათლებლო ინფრასტრუქტურის განვითარებაში ინვესტირება უნდა გაიზარდოს.

არსებობს მოსაზრება, რომ მთავარია მასწავლებელი და არა ინფრასტრუქტურა, მაგრამ საერთაშორისო კვლევები აჩვენებს, რომ მაღალი კვალიფიკაციის მქონე მასწავლებელთან ერთად უსაფრთხო, მოწესრიგებულ სასკოლო ინფრასტრუქტურას უდიდესი მნიშვნელობა აქვს.

ქალბატონო მაგდა, ახსენეთ, რომ საქართველოში სკოლების მოვლა-პატრონობის ტრადიცია არასოდეს გვექონია...

– ჩვენ, ფაქტობრივად, არ გავაჩნია შენობა-ნაგებობების მოვლა-პატრონობის გამართული სისტემა. ქვეყანაში ხორციელდება ინფრასტრუქტურული პროექტები, თუმცა ცვაჭირის დასრულებული პროექტების გრძელვადიან პერსპექტივაში მოვლა, შენარჩუნება. ამჟამად საქართველოს მთავრობისთვის ვაშბადებთ პროექტს „საჯარო სკოლების მოვლა-პატრონობის პროგრამა“, რომელიც ქვეყანას მისცემს შესაძლებლობას, ინფრასტრუქტურულ პროექტებში განხორციელებული ინვესტიციები უფრო ხარჯეფექტიანი გახადოს.

გამოკითხვამ გვაჩვენა, რომ საკმაოდ ბევრი სარემონტო და სარეაბილიტაციო სამუშაო საჭირო არ გახდებოდა, სკოლების სწორი მოვლა-პატრონობის ტრადიცია და გამართული სისტემა რომ გვექონოდა. აუცილებელია, სკოლამ ან შესაბამისმა უწყებამ იცოდეს, თუ როგორ უნდა მოუაროს საქვამებს, როგორ მოაგვაროს შენობის გადახურვის პრობლემა და სხვ. ცხადია, არის სკოლები, სადაც

ამ მხრივ უკეთესი ვითარებაა, მაგრამ ეს მეტწილად ცალკეული პირობების დამსახურება უფროა, ვიდრე სისტემური გამოცდილებისა და ცოდნის.

მოვლა-პატრონობის სისტემის პოლიტიკის დოკუმენტი დაწერილია. ახლა ნორმატივებსა და დეტალებზე ვმუშაობთ. მომავალ წელს საპილოტე რეჟიმში გამოცდით სისტემას, შემდეგ წელს კი საქართველოს მხარეს დასანერგად გადავცემთ.

მომდევნო კომპონენტი სკოლის მასწავლებლებისა და დირექტორების პროფესიულ განვითარებას ეხება. როგორ შეაფასებდით მას?

– ეს ძალიან მნიშვნელოვანი კომპონენტია, რომელიც განაპირობებს ფონდის სხვა პროექტების წარმატებასაც. მასწავლებლებისა და დირექტორების პროფესიული განვითარების მიმართულების ფარგლებში აქცენტს საბუნებისმეტყველო საგნებსა და ინგლისურ ენაზე ვსვამთ. ყველა მასალა, რასაც ამ პროექტში დავაგროვებთ, საქართველოს მხარეს გადავცემა იმისათვის, რომ პროექტის დასრულების შემდეგ მსგავსი პროფესიული განვითარების კურსები კვლავ ხელმისაწვდომი დარჩეს.

ამ კომპონენტის მომზადებას, პროექტის დიზაინს დიდი დრო დავუთმეთ. ბევრი კვლევა იყო ჩასატარებელი, რათა გვეჩვენა, რა იმუშავებდა საქართველოში, როგორი საწყისი პირობები გვქონდა.

მთავარი მოსწავლეზე ორიენტირებული სასწავლო გარემოს შექმნა. აუცილებელია, რომ

სკოლაში ბავშვმა შეიძინოს ის უნარები, რომლებიც განვითარებაში დაეხმარება, რაც სამწუხაროდ, დღესდღეობით არცთუ ისე ხშირია.

რაც შეეხება პროფესიულ განვითარებას, ასეთი ხანგრძლივი ტრენინგები და სასწავლო კურსები მასწავლებლებს ჯერ არ გაუვლიათ. ჩვენ მიერ შეთავაზებული მოდელი უნიკალურია. ჩვენ ვასწავლით თანამედროვე და ძალიან საინტერესო ტექნიკებს, თუ როგორ უნდა ასწავლონ და როგორ შეუძლიათ განვითარდნენ როგორც პედაგოგები. ჩვენ მიერ შეთავაზებული ტრენინგების პროგრამა დაეხმარება მასწავლებლებს, აიმალონ მოტივაცია და ისარგებლონ სწავლების თანამედროვე მეთოდოლოგიით.

პროფესიული განვითარების გრძელვადიანი კურსი, ტრენინგების გარდა, მოიცავს კონფერენციებსა და ტრენინგის შემდგომ სამუშაო შეხვედრებს, სადაც მასწავლებლებს ექნებათ შესაძლებლობა, ერთმანეთს გაუზიარონ ტრენინგზე მიღებული გამოცდილება, ერთობლივად დაგეგმონ საკლასო თუ კლასგარეშე აქტივობები. აქამდე მასწავლებლებს არ ჰქონიათ პლატფორმა, სადაც თავს ერთი დიდი გუნდის ნაწილად იგრძნობდნენ.

ჩვენი უცხოელი კონსულტანტების დახმარებით, ტრენინგები ძალიან ინტერაქტიულია. მათში ყველა მონაწილეობს. ისინი ერთნაირად საინტერესოა განვითარების ნებისმიერ დონეზე მყოფი მასწავლებლისთვის.

მასწავლებლების პროფესიული განვითარების ტრენინგების გარდა, ფონდი ახორციელებს ლიდერობის აკადემიის კურსებს სკოლის დირექტორებისათვის. ყველა საჯარო სკოლის დირექტორს აქვს შესაძლებლობა, გაიაროს ინტენსიური გადაამზადების კურსი, რომელიც სკოლის ეფექტიან მართვას დაეხმარება. ტრენინგები მოიცავს ისეთ საკითხებს, როგორც არის: 21-ე საუკუნის სკოლა და მისი მახასიათებლები, სკოლის ეფექტიანი მართვა, დროის, ფინანსების, შესყიდვებისა და ადამიანური რესურსების მართვა, სასწავლო პროცესის მართვა, სასწავლო თემების განვითარება, ახალი ტექნოლოგიების გამოყენება სკოლაში, ლიდერობა, გუნდის დინამიკა, სამართლებრივი საკითხები, მშობლებთან ურთიერთობა და სხვა. ლიდერობის აკადემია სამეტაპიანია და მთლიანობაში მოიცავს 160 საკონტაქტო საათს. გარდა ამისა, პროექტის ფარგლებში გაიმართება კვარტალური შეხვედრები და ყოველწლიური კონფერენციები დირექტორებისათვის.

დაბოლოს, რას იტყვით შეფასების ნაწილზე, რომელიც არა მარტო საკლასო შეფასებების, არამედ ეროვნული და საერთაშორისო შეფასებების ხელშეწყობას გულისხმობს, რაც, ალბათ, ზოგადი განათლების პოლიტიკის კურსისთვისაა მნიშვნელოვანი?

– ეს არის კომპაქტის 6 მილიონი დოლარის ოდენობის კომპონენტი. არსებობს საერთაშორისო შეფასებები PISA, TALIS, TIMSS, რომლებიც გვაჩვენებს, რამ-

დენად წარმატებულია ქვეყნის განათლების პოლიტიკა, რამდენად სწორ ნაბიჯებს ვდგამთ, გვაქვს თუ არა ცვლილებები წინა შეფასებებთან შედარებით, რა შედეგებია გავითვალისწინოთ სხვა ქვეყნების გამოცდილებიდან და რა ნაბიჯები გადავდგათ წარმატებისთვის.

შეფასებების ერთი რაუნდი 2008-2009 წლებში ჩატარდა, მაგრამ მომდევნო რაუნდში საქართველოს მონაწილეობა აღარ მიუღია, რამაც შედეგების საშუალება არ მოგვცა. ამიტომ გადავწყვიტეთ, დავფინანსებინა ამ შეფასებებში საქართველოს მონაწილეობა.

არანაკლებ მნიშვნელოვანია ადგილობრივი, ეროვნული შეფასებებიც. ჩვენ საბუნებისმეტყველო და მათემატიკის

(STEM) საგნებზე ესვამთ აქცენტს მეშვიდე და მომდევნო კლასებში (ამ საგნებში ეროვნული შეფასებებიც ჩვენ მიერ ფინანსდება).

ზოგადი განათლების პროექტი ასევე მოიცავს საკლასო შეფასებას. ეს არის მასწავლებლების მიერ გამოყენებული მეთოდი სწავლების პროცესში, რომელიც მოსწავლის განვითარებაზეა ორიენტირებული. საკლასო შეფასების მეთოდის გამოყენებით მასწავლებელი გაიგებს, რამდენად კარგად ესმის მოსწავლეს ესა თუ ის თემა და რა დამატებითი აქტივობებია აუცილებელი ცოდნის გასაღრმავებლად. ჩვენი მასწავლებლების ნაწილს ასეთი ცოდნა სისტემაურად არ მიუღია. მოსწავლეს ნიშანს უწერენ, მაგრამ ის ვერ ხვდება, რაზე

უნდა დასვას მეტი აქცენტი. კარგი მასწავლებელი ყოველთვის მიუთითებს ამაზე, მაგრამ ეს გამონაკლის შემთხვევებში ხდება.

საკლასო შეფასების დანერგვა მასწავლებელს შესაძლებლობას მისცემს, რეგულარულად შეაფასოს თითოეული მოსწავლის პროგრესი. ტრენინგების ფარგლებში პედაგოგებს ვასწავლით, როგორ გააკეთონ საკლასო შეფასება.

მთლიანობაში, განათლების კომპაქტი ლოგიკურად არის აწყობილი და მოიცავს ზოგად, პროფესიულ და უმაღლეს განათლებას. ვიმედოვნებ, რომ მომდევნო წლებში სამივე მიმართულებით კარგ შედეგებს მივიღებთ.

მასწავლებელთა და სკოლის დირექტორთა პროფესიული განვითარების პროექტის მიმდინარეობის დეტალებს კი უფრონალ „მასწავლებელს“ პროექტის მენეჯერი ირინა აბულაძე უზიარებს:

ქალბატონო ირინა, ოდნავ შორიდან დავიწყობთ: რატომ დადგა დღის წესრიგში ამ პროექტის აქტუალობაციის საჭიროება?

– პროექტის საჭიროება გამოიკვეთა არა მხოლოდ მასწავლებელთა პროფესიული განვითარების, არამედ ქვეყნის ეკონომიკური განვითარების საჭიროებიდან გამომდინარე. შეგახსენებთ, რომ ეს პროექტი იმ დიდი პროგრამის ნაწილია, რომელიც საქართველოს მთავრობამ „ათასწლეულის გამოწვევის ფონდ – საქართველოსთან“ ერთად განათლების სისტემაში 2019 წლამდე უნდა

განახორციელოს. გლობალურ პროექტზე მუშაობა რადენიმე წელი მიმდინარეობდა, ჩატარდა არაერთი კვლევა, შეფასდა ქვეყნის ეკონომიკური მაჩვენებლები.

2013 წლის ათასწლეულის გამოწვევის კორპორაციასა და საქართველოს მთავრობას შორის ხელი მოეწერა მეორე კომპაქტის ხელშეკრულებას, რომლის მიზანია საქართველოში სიღარიბის დაძლევა და ეკონომიკური ზრდის ხელშეწყობა როგორც ტექნიკური, პროფესიული და უმაღლესი, ისე ზოგადი განათლების ხარისხის განვითარების გზით.

კვლევებმა დაადასტურა, რომ ეკონომიკური ზრდის შემაფერხებელი ერთ-ერთი ძირითადი ფაქტორი მაღალი კვალიფიკაციის მქონე კადრების დეფიციტია, განსაკუთრებით – საინჟინრო და საბუნებისმეტყველო დარგებში. ამდენად, ჩვენი სამიზნე ჯგუფი ამ მიმართულების, კონკრეტულად, მე-7-მე-12 კლასების მასწავლებლები არიან, ასევე – დირექტორები და სკოლის ბაზაზე პროფესიული განვითარების ფასილიტატორები, რომლებსაც ცენტრი პროფესიული განვითარების კურსებს სატრენინგო მოდულებითა და სხვადასხვა რესურსით სთავაზობს.



მასწავლებელმა
მოსწავლეთა
ინდივიდუალობა
უნდა გაითვალისწინოს, უნდა
მისცას თანაბარი
შესაძლებლობები,
რომ ყველა
ჩაერთოს კლასში.
აუხილავალია
მოსწავლეთა
წინააღმდეგობა,
გამოსვლილება-
ბისა და შეხედუ-
ლებაების გათვალისწინება...

**პროექტის სამიზნე ჯგუფები
გრძელვადიანი პროფესი-
ული განვითარების კურსს
გადიან. როგორია პირველი
შედეგი?**

– შედეგებზე საუბარი ნაადრევია. აგვისტოში ეს პროცესი დირექტორების მომზადებით, ე. წ. ლიდერობის აკადემიით დაიწყო. აკადემიის მიზანია, ხელი შეუწყოს საჯარო სკოლების დირექტორებს სკოლის ეფექტიანად მართვაში.

თითოეული აკადემია რამდენიმე მოდულს მოიცავს (სულ 160 საკონტაქტო საათს). გარდა ამისა, გაიმართება ყოველკვარტალური შეხვედრები და კონფერენციები, სადაც დირექტორები მიღებულ ცოდნასა და პროფესიულ გამოცდილებას კოლეგებს გაუზიარებენ.

პირველი ლიდერობის აკადემია საკმაოდ ბევრმა დირექტორმა დაასრულა. აკადემია სამი მოდულისგან შედგებოდა: ფინანსური და ადამიანური რესურსების მართვა, ეფექტიანი დირექტორი თეორიიდან პრაქტიკისკენ და 21-ე საუკუნის

მასწავლებლები. დირექტორები სწავლობდნენ და უზიარებდნენ ერთმანეთს არა მხოლოდ მენეჯმენტთან დაკავშირებულ ნიუანსებს, არამედ ხედვას, თუ როგორი უნდა იყოს 21-ე საუკუნის სკოლა, როგორ უნდა უმაღლესდნენ მოტივაციას მასწავლებლებს, როგორ უნდა ქმნიდნენ მოსწავლეზე ორიენტირებულ, დემოკრატიულ და ღია გარემოს, სადაც ერთმანეთთან თანამშრომლობენ და სხვ.

ყველა მოდულში დიდი ყურადღება მოტივაციას ეთმობა. ბევრი ამ საკითხს სუბტილურად უყურებს. მათი აზრით, თუ ხელფასი არ არის იმდენი, რამდენიც უნდათ, ან რესურსები არ აქვთ იმდენი, რამდენიც სჭირდებათ, მოტივაცია როგორ უნდა ამოიღოს? მაგრამ მასწავლებლის მოტივაციის ამოღებისა და სკოლის გარადაქმნისთვის მხოლოდ ხელფასის გაზრდა საკმარისი არ არის. სკოლა უნდა იყოს გარემო, სადაც მოსწავლეს მისვლა უხარია!

**მასწავლებლის პროფესი-
ული განვითარების კურსი
როგორია?**

– მასწავლებლის პროფესიული განვითარების კურსი შედგება პროფესიული უნარების სამი მოდულისაგან, ასევე – საგნობრივი მეთოდის მოდულისაგან. საგნობრივი მეთოდის კურსს მასწავლებლები 2017 წლის ზაფხულში გაივიდნენ. 2017-2018 სასწავლო წელს ამავე კურსს მასწავლებელთა მეორე ნაკადი გაივიდნენ.

მასწავლებელთა პირველი ნაკადისთვის ზოგადი პროფესიული უნარების კურსი წელს, ოქტომბერში დაიწყო. დასრულდება 2017 წლის მაისში. წელს 9 ათას მასწავლებელთან ვიმუშავებთ.

პირველი მოდული, რომელსაც ვატარებთ, „მოსწავლეზე ორიენტირებული სასწავლო გარემოს მასწავლებლები“. ტრენინგი არ არის ლექციური ტიპის, ორიენტირებულია ჩართულობაზე, აბსოლუტურად ინტერაქტიულია. არ შეიძლება მასწავლებელს ასწავლო, იყოს მოსწავლეზე ორიენტირებული კლასში, თუ თავად არ იქნები მასზე ორიენტირებული სატრენინგო გარემოში.

ჩვენ უნდა დავივიწყოთ ძველი მიდგომა. დღევანდელ სამყაროში იმდენი ინფორმაციაა, რომ ლაქსიური გაკვეთილი მისთვის უინტერესოა. მასწავლებელმა დროულად, საჭირო დოკუმენტაციას უზრუნველყვეთ. მათი მეთოდებით უნდა მიიწოდოს მას ინფორმაცია. როდესაც მოსწავლე პროცესის თანამონაწილეა და თავად ქმნის, ის უფრო მეტ ინფორმაციას ითვისებს, ვიდრე მაშინ, როცა პასიურია.

ჩვენ მასწავლებლებს ვუვითარებთ უნარებს, თუ როგორ მოახდინონ თითოეულ მოსწავლეზე ფოკუსირება კლასში. არსებობს უამრავი სტრატეგია. მაგალითად, როგორ მოახდინონ ისეთი მოსწავლის იდენტიფიკაცია, რომელიც კლასში პასიურია. ასევე სატრენინგო გარემოშიც. მასწავლებლებს შორის ვიღაც ძალიან აქტიურია, ვიღაც კი მხოლოდ ისმენს. აქ – ტრენინგის, საკლასო ოთახში კი მასწავლებლის პროფესიონალიზმზეა დამოკიდებული, რამდენად მოახერხებს გარემოს მართვას.

ტრენინგზე, რომელიც 4 ათასმა მასწავლებელმა უკვე გაიარა (ის ყოველ შაბათ-კვირას ტარდება), მასწავლებლები ხშირად აღნიშნავენ, რომ ვერც კი შეამჩნიეს, ისე ჩქარა გაიზარა ორმა დღემ. სწორედ ეს არის ინტერაქტიული და დინამიკური საგაკვეთილო პროცესის ხიბლი. მოსწავლეს არ უნდა ჰქონდეს იმის დრო, რომ მოიწყინოს, ვერ მიჰყვება პროცესს. მთავარია, მასწავლებელმა გაკვეთილი ისე დაგეგმოს, რომ მთელი საგაკვეთილო საათი შევსებული იყოს.

ჩვენ უნდა დავივიწყოთ ძველი მიდგომები. დღევანდელ სამყაროში იმდენი ინფორმაციაა აქვს მოსწავლეს, რომ ლექციური საგაკვეთილი მისთვის უინტერესოა. მასწავლებელმა დროულად, საჭირო დოკუმენტაციას უზრუნველყვეთ. მათი მეთოდებით უნდა მიიწოდოს მას ინფორმაცია. როდესაც მოსწავლე პროცესის თანამონაწილეა და თავად ქმნის, ის უფრო მეტ ინფორმაციას ითვისებს, ვიდრე მაშინ, როცა პასიურია.

როგორია მოდულის „მოსწავლეზე ორიენტირებული სასწავლო გარემოს მახასიათებლები“ სასწავლო შედეგები?

– მასწავლებელმა მოსწავლეთა ინდივიდუალობა უნდა გაითვალისწინოს, უნდა მისცეს თანაბარი შესაძლებლობები, რომ ყველა ჩაერთოს კლასში მიმდინარე პროცესში. აუცილებელია მოსწავლეთა წინა დროის, გამოცდილებებისა და შეხედულებების გათვალისწინება... ფაქტობრივად, რაც ტრენინგზე ხდება, ეს არის ნიმუში იმისა, თუ რა უნდა მოხდეს საგაკვეთილო გარემოში. ჩვენს ტრენინგებზე მასწავლებელი არის მოსწავლის როლში. ის თავის თავზე გამოცდის, თუ რამდენად ეფექტურია ჩართულობა, წინა დროის გამოცდილების გათვალისწინება, განხილვებში მონაწილეობა, მსჯელობა და კოლეგისგან განსხვავებული აზრის ქონა.

ამ სიახლეების აღქმა ხომ არ ურთულდებათ შედარებით ასაკოვან მასწავლებლებს, რომლებსაც მყარი პედაგოგიური პრინციპი აქვთ?

– არა. გვყავს სამუშაოზე უფროსი ასაკის მასწავლებლები, რომლებიც პრაქტიკულად ისრუტავენ ახალ ინფორმაციას. ჩვენ დავრწმუნდით, რომ თუ ადამიანებს საინტერესო პროდუქტს ვთავაზობთ, ისინი სიამოვნებით მოდიან და ასაკს მნიშვნელობა არ აქვს.

რასაკვირველია, ვერც ერთ სატრენინგო და პროფესიული განვითარების სისტემაში ვერ მიიღებთ ისეთ შედეგს, რომელიც თანაბრად მაღალი

იქნება ყველა მასწავლებლისთვის, თუმცა ამ პროექტის იდეა ის არის, რომ შეიცვალოს სკოლის გარემო, ატმოსფერო. სკოლაში უნდა იყოს კარგი დირექტორი, რომელიც მასწავლებლისა და მოსწავლეებისთვის მოტივაციის მიმცემი იქნება. ყველაფერი მხოლოდ მასწავლებელზე არ არის დამოკიდებული. მას სჭირდება ძალიან კარგი ხელმძღვანელი ან ხელმძღვანელთა ჯგუფი. ამ ტრენინგებმაც აჩვენა, რომ იქ, სადაც დირექტორები თანამშრომლობენ, სახელმწიფოებრივად აზროვნებენ, ხედავენ პოტენციალს და აქვთ სურვილი, რომ მათი სკოლა განვითარდეს, ყველა ჩვენი პროექტი ბევრად უფრო ეფექტურად მიმდინარეობს.

ამ პროექტის ფარგლებში, დირექტორთა და მასწავლებელთა ერთობლივი ტრენინგებიც ჩატარდება?

– ჩვენი პროექტის ფარგლებში თითოეული სკოლის ბაზაზე პროფესიული განვითარების ერთი ფასილიტატორი იქნება. ფასილიტატორის როლს ამავე სკოლის ერთ-ერთი მასწავლებელი შეითავსებს. ის ჩვენს ტრენინგებს დირექტორთან ერთად დაესწრება. ეს იქნება „ლიდერობის აკადემია 2“, რომელსაც დეკემბრიდან დავიწყებთ.

ფასილიტატორები დირექტორებს მასწავლებელთა კორპუსთან კომუნიკაციაში დაეხმარებიან. შეუძლებელია, მხოლოდ დირექტორი იყოს ჩართული სკოლის მართვაში. მასში ბევრი ჯგუფი უნდა მონაწილეობდეს: მოსწავლეები, სამეურვეო საბჭო, კათედრები, დირექტორის მოადგილე და სხვ.

ფასილიტატორი დირექტორს სასწავლო პროცესის მართვაში დაეხმარება. საზოგადოდ, დირექტორის პროფესიული კომპეტენციები უნდა გაიზარდოს სასწავლო პროცესის მართვის ნაწილში. ხშირ შემთხვევაში დირექტორები კარგი მენეჯერები არიან და მოისუსტებენ სწავლების მიმართულებით. კომბინაცია, სადაც დირექტორს სწავლების გამოცდილებაც აქვს და თან მენეჯერია, ნაკლებად გვხვდება. გვინდა, ამ მხრივ დავხმაროთ ადამიანებს და მივცეთ გამზადებული რესურსი, მაგალითად, მოდული მონიტორინგსა და შეფასებაზე, მოდული სასკოლო თემთან ურთიერთობასა და მართვაზე, მოდული მშობლებთან ურთიერთობის კომპონენტზე და სხვ.

ჩვენს ქვეყანაში სკოლის დონეზე განსხვავებული კონტექსტებია. სკოლების 65% მცირეკონტინგენტია. ამიტომ ლეგიტიმურია კითხვა: როგორ ვაპირებთ, ერთი ტრენინგ-მოდული მოვარგოთ ყველა სკოლის საჭიროებებს? მაგრამ სწორედ ამითაა ჩვენი ტრენინგ-მოდულები საინტერესო. ჩვენ ვცდილობთ, შევასწავლოთ ზოგადი პრინციპები, რომლებიც კონკრეტულ თემას „ქეისებად“ და კონტექსტებად დაყოფს. მერწმუნეთ, ამ ტრენინგებს სოფლის სკოლის დირექტორიც ისეთივე ინტერესით მოისმენს, როგორც თბილისის 51-ე სკოლის დირექტორი მოისმენდა. მარტივია – თუ სკოლის განვითარების მიზანი, რომელსაც მთავაზობ, მიუღწეველია უახლოესი 5-6 წლის განმავლობაში, დემოტივირებული ვხდები. შესაბამისად, უნდა ვეცადოთ, ვასწავლოთ ადამიანებს, რომ დაისახონ მიზ-

ნები, რომლებიც მათი კონტექსტისთვის არის რელევანტური და რეალისტური.

იგივეა მასწავლებლებთან მიმართებითაც. გვაქვს ეროვნული სასწავლო გეგმა, რომელიც განსაზღვრავს, რომელ საფეხურზე რას უნდა მიაღწიოს მასწავლებელმა, მაგრამ მასწავლებლები „იკარგებიან“ ამაში, ურთულდებათ კონკრეტული მიზნების დასახვა რაღაცის ფარგლებში – ჩვენ სწორედ ამას ვასწავლით.

მაგალითად, შემდეგი მოდული განმავითარებელ შეფასებაზე. დღესდღეობით შეფასება სკოლებში აქტიურობის ქუსლია. ჩვენ ვამბობთ, რომ მასწავლებელმა მოსწავლეს მხოლოდ ქულა კი არ უნდა დაუწეროს, არამედ უნდა იზრუნოს პროგრესზე. ეს პროგრესი არ გამოისახება მაინცდამაინც ქულით, ნიშნით. პრაქტიკოსი მასწავლებელი კისვამს კითხვას: როგორ მოვახდინო ცალკეულ მოსწავლეზე ფოკუსირება, როდესაც კლასში 30 მოსწავლეა?

აქვე აღვნიშნავ, რომ ამ მხრივ ჩვენი ქვეყანა არ განსხვავდება სხვა ქვეყნებისგან – არც ერთი ქვეყნის საჯარო სკოლის კლასში 12 ბავშვი არ ზის. მეტიც, საქართველო, მასწავლებლისა და მოსწავლის პროპორციის მიხედვით, ერთ-ერთი გამორჩეულია – ჩვენთან 8 მასწავლებელი მოდის 1 მოსწავლეზე.

ახლა ისმის კითხვა: როგორ გავხადო საკლასო გარემო მოსწავლეზე ორიენტირებული? პირველი: მასწავლებელმა გაკვეთილი ისე უნდა დაგეგმოს, რომ მაქსიმალური იყოს ჩართულობა. კლასი ჯგუფებად უნდა

დაყოფილი იყოს შესაბამისი აქტივობები, იყოს მუდმივად ინტერაქტიული. მეორე: უნდა ჰქონდეს მრავალფეროვანი რესურსი, არ იყოს მხოლოდ სახელმძღვანელო ან აპარატი. ამაზე ჩვენ ვზრუნავთ. ყველა მოდულზე გვაქვს უამრავი დამატებითი მასალა, რომლის გამოყენებაც მასწავლებლებს შეუძლიათ.

შეფასების მოდული ორიენტირებულია იმაზე, თუ როგორ უნდა გამოვეუმუშაოთ მასწავლებელს უნარი, მარტივად მოახდინოს მოსწავლის დიაგნოსტიკა და მიხედვს, აქვს თუ არა პროგრესი მოსწავლეს. აქცენტს ვსვამთ იმაზე, თუ როგორ აკვირდება მასწავლებელი ამ პროცესს კლასში, როგორ აკეთებს ჩანაწერებს და სხვ.

მოკლედ, ვცდილობთ, მასწავლებელს მივცეთ პრაქტიკული რჩევები, რესურსები. არ ვაპირებთ, ვინმეს საქმე გავუთულოთ. პირიქით, მეორე მოდული, რომელიც შეფასებას ეხება, ძალიან საინტერესოა და მასწავლებლებს მოეწონებათ. ცალკე მოვამზადებთ სახელმძღვანელოს განმავითარებელ შეფასებაზე, სადაც მასწავლებელი ნახავს, თუ რა ინსტრუმენტების გამოყენება შეუძლია კლასში.

ტრენინგები მთელი საქართველოს მასშტაბით ჩატარდება?

– დიახ, რესურსცენტრების სამოქმედო ტერიტორიაზე შერჩეულ პარტნიორ სკოლებში. ტრენინგების მონაწილეები უზრუნველყოფილი იქნებიან კვებით.





სიმონ ჭანტურია

სკოლა და თანამედროვეობისთვის საჭირო კომპეტენციები

რამდენიმე თვის წინ პედაგოგებისთვის კონფერენციის მოწყობაზე ვმუშაობდი. დარეგისტრირებულებს ელექტრონული ფოსტით ან მოკლე ტექსტური შეტყობინებით (SMS) საკუთარი დასწრების დადასტურება ვთხოვე. ზოგიერთი მონაწილე ამ ინფორმაციას SMS-ით თავისი


სახელის და გვარის მითითების გარეშე მიგზავნიდა.

მსგავსი შეცდომები უნივერსიტეტის სტუდენტებსაც ხშირად მოსდით. ზოგიერთი მათგანი უცნობი ელექტრონული ფოსტის მისამართიდან კითხვას საკუთარი სახელისა და გვარის მითითების გარეშე აგზავნის. არ ითვალისწინებენ, რომ პასუხის გაცემა ადვილი არ არის, როდესაც ადამიანი კითხვას „რა მივიღე?“ გზავნის ელექტრონული ფოსტის მისამართიდან vampira99@gmail.com, საკუთარი ვინაობის მითითების გარეშე.

განათლების რა სახის ნაკლებან თან გვაქვს ასეთ შემთხვევებში საქმე? ალბათ კომუნიკაციის თანამედროვე საშუალებების გამოყენების ან, საზოგადოდ, ურთიერთობის თანამედროვე ფორმების არასათანადოდ განვითარებულ ჩვევებთან. თუმცა, თუ განვზოგადებთ, პედაგოგიურ პროცესსა და თანამედროვეობის მოთხოვნებს შევაპირისპირებთ, მივხვდებით, რომ ისინი ხშირად აცდენილია ერთმანეთს. შედეგად ვიღებთ

ვითარებას, როდესაც ატესტატის აღების შემდეგ ჩვენს მოქალაქეებს მრავალი ისეთი საბაზისო კომპეტენციის შეძენა ესაჭიროებათ, რომლებიც, წესით, ადრეული ასაკიდანვე უნდა განევითარებინათ.

სკოლადამთავრებულებში თანამედროვეობისთვის საჭირო კომპეტენციების ნაკლებობას ხელს უწყობს ის, რომ ტექნოლოგიების გამოყენებას ჩვენი სკოლების უმეტესობაში ცუდად ასწავლიან. სკოლის გარეთ ინფორმაციის გაცვლისთვის თანამედროვე ადამიანი პრაქტიკულად ყოველდღე იყენებს მობილურ ტექნოლოგიებს. ეფექტიანი კომუნიკაციის უნარებს კი მათ ზოგადასაგანმანათლებლო სისტემაში ნაკლებად უვითარებენ. სკოლების ნაწილში მობილური ტელეფონების გაცვეთილებზე გამოყენება ისევე იკრძალება, როგორც, მაგალითად, სალექციონის ან საბავშვო სათამაშოსი. კარგ მასწავლებელს კი სინამდვილეში მობილური ტექნოლოგიები არამხოლოდ გაცვეთილების უკეთესად ჩატარებაში



საზოგადოებრივი
 სხოვრებისა და
 სკოლის ერთმა-
 ნეთისგან უხდენა
 მხოლოდ კომპა-
 ტენსიების დაბალ
 გენეტიკურებს პრ
 ივივს. მოსწავლე-
 ბისა და მშობლე-
 ბის ნაწილში ავბ-
 ვარი დაშორება
 სკოლის შესახებ
 დაბალი წარმოდ-
 გენების ფორმი-
 რებასაც უნდა
 იწვევდეს. რთული
 წარმოსადგენი,
 სკოლა მაღალი
 რეპუტაციით სარ-
 ვებლობდას, თუ ის
 უხელმძღვანელებს
 სათანადოდ
 პრატიკული-
 ლისტივის, პრაქტიკულ
 თანამედროვე-
 ობისტივისაც ვერ
 უმჯობედებს.

ენმარება. მობილურების
 გავრცელებზე ეთიკურად
 მოხმარება იმის სწავლების-
 თვისაც სასარგებლოა, თუ
 როგორ უნდა იყენებდეს მას
 ადამიანი სკოლის გარეთ არსე-
 ბულ საზოგადოებაში.

ადამიანების დიდი ნაწილი, მათ
 შორის საქართველოშიც, დღეს
 აქტიურად იყენებს ინტერ-
 ნეტში არსებულ ვირტუალურ
 სოციალურ ქსელებს, თუმცა
 კომუნიკაციის ამ საშუალებების
 გამოყენება საგანმანათლებლო
 მიზნების მისაღწევად იშვიათად
 ხდება. სოციალური ქსელების
 სასწავლო პროცესში გამოუყე-
 ნებლობით მასწავლებლები
 უმდიდრეს შესაძლებლობებს
 კარგავენ. სხვა სკოლების,
 დასახლებების ან საერთოდ,
 უცხო ქვეყნებში მცხოვრებ
 თანატოლებთან ურთიერ-
 თობა მოსწავლეებს მრავალ
 შესაძლებლობას მისცემდა

ენობრივი კომპეტენციებისა და
 თანამშრომლობის უნარების
 განსავითარებლად. ვირტუ-
 ალური სოციალური ქსელები
 საუკეთესო საშუალებას აძლევს
 ახალგაზრდებს, აღმოაჩინონ
 ახალი ინტერესები, ისწავლონ
 დისკუსიების წარმართვა და
 განვიტარონ განსხვავებუ-
 ლი მსოფლმხედველობის ან
 კულტურების მატარებელ
 ადამიანებთან ურთიერთობის
 უნარები.

სოციალურ ქსელებში გაჩენილი
 ურთიერთობები მნიშვნელოვან-
 ნია ე.წ. სოციალური კაპიტალის
 დასაგროვებლადაც. თანამედ-
 როვე სამყაროში, არამხოლოდ
 საქართველოში, ნაცნობებისა
 და მეგობრების ქსელი მნიშვნე-
 ლოვნად ეხმარება პიროვნებას,
 გაიუმჯობესოს ცხოვრებისე-
 ული პრობლემების გადაჭრის
 შესნები. სოციალური კაპიტალი
 ეხმარება ღარიბებს, თავი

დააღწიონ შეზღუდულ შესაძ-
 ლებლობებს, რომელშიც ისინი
 იზრდებიან. არასასურველი
 გარემოს გარღვევა აკადემი-
 ური წარმატების გარდა მნიშვნე-
 ლოვნადაა დამოკიდებული
 იმაზე, თუ წარმატების რა მაგა-
 ლითებს იცნობენ, ვის შეუძ-
 ლია, მათ რჩევები მისცეს ან
 რამდენად შეუძლიათ იზოგონ
 თანამოაზრეები ან მხარდამჭე-
 რები ახალი გადაწყვეტილების
 მიღებისას.

აქვე უნდა აღინიშნოს, რომ
 ჩვენი სკოლები, სოციალური
 უნარების განსავითარებლად,
 არამხოლოდ ტექნოლოგიებს
 იყენებენ სუსტად. სასწავლო
 პროცესი იშვიათად არის ისე
 დაგეგმილი, რომ მოსწავლეებს
 ერთმანეთთან ან ზრდას-
 რულელებთან გააზრებულად
 ურთიერთობა ასწავლოს.
 სკოლაში უფრო მეტად მოს-
 წავლეების ინდივიდუალურ



ვირტუალური სოციალური ქსელები სუპერ- თეოსო სუპერ- პლექსს უკლ- გაზრდებს, კლ- მოაჩინონ უსაღი ინტერესები, ის- წავლენ დისკუსი- ების წარმართვა და განივი თარონ განსხვავებული მსოფლმხედ- ველობის უნ- კულტურების მატარებელ უღმინაბთან ურთიერთობის უნარიები.

ძალისხმევას აფასებენ და ნაკლებად – კოლექტიურს. უმეტეს შემთხვევაში მოსწავლე წარმატებულად მაშინ ითვლება, თუ ის დამოუკიდებლად წყვეტს საგანმანათლებლო პრობლემებს, დამოუკიდებლად კითხულობს, დამოუკიდებლად წერს, დამოუკიდებლად პოულობს საგარეო წყაროების ამონახსნებს და სხვ. სკოლის გარეთ არსებული ცხოვრება კი სრულიად სხვა მოთხოვნებს აყენებს.

ჯგუფში მუშაობის უნარები დღევანდელ სამყაროში უმეტესად საქმიანობასა თუ პროფესიულ წარმატებას წარმართავს. ექიმები, ინჟინრები, მომსახურების სფეროში დასაქმებული ადამიანები, მეცნიერები, საჯარო სამსახურსა თუ ბიზნესში დასაქმებულები და თავად სკოლაში მომუშავე პედაგოგებიც ყოველდღიურად არიან სამუშაო თუ სოციალური ჯგუფის წევრები. მათ მუდამ უწევთ როლების დანაწილება, საერთო შეთანხმებების მისაღწევად მოლაპარაკებებსა და კომპრომისებზე წასვლა, ახალი იდეების გენერირება და განხორციელება.

მართალია, ჩვენს სკოლებში ჯგუფური მუშაობის მიდგომები სულ უფრო ხშირად გამოიყენება, მაგრამ გუნდური მუშაობის პრინციპი განათლების საფუძვლად ჯერ კიდევ ნაკლებად აღიქმება. მაგალითად, მასწავლებლებისა და მოსწავლეების ურთიერთობა იშვიათად არის სოციალური ჯგუფის წარმატებული მუშაობის მაგალითი. მასწავლებლები და მოსწავლეები როგორც ერთი გუნდის წევრები არ მოქმედებენ. მოსწავლეები და მასწავლებლები იშვიათად

თანხმდებიან სწავლების მიზნების, საშუალებებისა და მიდგომების შესახებ. მასწავლებლები უმეტესად ადმინისტრატორების როლში არიან, ხოლო მოსწავლეები – დაქვემდებარებულების. მასწავლებლები მეტწილად ბრძანებებს გასცემენ, რომლებიც მოსწავლეებმა უნდა შეასრულონ. ასეთი გამოცდილების ფარგლებში კი რთულია, მოსწავლეებმა თანაშრომლობის ფორმები შეისწავლონ.


სწავლების შინაარსიც მნიშვნელოვნად ჩამორჩება მოსწავლეების გარკვეული ნაწილის ცხოვრებისეულ გამოცდილებას. მაგალითად, თანამედროვე საბავშვო და საყმაწვილო ლიტერატურა იშვიათად ხდება სასკოლო სივრცის ნაწილი. უფრო მეტიც, სერიოზული აცდენაა მოსწავლეებისა და მასწავლებლების ლიტერატურულ გამოცდილებას შორის. მასწავლებლების მცირე ნაწილს აქვს წაკითხული თანამედროვეობაში პოპულარული სერიული ნაწარმოებები, როგორც არის, მაგალითად, „ჰარი პოტერი“ ან „პერსი ჯეკსონი და ოლიმპიონები“.

ვითარებას ისიც ართულებს, რომ მოსწავლეებისა და მასწავლებლების კულტურული გამოცდილების დაშორება მხოლოდ ლიტერატურით არ შემოიფარგლება. მასწავლებლებს უჭირთ თანამედროვე მუსიკის უნარებისა თუ შემსრულებლების ამოცნობა. მათ ძალიან მცირე აქვთ კომპიუტერული თამაშებით გართობის გამოცდილება. მასწავლებლების უმეტესობა აღიზარდა ისეთ გარემოში, სადაც, დღევანდელი სამყაროსგან განსხვავებით, ნაკ-

ლები იყო კომუნიკაციის საშუალებები, ნაკლებად იცვლიდნენ ადამიანები პროფესიებს, სამუშაო და საცხოვრებელ ადგილებს. მასწავლებლების დიდი ნაწილი აღიზარდა სახელმწიფოში, რომელსაც ჩაკეტილი და მკაცრად გაკონტროლებული ჰქონდა სახელმწიფოს საზღვრები, როგორც გადაადგილებისთვის, ისე ინფორმაციისთვის.

საზოგადოებრივი ცხოვრებისა და სკოლის ერთმანეთისგან აცდენა მხოლოდ კომპეტენციების დაბალ განვითარებას არ იწვევს. მოსწავლეებისა და მშობლების ნაწილში ამგვარი დაშორება სკოლის შესახებ დაბალი წარმოდგენების ფორმირებასაც უნდა იწვევდეს. რთული წარმოსადგენია, სკოლა მაღალი რეპუტაციით სარგებლობდეს, თუ ის ახალგაზრდობას სათანადოდ არათუ მომავლისთვის, არამედ თანამედროვეობისთვისაც ვერ ამზადებს. ამიტომაც მასწავლებლები, სკოლის ადმინისტრაცია, განათლების პოლიტიკაში ჩართული ადამიანები და ინსტიტუტები უნდა დაფიქრდნენ იმის შესახებ, თუ როგორ უნდა შეიცვალოს საგანმანათლებლო პროცესი, ტექნოლოგიები, განათლების მიზნები და შინაარსი, რომ ქართული სკოლა მართლაც ოცდამეერთე საუკუნისთვის ამზადდებდეს ჩვენი საზოგადოების წევრებს, მასწავლებლები კი მაქსიმალურად უნდა ეცადონ, გამოსცადონ ის, რაც ჩვენს მოსწავლეებს აინტერესებთ.





მაია უირჩიხვილი

ტიპური ღვაკლები და უნივერსალური სასწავლო ქმედებები

ეროვნულ სასწავლო გეგმაში მკაფიოდაა განსაზღვრული საგანმანათლებლო რესურსების მნიშვნელობა პიროვნების განვითარებაზე ორიენტირებული საგანმანათლებლო კონცეფციის შესრულებისთვის. ამ მიზანს ემსახურება ეროვნული სასწავლო გეგმის ფუნდამენტური პრინციპი - შედეგზე ორიენტირება, რომელიც გულისხმობს მოსწავლეთა აღჭურვას ქმედითი ცოდნით.

დასახული მიზნების მისაღწევად მოსწავლეებს ბევრი მუშაობა სჭირდებათ, რაც მათგან დიდ ძალისხმევას და შემოქმედებითობას მოითხოვს. სხვა პრაქტიკულ საქმიანობებთან ერთად, შედეგების მიღწევაში მოსწავლეებს დაეხმარება ტიპური დავალებებისა და უნივერსალური სასწავლო ამოცანების შესრულება. ტიპური ანუ სტანდარტული ნიმუშის მსგავსი დავალებები ააქტიურებს აზროვნებასა და უნარ-ჩვევებს, ხოლო უნივერსალური სასწავლო ქმედებები ხელს უწყობს შემეცნებითი უნარების გაუმჯობესებას, სოციალური გამოცდილების – პიროვნული და თანამშრომლობითი (მარეგულირებელი) თვისებების ჩამოყალიბებას/ განვითარებას და კომუნიკაციური უნარების სრულყოფას.

ტიპურ დავალებებთან ერთად, უნივერსალური სასწავლო ქმედებები მოსწავლეს ეხმარება როგორც სხვადასხვა საგნობრივი მოთხოვნის შესრულებაში, ასევე, საზოგადოდ, სასწავლო პროცესში. საზოგადოებრივი მეცნიერებების შესწავლისას ეს ხელს უწყობს განსხვავებული დონის ინფორმაციების ათვისებას, საგნობრივი პროგრამისა და სასწავლო კომპეტენციების დაუფლებას, სამყაროს მთლიანობად აღქმას

და მასში საქართველოს ადგილის განსაზღვრას, პატრიოტ და პასუხისმგებლობის მექანე პიროვნებად ჩამოყალიბებას, საგანგებო სიტუაციებში შეუცდომლად და უსაფრთხოდ მოქმედების უნარის გამომუშავებას.

ტიპური ღვაკლები და უნივერსალური სასწავლო ამოცანების ნიმუშები

მიმართულება – საზოგადოებრივი მეცნიერებები (ისტორია, სამოქალაქო განათლება)

I პიროვნულ განვითარებაზე ორიენტირებული მემკვიდრეობა:

დავალება N1: „წინაპართა გალერეა“ (საბაზო საფეხურისთვის)

მიზანი: ისტორიული გამოცდილების გააზრება, საკუთარი პოზიციის გამოკვეთა, დამოკიდებულების ჩამოყალიბება, პასუხისმგებლობის უნარის განვითარება და შესაბამისი ქცევის ანუ ადეკვატური მოქმედების განხორციელება საზოგადოებაში

შესრულების ფორმა: ინდივიდუალური და ჯგუფური

საგანი: ისტორია, სამოქალაქო განათლება

დავალების (ამოცანის) აღწერა: „წარმოიდგინეთ, რომ უნდა მოაწყოთ ფოტოგამოფენა თქვენი ქვეყნის გამოჩენილი მოღვაწეების შესახებ. ვის აირჩევდით საგამოფენოდ და რატომ?“

დავალება N2: „მტკიცებულებითი სამუშაო“ (საბაზო საფეხურზე)

ტიპურ ღვაკლებთან ერთად, უნივერსალური სასწავლო ქმედებები მოსწავლეს ეხმარება რომორს სხვადასხვა საგნობრივი მოთხოვნის შესრულებაში, ასევე, საზოგადოდ, სასწავლო პროცესში.

მიზანი: მორალური ცნობიერების განვითარება ანალიტიკური, კვლევითი და დისკუსიური სავარჯიშოების გზით

შესრულების ფორმა: ინდივიდუალური და ჯგუფური

საგანი: სამოქალაქო განათლება

დავალების (ამოცანის) აღწერა: „იმუშავეთ მტკიცებულებებზე“



შეფასების კრიტერიუმები მოცემული ორი დავალებისთვის: სრულად და ადეკვატურად აფასებს პიროვნებებს და ახასიათებს ზნეობრივი ნორმების მიხედვით; მოაქვს დამარწმუნებელი მტკიცებულებები, მაგალითები; მაქსიმალურად სრულად ასახავს რეალობას.

II თანამშრომლობითი (მარეგულირებადი) უნარების განვითარებაზე ორიენტირებული მატერიალი:

დავალება N1: „დაჯგუფება“ (საბაზო საფეხურის საწყისი პერიოდი)

მიზანი: შესწავლილი მასალის საფუძველზე საკუთარი საქმიანობის დაგეგმვის უნარის ფორმირება

საგანი: ისტორია, სამოქალაქო განათლება

შესრულების ფორმა: ინდივიდუალური და ჯგუფური

- დავალების აღწერა:**
- 1 დაწერეთ დაფაზე სიტყვები, მაგალითად: ევფრატი, ტიგროსი, შუმერები, შუამდინარეთი, ური, ურუქი, ლურსმული დამწერლობა.
 - 2 5 წამის განმავლობაში წაიკითხეთ და დაიმახსოვრეთ ეს სიტყვები.
 - 3 ჩამოწერეთ რვეულში სიტყვები, რომლებიც დაიმახსოვრეთ.
 - 4 დაითვალეთ, რამდენი სიტყვის დამახსოვრება შეძელით.
 - 5 სიტყვებიდან ამოარჩიეთ ისინი, რომლებიც რაიმე სახით უკავშირდება ერთმანეთს.
 - 6 მოახდინეთ კლასიფიცირება და შეარჩიეთ ყოველი ჯგუფიდან განმარტებული სიტყვა.

დავალება N2: „მომავალი მეწარმე“ (საბაზო და საშუალო საფეხურზე)

მიზანი: არსებული სიტუაციის შეფასების უნარის განვითარება

შესრულების ფორმა: ინდივიდუალური და ჯგუფური

საგანი: სამოქალაქო განათლება

დავალების (ამოცანის) აღწერა: გააანალიზეთ სიტუაცია და უპასუხეთ შეკითხვებს: „ქალაქში პენსიონერმა ბებიებმა და ბაბუებმა ბიზნესი წამოიწყეს – ეზოში დარაჯობენ მანქანებს და ამაში გასამრჯელოს იღებენ. ზოგიერთი პენსიონერი ერთდროულად 10 მანქანასაც კი დარაჯობს. პენსიასთან ერთად ეს არც ისე ცუდი შემოსავალია. მეპატრონეებიც კმაყოფილები არიან, რადგან ოფიციალური ავტოპარკი შედარებით ძვირი ღირს“.

შეკითხვები: ა) მოცემული სიტუაციიდან გამომდინარე, ჩამოთვალეთ მეწარმეობისთვის დამახასიათებელი ნიშნები; ბ) ჩამოაყალიბეთ თანამედროვე პირობებში მეწარმეობის განვითარების თქვენური ვარიანტები.

შეფასების კრიტერიუმები მოცემული ორი დავალებისთვის: არგუმენტირების გზით ასახულებს საკუთარ მოსაზრებებს და პოზიციებს.

III ნიშნული შეფასებითი უნარების განვითარებისთვის

დავალება N1: „წინასწარმეტყველება“ (საბაზო საფეხურზე)

მიზანი: სასწავლო ამოცანების შესრულებისთვის საჭირო ინფორმაციის მოძიების, მტკიცებულებებისა და მიზეზშედეგობრივი კავშირების დამყარების უნარის ფორმირება

საგანი: ისტორია, სამოქალაქო განათლება

შესრულების ფორმა: ინდივიდუალური და ჯგუფური

დავალების აღწერა: წაიკითხეთ ნაწყვეტი, შეეცადეთ აღწეროთ ავტორის ხასიათი, ვინ იყო წარმომავლობით, როგორი ცხოვრების წესი შეიძლება ჰქონოდა, ან შეიძლება თუ არა რაიმე ვთქვათ მის სოციალურ მდგომარეობაზე. „ძვ.წ. II ათასწლეულის ეგვიპტურ ხელნაწერში ვკითხულობთ: „მე არ ჩავდიოდი უსამართლობას ადამიანების მიმართ, მე არ ვბოცავდი ჩემს ახლობლებს, მე არ ჩავდიოდი საზიზღრობას სიმართლის ნაცვლად... მე არ ვაიძულებდი ჩემს მონებს ემიშვილათ, მე



IV ნიშნები კომუნიკაციური უნარების განვითარებისთვის

დავალბა N 1: „კვარტეტი“ (საბაზო საფეხური)

მიზანი: კომუნიკაციის დამყარება, რომელიც ორიენტირებულია ინფორმაციის სტრუქტურირების, ახსნა-განმარტებისა და ინფორმაციის მიწოდების საკითხებზე, ერთობლივი მოღვაწეობა საერთო პროდუქტის შექმნის პროცესში.

საგანი: ისტორია, სამოქალაქო განათლება

შესრულების ფორმა: ჯგუფური

დავალბის აღწერა: მოვამზადოთ ერთნაირი ბარათები 2-3 ჯგუფისთვის 4 ცალად (მოსწავლეთა რაოდენობის მიხედვით). თითოეულ ჯგუფს ეძლევა 4 შერეული „კვარტეტი“ (გამზადებული 4 ბარათი). ბარათებზე უნდა იყოს: 1. ცნობილი სახელმწიფო მმართველების გამოსახულებები, 2. მათი მმართველობის წლები, 3. ცნობილი მოვლენები მმართველობის პერიოდიდან და 4. მნიშვნელოვანი თარიღები. მთავარია, ბარათებს აერთიანებდეს ერთი ძირითადი იდეა (მაგალითად, დავით IV აღმაშენებლის მეფობის მნიშვნელოვანი მოვლენები და თარიღები, ან შუა საუკუნეების ევროპაში განათლების ცენტრების მუშაობა და ა. შ.).

დავალბა N2: „იურისტის კონსულტაცია“ (საბაზო საფეხური)

მიზანი: მიღებული ცოდნის პრაქტიკაში გამოყენების, საჭირო ინფორმაციის გაანალიზების, ჯგუფური მუშაობის, კომუნიკაციის კულტურის, საჯარო გამოსვლების გამოუმუშავების უნარი

საგანი: სამოქალაქო განათლება

შესრულების ფორმა: ჯგუფური

დავალბის აღწერა: შრომითი ურთიერთობების მართვა, საჭირო პასუხების მოძებნა და კონსულტაციის გაწევა (საჭიროების შემთხვევაში მასწავლებელს პასუხებში შეაქვს შესწორებები).

შეფასების კრიტერიუმები მოცემული ორი დავალბისთვის: პროდუქტიულობა, რთულ კითხვებზე პასუხის გაცემა, ემოციების მართვა, ურთიერთ-კონტროლი და ურთიერთდახმარება.

ტიპური დავალბებისა და შესაბამისი უნივერსალური სასწავლო ქმედებების განხორციელებით მოსწავლე შეძლებს სწავლის კონკრეტული საფეხურების მოთხოვნების დაძლევის და გაიხალისებს სასწავლო პროცესს, ამიტომაც ეს ეფექტური სწავლის რეალურ საშუალებად აღიარებული.



დასახული მიზნების მისაღწევად მოსწავლეებს გვერდითი მუშაობა სჭირდებათ, რაც მათგან დიდ ძალისხმევას და შემოქმედებითობას მოითხოვს. სხვა პრაქტიკულ საქმიანობებთან ერთად, შედეგების მიღწევაში მოსწავლეებს დაეხმარება ტიპური დავალბებისა და უნივერსალური სასწავლო უმოხატელობის შესრულება.

არ ვიყავი დამნაშავე ლატაკთა უმწეობაში, არავის ვატირებდი, არ ვკლავდი...”

მიზანი: სასწავლო ამოცანების შესრულებისთვის საჭირო ინფორმაციის მოძიების, მტკიცებულებებისა და მიზეზშედეგობრივი კავშირების დამყარების უნარის ფორმირება

საგანი: ისტორია, სამოქალაქო განათლება

შესრულების ფორმა: ინდივიდუალური და ჯგუფური

დავალბის აღწერა: ახსენით, რა დანიშნულებით გამოიყენება ტერმინი „მოქალაქე“ შემდეგ სიტუაციებში:

● **სიტუაცია 1:** განცხადება – „მოქალაქეებო, სანერვიულო არაფერია, საბანკო მომსახურება შეფერხებულია ტექნიკური მიზეზებით“.

● **სიტუაცია 2:** ამონაწერი სასამართლოს განჩინებიდან – „მოქალაქე X-მა ჩხუბის დროს მოქალაქე Y-ს სერიოზული ტრავმები მიაყენა“.

● **სიტუაცია 3:** ამონარიდი კონსტიტუციიდან – „პიროვნების თავისუფლებისა და უფლებების დაცვა სახელმწიფოს მოვალეობაა“.

შეფასების კრიტერიუმები მოცემული ორი

დავალბისთვის: ეძებს დავალბის შესასრულებლად საჭირო ინფორმაციას, გაიზრებს და ადეკვატურად იყენებს ტექსტს, გამოყოფს პირველხარისხოვან და მეორეხარისხოვან ნიშნებს და შეუძლია მიზეზშედეგობრივი კავშირების დამყარება.



მარიამ კავუნავა

განმავითარებელი შეფასება საბუნებისმეტყველო სფეროში

განმავითარებელი შეფასება მასწავლებელს როგორც მოსწავლის სოციალურ უნარების, ასევე საკუთარი სასწავლო მეთოდების შეფასების საშუალებას აძლევს. შეფასების ეს ფორმა იძლევა მას, თუ რა დონეზე ეფექტურია მისი მიდგომები და რა მიმართულებით უნდა გააგრძელოს მუშაობა მოსწავლეთა წარმატების უზრუნველსაყოფად.

სასწავლო პროცესში განმავითარებელი შეფასების გამოყენება მნიშვნელოვანია როგორც მოსწავლისთვის, ასევე მასწავლებლისთვის. შეფასების ამ ფორმის გამოყენებისას მასწავლებელი ხედავს, სად უნდა გააუმჯობესოს საკუთარი პრაქტიკა, ხოლო მოსწავლე ხედავს თავის ძლიერ და სუსტ მხარეებს, მიღწეული შედეგის გაუმჯობესების გზებს (1).

ბუნებისმეტყველების სწავლებისას პედაგოგები ხშირად მიმართავენ პროექტით სწავლებას. პროექტით სწავლება და განმავითარებელი შეფასება მჭიდროდ უკავშირდება ერთმანეთს. ამ დროს მასწავლებლის როლი იცვლება და ის მხოლოდ შინაარსის „გადაცემი, მიმწოდებელი“ აღარაა. პროექტით სწავლებისას მოსწავლეები იყენებენ არსებულ ცოდნას, მასზე აშენებენ ახალს და ივითარებენ სხვადასხვა უნარს. შესაბამისად, პედაგოგი აფასებს როგორც მოსწავლის ცოდნას, ასევე განვითარებულ უნარებსაც.

შეფასების პროცესში პედაგოგს ეხმარება რუბრიკა. რუბრიკის შექმნა სერიოზულ მუშაობას მოითხოვს. ძალიან მნიშვნელოვანია, რუბრიკაში ზუსტად აისახოს, თუ რა ცოდნა უნდა მიიღოს მოსწავლემ და რა უნარების დემონსტრირება უნდა შეძლოს პროექტის დასრულების შემდეგ. ასევე ზუსტად უნდა განისაზღვროს მოსწავლეთა მიერ, შესრულებული დავალებების დონე და ის, თუ რა მოლოდინი აქვს მასწავლებელს. როდესაც მოსწავლეებს ეცოდინებათ, როგორ გაიზომება მათი წარმატება, ექნებათ საპარტოლიანობის განცდა. გარდა ამისა, ეს დაეხმარება მათ, სრულად ჩაერთონ სამუშაოში, წახალისონ ჯგუფის წევრები. შეფასების რუბრიკების შესახებ უფრო ახალ „მასწავლებლის“ წინა ნომერში უკვე გამოქვეყნდა სტატია (2). ამ სტატიამ რუბრიკებს დაწვრილებით აღარ

განვიხილავ და მხოლოდ ერთ ნიმუშს მოგაწვდით.

საბუნებისმეტყველო საგნების მასწავლებლები ხშირად იყენებენ ჯგუფური მუშაობის ფორმას, მაგ., ესპერიმენტების ჩატარებისას, პრობლემების გადაჭრისას. ამ დროს მასწავლებლის ერთ-ერთი მთავარი ამოცანაა, ხელი შეუწყოს თანამშრომლობითი გარემოს შექმნას კლასში. მნიშვნელოვანია, რომ მოსწავლეები ინტერესით ჩაერთონ ჯგუფურ სამუშაოში, მისცენ ერთმანეთს რჩევები, გაარკვიონ ბუნდოვანი საკითხები და ხელი შეუწყონ ერთმანეთს მუშაობის პროცესში. ამრიგად, კლასში იქმნება ჯანსაღი კონკურენცია და ერთი ჯგუფი მეორის წარმატებას დამსახურებულად მიიჩნევს.

როდესაც ჯგუფის საერთო ნამუშევარი ფასდება, რთულია, პედაგოგმა თითოეული მოსწავლის წვლილი შეაფასოს. სწორედ მოსწავლეთა ინდივიდუალური შეფასების მიზნით წარმოგიდგინთ თვითშეფასების რუბრიკის ნიმუშს. ამ შემთხვევაში ჯგუფის თითოეული წევრი თავად აფასებს საკუთარ ნამუშევარს. მნიშვნელოვანია, რომ მოსწავლეებმა ასეთი შეფასების რუბრიკა მუშაობის დროსაც გამოიყენონ და არა მხოლოდ მისი დასრულების შემდეგ. მასწავლებელს საშუალება უნდა ჰქონდეს, მიმართოს განმავითარებელ შეფასებას და ხელი შეუწყოს მოსწავლეთა წარმატებას.

განმავითარებელი შეფასებისას ერთი-ერთი მნიშვნელოვანი ინსტრუმენტი შეკითხვების დასმა. ის ეხმარება მასწავლებელს, შეაფასოს, რამდენად ღრმად მოსწავლის ცოდნა ამა თუ იმ საკითხის შესახებ. შეკითხვები ზოგჯერ დისკუსიას იწვევს კლასში, რაც კიდევ უფრო ეხმარება მოსწავლეებს არსებული ცოდნის განმტკიცებასა და ახალი ცოდნის შექმნაში. განმავითარებელი შეფასების

კრიტერიუმი	მიღწევის დონე			
	4	3	2	1
თანამშრომლობა/ სამუშაოს გადანაწილება	კარგად ვმუშაობ ჯგუფის ყველა წევრთან, სამუშაოს თანაბრად ვინაწილებთ.	კარგად ვმუშაობ ჯგუფის თითქმის ყველა წევრთან, სამუშაოს ყოველთვის თანაბრად არ ვინაწილებთ.	ჯგუფში კარგად ვმუშაობ დროის გარკვეულ მონაკვეთში, ჯგუფის სხვა წევრები ასრულებენ ძირითად სამუშაოს.	არ ვმუშაობ კარგად ჯგუფში, არ ვასრულებ ჩემთვის განკუთვნილ სამუშაოს.
ჩართულობა	სრულად ვარ ჩართული სამუშაო პროცესში, ვასრულებ ყველა სამუშაოს.	დროის ძირითად ნაწილში ჩართული ვარ სამუშაო პროცესში, თითქმის ყველა სამუშაოს ვასრულებ.	მუშაობისას ბევრ დროს ვკარგავ სხვა საქმიანობაზე, სამუშაოს დიდ ნაწილს არ ვასრულებ.	არ ვარ ჩართული სამუშაო პროცესში, დიდი ხნის მანძილზე სხვა საქმით ვარ დაკავებული.
მოსმენა	ყურადღებიანი ვარ და ყოველთვის ვუსმენ ჯგუფის წევრების მოსაზრებებს.	ჯგუფის წევრებს ვუსმენ ძირითადი დროის განმავლობაში და ყურადღებას ვაქცევ, თუ რას იტყვიან ისინი.	იშვითად ვუსმენ ჯგუფის წევრებს, ხშირად ვაწყვეტინებ საუბარს.	საერთოდ არ ვაქცევ ყურადღებას, რაზე საუბრობენ ჯგუფის წევრები. მე ჩემი მოსაზრებები მაქცეს.
უკუკავშირი	ძირითადად კონსტრუქციულ უკუკავშირს ვაძლევ ჯგუფის წევრებს.	კონსტრუქციულ უკუკავშირს ხშირად ვაძლევ ჯგუფის წევრებს.	უკუკავშირს მხოლოდ მაშინ ვაძლევ ჯგუფის წევრებს, როდესაც მეკითხებიან.	არასოდეს ვაძლევ უკუკავშირს ჯგუფის წევრებს.
ლიდერობა/ ხელმძღვანელობა	სიამოვნებით ვარ/ვიქნები ლიდერი ჯგუფში, დავებნარები ჯგუფის დანარჩენ წევრებს აქტიურ მუშაობაში.	უმეტესი ხნის განმავლობაში ვარ/შვად ვარ, ვიყო ჯგუფის ლიდერი.	შემიძლია ვიყო ჯგუფის ლიდერი, მაგრამ ამას ჩემი სურვილით არ ვაკეთებ.	არ მსურს ჯგუფის ლიდერობა, ვიქნები ჯგუფის ჩვეულებრივი წევრი.
პასუხისმგებლობა/ მუშაობის ჩვევა	ყოველთვის ვასრულებ ჩემს სამუშაოს და არასოდეს მჭირდება შესხენება. ყოველთვის ვცდილობ წავახალისო ჯგუფის სხვა წევრებიც.	ძირითადად ვასრულებ ჩემს სამუშაოს და ძალიან იშვითად მჭირდება შესხენება.	რამდენჯერმე დამჭირდა შესხენება, რათა შემესრულებინა ჩემი სამუშაო.	ყოველთვის მჭირდება შესხენება, რათა შევასრულო ჩემი სამუშაო.

გამოყენებული ლიტერატურა:

1. P. Black and C. Harrison, (2010). Formative assessment in science. *Good Practice in Science Teaching. What Research has to say?* Edited by J. Osborne and J. Dillon. Open University Press (გვ. 183-210)
2. ნ. ედიშერაშვილი, (2016). შვავსების რუბრიკების მნიშვნელობა სწავლა-სწავლების პროცესში და მათი ტიპები. *ჟურნალი „მასწავლებელი“*, N5 (გვ. 20-23)
3. ს. გორგოძი, (2016). ეფექტური განმავითარებელი შვავსება. *ჟურნალი „მასწავლებელი“*, N5 (გვ. 15-19)
4. J. A. Vasquez, C. Sneider & M. Comer, (2013). STEM. Lesson Essentials, Grades 3-8, (გვ. 123-136)

ამ ინსტრუმენტის შესახებ ჟურნალ „მასწავლებლის“ წინა ნომერში იყო საუბარი (3). აქ მხოლოდ ერთ ნიმუშს წარმოგიდგინთ, რომელიც აღწერს შემთხვევას სამეცნიერო მუშეუში.

მუშეუში თანამშრომელმა ქვეწარმავლების შესახებ საუბრისას დამთვალელებს აჩვენა ერთ-ერთი ქვეწარმავალი და დასვა შეკითხვა: „გველის რა ნაწილია კუდი და რა ნაწილია სხეული?“ იმისათვის, რომ ვიზიტორები წახალისებინა, მათ ასეთი ინფორმაცია მიაწოდა: „ზოგიერთი ადამიანი ფიქრობს, რომ გველი მთლიანად სხეულია, ზოგი კი ფიქრობს, რომ მთლიანად კუდია. თქვენი აზრით, რომელი მოსაზრებაა სწორი?“

რი? ან იქნებ სხვა მოსაზრება გქვიათ ამ საკითხთან დაკავშირებით?“ მუშეუში თანამშრომელმა ამ შეკითხვების დახმარებით დამთვალელები საინტერესო დისკუსიაში ჩართო და მისცა საშუალება, გამოეთქვათ საკუთარი მოსაზრებები.

ერთმა ბავშვმა თქვა, რომ კუდი შუა ნაწილიდან იწყება. მუშეუში თანამშრომელმა სთხოვა, აეხსნა, რატომ ფიქრობდა ასე. პასუხის მოსმენის შემდეგ მუშეუში თანამშრომელმა კვლავ მიმართა დამთვალელებს: „ვინ ეთანხმება ამ მოსაზრებას და არგუმენტებს?“ რამდენიმე სტუმარმა ხელი ასწია. „კუდი დამისაბუთოთ, რატომ ეთანხმებით ამ მოსაზრებას“, - მიმართა მათ და ყველამ მოისმინა პასუხები. შემდეგი შეკითხვა კი მან იმ დამთვალელებს დაუსვა, ვინც არ იზიარებდა ამ მოსაზრებას და საპირისპირო არგუმენტები ჰქონდა. არც ერთი გამოთქმული მოსაზრება არ იყო სწორი.

მუშეუში თანამშრომელმა დამთვალელებს უთხრა: „წარმოიდგინეთ კატა ან ძაღლი და მოიფიქრეთ, როგორ დაახასიათებდით იმ ადგილს, სადაც კუდი სხეულს უერთდება“ მოსაზრებების გამოთქმის შემდეგ შეთანხმდნენ, რომ ეს არის ადგილი, სადაც ხდება ექსკრეციის გამოყოფა. ამის შემდეგ მუშეუში თანამშრომელმა მიიწვია ერთ-ერთი ვიზიტორი გველის უფრო ახლოდან დასათვალელებლად – შენიშნადა თუ არა ის გველის სხეულზე ასეთ ადგილს. მან მართლაც იპოვა სხეულზე პატარა ხვრელი (4).

მოცემული მაგალითი ნათლად ასახავს, თუ როგორ შეუძლია მასწავლებელს განმავითარებელი შეფასების გამოყენება საგაკვეთილო პროცესში. ჯგუფური მუშაობისას მოსწავლეთა თვითშეფასება მიუთითებს მას, თუ სად სჭირდება დახმარება თითოეულ მოსწავლეს. ასევე, რაც უფრო მეტ ღია, მაპროვოცირებელ კითხვას დასვამს მასწავლებელი, მით მეტი შესაძლებლობა ექნება, შეაფასოს მოსწავლეთა ცოდნა და უნარები.

ამრიგად, განმავითარებელი შეფასება მასწავლებელს როგორც მოსწავლის ცოდნისა და უნარების, ასევე საკუთარი სასწავლო მეთოდების შეფასების საშუალებას აძლევს. შეფასების ეს ფორმა აჩვენებს მას, თუ რამდენად ეფექტურია მისი მიდგომები და რა მიმართულებით უნდა გააგრძელოს მუშაობა მოსწავლეთა წარმატების უზრუნველსაყოფად.





ეკატერინე გოგოლაშვილი

ახალი მასალის გაუზრების პარტივი გზები

განათლების სფეროში ჩატარებული კვლევების მიხედვით თუ ვიმსჯელებთ, სწორად დასმული შეკითხვები მოსწავლეებს ცოდნის გაღრმავებაში ეხმარება. ეს განსაკუთრებით მნიშვნელოვანია იმ მოსწავლეებისთვის, რომლებსაც გარკვეული სირთულეები აქვთ შინაარსის დამახსოვრებასა და გააზრებასთან დაკავშირებით, მაგრამ, ამავე დროს, არაჩვეულებრივი შემოქმედებითი პოტენციალითა და ინტუიციით გამოირჩევიან.

როგორ უნდა მივხედეთ, ჩვენი შეკითხვა საინტერესო და შინაარსიანია თუ არა?

მასწავლებლებს მარტივი ახსნა აქვთ: კარგად დასმული შეკითხვა მთელი გაკვეთილის განმავლობაში „აიძულებს“ კლასს, იყოს კონცენტრირებული ამ შეკითხვაზე, ცუდად დასმული შეკითხვა კი, პირიქით, მოსწავლეს პასუხის სწრაფად გაცემისთვის განაწყობს.

საკმარისი არ არის მხოლოდ მაღალი ინტელექტუალური კოეფიციენტის მქონე მოსწავ-

ლეების აზროვნების სტიმულირება. მნიშვნელოვანია ყველა დანარჩენი მოსწავლის აზროვნების განვითარებისთვის საჭირო სტრატეგიების შემუშავებაც.

რა მიდგომები ეხმარება მასწავლებელს ახალი მასალა იოლად და ძალდაუტანებლად გააზრებინოს მოსწავლეებს?

1. განსხვავების დღე

მიზანი: ვთხოვთ მოსწავლეებს, იპოვონ განსხვავებული ელემენტები.

აღწერა: ვთხოვთ მოსწავლეებს, განასხვავონ ერთმანეთისგან ორი ელემენტი.

ქვემოთ მოყვანილია ზოგიერთი მაგალითი:

- რა განსხვავებაა ორწერტილსა და წერტილ-მიძიმეს შორის?
- ზმნასა და ზმნიზედას შორის?
- შექსპირსა და ჰამლეტს შორის?
- წინდებულსა და საკუთარ სახელს შორის?

● ლიდერსა და თანამდებობის პირს შორის?

● კანონმდებლობასა და კანონმდებელს შორის?

შეგვიძლია, ორი რამ ერთმანეთისგან დეტალურად განვასხვაოთ მაშინაც კი, როცა მათ შორის დიდი მსგავსებაა. მაგალითად, რა განსხვავებაა:

● მოწყენილსა და მწუხარეს შორის?

● სანტიმეტრსა და მეტრს შორის?

● მოხარშვასა და შეწვას შორის?

2. მსგავსების დღე

მიზანი: ვთხოვთ მოსწავლეებს, იპოვონ მსგავსი ელემენტები.

აღწერა: ვთხოვთ მოსწავლეებს, იპოვონ ორი ელემენტი შორის მსგავსება.

მაგალითად:

- რა მსგავსებაა ღრუბელსა და ნისლს შორის?
- ლიდერებსა და მიმდევრებს შორის?



კარგად დასმული შეკითხვა მთელი გაკვეთილის განმავლოებაში „აიძულავს“ კლასს, იყოს კონსტრუირებული ამ შეკითხვაზე, ცუდად დასმული შეკითხვა კი, პირიქით, მოსწავლეს პასუხის სწრაფად გაცემისთვის განუწყობს.

🍏 კარგ კვებასა და ბუნებაში გასეირნებას შორის?

სტრატეგია ძალიან საინტერესო და სახალისოა, როდესაც მაგალითებად მოცემულია სრულიად განსხვავებული საგნები.

მაგალითად, ვთხოვთ მოსწავლეებს, თქვან, რა მსგავსება შეიძლება იყოს:

- 🍏 ერთ ხესა და ორ ზებრას შორის?
- 🍏 ხუთშაბათსა და ორთქლის წარმოქმნას შორის?
- 🍏 ჯორჯ ვაშინგტონსა და დიდი დივიზიას შორის?
- 🍏 რთულ პროცენტებსა და ელექტროობას შორის?
- 🍏 გაზეთებსა და გულკეთილობას შორის?

3. შედეგა

მიზანი: დისკრიმინაციისა და შემეცნების უნარ-ჩვევების განვითარება

აღწერა: ვთხოვთ მოსწავლეებს, შეადარონ ორი საგანი და იპოვონ მსგავსება და განსხვავება.

მაგალითად, შეგვიძლია, ვთხოვთ მოსწავლეებს, შეადარონ ადამიანები თავგებს და აღმოაჩინონ როგორც მსგავსება, ისე განსხვავება. ეს უფრო კომპლექსური სამუშაოა, ვიდრე ორ საგანს შორის მხოლოდ მსგავსების ან მხოლოდ განსხვავების დადგენა.

4. დახარისხება

მიზანი: ვთხოვთ მოსწავლეებს, მთლიანად გადახედონ ნასწავლ მასალას.

აღწერა: ვთხოვთ მოსწავლეებს, დაახარისხონ და ცალკეულ ჯგუფებად დაალაგონ საკითხები.

ამ სტრატეგიის გამოყენებით საშუალება გვეძლევა, მოსწავლეებს მივაწოდოთ იდეათა, საგანთა და სიტყვათა ასორტიმენტი, რომელსაც ისინი დაახარისხებენ რომელიმე მაჩვენებლის მიხედვით, მაგალითად:

- 🍏 საკვების ისეთი ჩამონათვალის გაკეთება, რომელიც დაყოფილია მაღალკალორიულ და დაბალკალორიულ ჯგუფებად;

🍏 ცხოველთა დაყოფა ნორცისმჭამელ და არახორცისმჭამელ ჯგუფებად;

🍏 კუბების მწკრივების დალაგება წითელ და ყვითელ ჯგუფებად;

🍏 სიტყვათა ჩამონათვალში სინონიმთა წყვილების პოვნა;

🍏 მოთხრობაში მეტაფორების პოვნა.


5. მიზანშედეგოვანი მიმართება

მიზანი: ვთხოვთ მოსწავლეებს, შენიშნონ მიზეზშედეგობრივი კავშირები.

აღწერა: ვთხოვთ მოსწავლეებს, გაიხსენონ და განიხილონ, თუ რისი ახსნა შეიძლება კონკრეტული შემთხვევის დროს.

როდესაც ვეკითხებით მოსწავლეებს: „რა მოხდა აქამდე?“, ან „რითი ხსნით ამ შემთხვევას?“ – ჩვენ ვაძლევთ მათ მოტივაციას, იფიქრონ მიზეზისა და შედეგის ურთიერთკავშირზე.

მაგალითად, შეგვიძლია ვკითხოთ:



- 🍏 „რა ფაქტორებს შეეძლო ამ სიტუაციაში გამოეწვია წყლის ადუღება?“
- 🍏 „რა შეიძლება იყოს გადატვირთული გზების ძირითადი მიზეზი?“
- 🍏 „ვის შეუძლია ახსნას, რატომ არის მარკ ტვენის ასეთი პოპულარული?“

გაითვალისწინეთ, რომ ახსნა-განმარტებათა დიდი რაოდენობა შეიძლება იყოს არასრული, რადგან ყოველთვის არ არის შესაძლებელი შემთხვევათა მიზეზის ცოდნა. შესაბამისად, სასურველია, არ დავსვათ კითხვა „რატომ“. მის ნაცვლად გამოვიყენოთ უფრო უშუალო კითხვები, როგორიცაა: „შეგიძლიათ, როგორმე ახსნათ?“, „შეგიძლიათ, მითხრათ მიზეზი?“, „რა ფაქტორებით ახსნიდით?“

6. შუაშეხება

- მიზანი:** დავებმართო მოსწავლეებს, იფიქრონ თემის შესახებ.
- აღწერა:** ვთხოვთ მოსწავლეებს თემაში მოცემული ინფორმაციის შეჯამება.

შედეგების შეჯამება ავტომატურად იწვევს სხარტი აზროვნების განვითარებას.

შეუძლებელია, რაიმე ეფექტურად შეაჯამო, თუ არ შეგიძლია განიხილო ის სრულყოფილად, თუ ვერ ერკვევი მის ძირითად ელემენტებში. ჩვენ შეგიძლია, ვთხოვთ მოსწავლეებს:

- 🍏 დაწერონ თემა ოცდაათზე ნაკლები სიტყვით;
- 🍏 ზეპირად შეაჯამონ, რა ისწავლეს დღემდე;

- 🍏 დახაზონ ესკიზი ან დიაგრამა, რომელიც გამოხატავს რაიმე ნაშრომს;
- 🍏 შექმნან რუკა ან ცხრილი, რომელიც შეაჯამებს მოცემული თავის მნიშვნელოვან დეტალებს.

7. კურსმეტრის შეფასება

- მიზანი:** კრიტიკული აზროვნების განვითარება
- აღწერა:** პრობლემის წამოჭრის შემთხვევაში მოსწავლეებს ვთხოვთ, მოიფიქრონ შესაძლო გადაწყვეტილებები „გონებრივი იერიშის“ საშუალებით და შემდეგ შეაფასონ ყოველი მათგანი.

მასწავლებლები სვამენ უამრავ კითხვას, რომლებზეც არსებობს სწორი პასუხები. თუმცა რეალურ ცხოვრებაში პასუხების

**მნიშვნელოვანი,
მოსწავლავს
პასუხვალთ,
მაქსიმალური
ცოდნა მიიღონ
გაკვეთილებიდან
და რეალური
ცხოვრებიდან.
უმისათვის ძალიან
უფაქტური,
დავაბავილროთ
მარტივი, მაგრამ
მიზანმიმართული
ტრადიცია —
გაკვეთილის
ბოლოს ვთხოვთ
მოსწავლავს,
განხილული
საკითხების
გათვალისწინებით
დაწერონ შავაჯა-
მაგალიწინადადა.**

სისწორის დადგენა არცთუ ისე ადვილია. ზოგიერთს შეიძლება არც დავეთანხმოთ. მასწავლებელი ეხმარება მოსწავლეებს ამ საკითხზე ფიქრში.

- ❖ რამდენი განსხვავებული გზა არსებობს იმისთვის, რომ დავითვალთ წუთები მთელი წლის მანძილზე?
- ❖ როგორ შეგვიძლია განვსაზღვროთ გლობალური დათბობის შედეგად მოსალოდნელი სერიოზული პრობლემები?
- ❖ საიდან უნდა ვიციოდეთ, რომ შექსპირმა ნამდვილად დაწერა ის, რაც დაწერა?
- ❖ რამდენი ხერხი შეიძლება არსებობდეს წრის ფართობის გამოსათვლელად?
- ❖ რა შეიძლება გაკეთდეს ჩვენი სპორტული მოედნის გასაუმჯობესებლად?
- ❖ რა არგუმენტები არსებობს სიკვდილით დასჯის გასამართლებლად? მის საწინააღმდეგოდ?
- ❖ როგორ შეიძლება გავაუმჯობესოთ კაპიტალიზმი როგორც ეკონომიკური სისტემა?

მოსწავლეები ჯერ ინდივიდუალურად, შემდეგ წყვილებში, ბოლოს კი ჯგუფურად იწყებენ განხილვას, თუ რამდენად მნიშვნელოვანია ზემოთ ჩამოთვლილი კითხვების პასუხები და რომელი მათგანია უფრო აქტუალური. შემდეგ მასწავლებელი იწყებს შეფასებას:

„დღევანდელი დღე იყო საკმაოდ ნაყოფიერი, რადგან მოგეცათ საშუალება, შინაარსიანად გეაზროვნათ, რის შედეგადაც წარმოიშვა უამრავი იდეა. ხშირად პრობლემის გადაჭრის არაერთი გზა არსებობს.

ზოგჯერ, როდესაც ვაწყდებით პრობლემას ცხოვრებაში, მნიშვნელოვანია, ვიციოდეთ, რომ მისი გადაჭრის სხვადასხვა გზა არსებობს. რაც უფრო მეტი იდეა იბადება, მით უფრო მეტი საშუალება ჩნდება. ჩვენ გონებაში ვირჩევთ, რომელი იდეის განხორციელება იქნება უკეთესი პრობლემის მოსაგვარებლად. მოგვარებაში ასევე გვხმარება პრობლემაზე მსჯელობა მეგობრებთან, როგორც ეს დღეს გავაკეთეთ. ამა თუ იმ იდეაზე ხმამაღალი მსჯელობა საშუალებას გვაძლევს, გავარჯიშოთ როგორც ჩვენი, ისე მეგობრების აზროვნება. იმედია, დამეთანხმებით“.

ასეთი სახით ჩატარებული გაკვეთილები ნამდვილად დასაფასებელია, მიუხედავად იმისა, რომ მასწავლებელს არ უთქვამს, ყოველი კითხვის პასუხი სწორი იყო თუ არასწორი.

მნიშვნელოვანია, გავითვალისწინოთ, რომ მსგავსი სტრატეგიები მოსწავლეებს პროდუქტიული აზროვნების განვითარებაში უწყობს ხელს.

იდეალურია სკოლა, სადაც მოსწავლეები განსაკუთრებით კარგად მუშაობენ შინაარსის ყველაზე საგულისხმო ნაწილზე. იგულისხმება შინაარსის შემდეგი ოთხი დონე:

1. **სპეციფიკური ინფორმაცია.** ფაქტები და დეტალები, სახელები და თარიღები, დამოუკიდებელი მოვლენები, ცალკეული უნარ-ჩვევები; სწავლა ამ დონეზე ნაკლებად ღირებული და არამყარია.
2. **კონცეფციები და განზოგადებები.** მასშტაბური

იდეები და ინტეგრირებული უნარ-ჩვევები. სწავლა ამ დონეზე გაცილებით ფასეულია, განსაკუთრებით — იმ მოსწავლეებისთვის, რომლებსაც შეუძლიათ აბსტრაქტული ცნებების გაგება და მათზე მუშაობა.

3. **გამოყენება.** ცოდნისა და უნარ-ჩვევების პრაქტიკული გამოყენება. სწავლა ამ დონეზე მოსწავლეთა უმრავლესობისთვის ყველაზე რეალურია.
4. **ინდივიდუალური ფასეულობები.** საკითხები, რომლებიც მოსწავლეებს აწუხებთ. სწავლა ამ დონეზე ხშირად ყველაზე რეალური, პერსონალური და, ალბათ, ყველაზე მნიშვნელოვანი და მყარია.

მნიშვნელოვანია, მოსწავლეებს ვასწავლოთ, მაქსიმალური ცოდნა მიიღონ გაკვეთილებიდან და რეალური ცხოვრებიდან. ამისათვის ძალიან ეფექტურია, დავამკვიდროთ მარტივი, მაგრამ მიზანმიმართული ტრადიცია — გაკვეთილის ბოლოს ვთხოვთ მოსწავლეებს, განხილული საკითხების გათვალისწინებით დაწერონ შემაჯამებელი წინადადება, რომელიც დაიწყება შემდეგი ფრაზებით: „მე ვისწავლე...“, „მე აღმოვაჩინე...“, „გამიჩნდა აზრი, რომ...“ ეს მარტივი ტრადიცია გაკვეთილს გახდის შინაარსიანს და შესასწავლი საკითხი არ იქნება მხოლოდ „სიტყვათა ერთობლიობა“, რომელსაც უაზროდ დაიზიარებენ. ასეთი დამოკიდებულება მოსწავლეს შეუქმნის განწყობას, რომ სწავლა მთელი ცხოვრების მანძილზე გააგრძელოს.





მაია ჯალიაშვილი

საშინაო დავალება: მითი და რეალობა

საგანმანათლებლო სივრცეში საშინაო დავალება სწავლების მნიშვნელოვანი კომპონენტია. ის ხელს უწყობს დამოუკიდებელი აზროვნების განვითარებას, გავლილი მასალის განმტკიცებას. აზრთა სხვადასხვაობა იმის თაობაზე, თუ რა ტიპისა და რაოდენობის საშინაო დავალება უნდა მიეცეს მოსწავლეს, რომ მისი შესრულება არ იქცეს რუტინულ საქმიანობად; რომ ხელი შეუწყოს ცოდნის გამრავალფეროვნებას, სასწავლო უნარების სრულყოფას.

გაკვეთილზე მოსწავლე ცოდნას კი იღებს, მაგრამ მხოლოდ საშინაო დავალების შესრულებისას უვითარდება მას ანალიზის, სინთეზისა თუ თეორიული მასალის პრაქტიკულად გამოყენების უნარები. კვლევებმა აჩვენა, რომ ის მოსწავლეები, რომელთა ინტელექტუალური უნარებიც საშუალოზე დაბალი იყო და საშინაო დავალებას კვირაში 1-3 საათს უთმობდნენ, შედეგებით უტოლდებოდნენ იმ საშუალო დონის მოსწავლეებს, რომლებიც საშინაო დავალებას არ ასრულებდნენ. საშუალო გონებრივი მონაცემების მქონე მოსწავლე, რომელიც კვირაში 3-5 საათს უთმობდა საშინაო დავალებას, შედეგებით უთანაბრდებოდა იმ კარგ მოსწავლეებს, რომლებიც საშინაო დავალებას არ ასრულებდნენ. ფსიქოლოგები ფიქრობენ, რომ საშინაო დავალება ბუნებრივად უნდა იქცეს სწავლების ნაწილად, საკლასო და საშინაო დავალებებს შორის ზღვარი უნდა წაიშალოს; მოსწავლე კლასშივე უნდა მიეჩვიოს ინდივიდუალურ, დამოუკიდებელ მუშაობას.

განათლების ექსპერტი ბენ ჯონსონი ამ თემაზე მსჯელობისას ასეთ საოჯახო მაგალითს მოიხმობს:

„დღეს რაიმე საშინაო დავალება გაქვს? – გკითხე ჩემს ქალიშვილს, მერსედესს.

– არა, არანაირი დავალება არა მაქვს, – წამოიძახა.

– როდის გაქვთ შემდეგი ტესტირება ან გამოკითხვა? – არ მოვემვი.

– პარასკევს, – ხალისიანად მიპასუხა.

– დღეს ოთხშაბათია და არ უნდა შეასრულო საშინაო დავალება, რომ მოემზადო? – დაექვებით ჩავეკითხე.

– ეს საშინაო დავალება კი არა, სწავლაა, – ისე მიპასუხა, თითქოს ამისა არაფერი გამეგებოდა.

– გასაგებია, საშინაო დავალება არ არის სწავლა, – გამოვთქვი ვარაუდი, მერსედესმა კი გააგრძელა:

– ეს არის კითხვები და დავალებები სახელმძღვანელოს ყოველი თავის ბოლოს. უაზრო სამუშაოა“ (<https://www.edutopia.org/blog/debunking-homework-myths-ben-johnson>).

ამ გოგონასავით ბევრი მოსწავლე ფიქრობს. ამიტომაც ბენ ჯონსონი დაასკვნის: მითია, თითქოს მოსწავლეს სჯეროდეს, რომ საშინაო დავალება სასარგებლოა. ბავშვების უმრავლესობას მიაჩნია, რომ საშინაო დავალება მხოლოდ იმისთვისაა, მასწავლებელმა შეაფასოს და ნიშანი დაუწეროს. ამიტომაც ყველა მასწავლებლისთვის ნაცნობია სიტუაცია, როდესაც მოსწავლეები საშინაო დავალებას გაკვეთილზე ან შესვენებაზე ერთ-

სამედიცინო სფეროში
საშინაო დაავადებების
მნიშვნელოვანი
კომპონენტია.
ის ხელს უწყობს
დამოუკიდებელი
პროფესიის
განვითარებას,
გავლილი გუნდის
განმედიცინებას.
პროფესიის
განვითარება
თავს, თუ რა
ტიპისა და რაოდენობის
საშინაო
დაავადება უნდა
მიეცეს მოსწავლეს,
რომ მისი
შესრულება არ
იქცეს რუბინულ
საქმიანობად, რომ
ხელი შეუწყოს
ცოდნის გაზრდას,
კულტურულ განვითარებას,
სამედიცინო უნარების
სრულყოფას.

მანეთისგან იწერენ და შემოწმებისას აჩვენებენ. პედაგოგი იძულებულია, გადაწერილი დავალება შესრულებულად ჩათვალოს. ეჭვის შეტანას შეიძლება მოსწავლის პროტესტი მოჰყვეს - არავისგან გადამიწერია და თვითონ ვიწვალეო. მასწავლებელი, ხშირ შემთხვევაში, არ მოჰყვება იმის დასაბუთებას, რომ მოსწავლე იტყუება. რა თქმა უნდა, რთული არ არის იმის გარკვევა, მართლაც თვითონ შეასრულა თუ არა მოსწავლემ საშინაო დავალება, მაგრამ მასწავლებელს ხან აქვს ამის დრო და ხან - არა. შესაბამისად, მთავარია, რვეულში გეწეროს საშინაო დავალება და მნიშვნელობა არ აქვს, მშობლებმა დაგიწერეს, ახლობლებმა თუ ინტერნეტიდან გადმოიწერე (დღეს უამრავი რესურსია ხელმისაწვდომი). კლასშიც ყოველთვის მოიძებნება მოხალისე „ჭკვიანი გოგონა“, რომელიც დავალებას გადაგაწერინებს. არადა, საშინაო დავალებას მოსწავლე უნდა ასრულებდეს არა შეფასებისთვის, არა საჩვენებლად, არამედ ცოდნის გასაღრმავებლად.

ამას წინათ ჩემმა მეგობარმა, თბილისის ერთ-ერთი სკოლის ძალიან კარგმა პედაგოგმა, დაიჩივლა, რომ მის მეხუთეკლასელ ძმისშვილს ჯერ ინგლისურის მასწავლებელმა მისცა ისეთი თემა, რომელსაც დამოუკიდებლად ვერ შეასრულებდა და თვითონ დაუწერა, მერე კი ქიმიის პედაგოგმა ინტერნეტში იმგვარი მასალის მოძიება დაავალა, რომლის შესახებაც გაკვეთილზე არაფერი უთქვამს. ამ შემთხვევაშიც მამიდამ აიტყივა თავი და „დავალება შეასრულა“. შესაბამისად, ბავშვს უყალიბდება რწმენა, რომ საშინაო დავალება ისეთი რამაა, რომლის დამოუკიდებლად შესრულებაც არ შეუძლია და სხვა უნდა დაეხმაროს. თან ეს დახმარება მას არაფერს მისცემს, გარდა იმისა, რომ მასწავლებელი დავალებას კარგი ნიშნით შეაფასებს; შეიძლება შეაქოს კიდევ. მერე მასწავლებელი მშობელს ეტყვის, რომ ბავშვი საშინაო დავალებას კი ასრულებს, მაგრამ ცოდნა არ აქვს, არ ვითარდება, გაკვეთილზე არ აქტიურობს, გონებაგაფანტულია და სხვა. გამოსავალი კი ისაა, რომ მასწავლებელმა უფრო მეტი დრო უნდა დაუთმოს გაკვეთილზე საშინაო დავალებას; მოსწავლეს ის უცხოდ და დაუძლეველად არ უნდა მოეჩვენოს. ამავე დროს აუცილებლად უნდა ხდებოდეს საშინაო დავალების გაანალიზება; უნდა გამოჩნდეს, მოსწავლე ერკვევა თუ არა იმ საკითხებში, რომლებიც ასე კარგად აქვს დაწერილი. მასწავლებელმა თავი უნდა აარიდოს იმგვარ დავალებას, რომლის წინასწარ განხილვაც გაკვეთილზე ვერ მოასწრო.

ზემოთ ნახსენები ბენ ჯონსონი, განათლების ექსპერტი და პედაგოგი, საშინაო დავალებას ყოველ გაკვეთილზე ამოწმებს. მართალია, ამას ხშირად ნახევარი დრო მიაქვს, მაგრამ ამ შემოწმების, ანალიზის დროს ხსნის ახალ მასალასაც. მისი აზრით, სასურველია, პედაგოგმა საკუთარ თავს დაუსვას ასეთი შეკითხვები:

- რატომ მივეცი დავალება?
- რაიმეს შესასწავლად მივეცი დავალება თუ პასუხისმგებლობა მოვიხსენი („ვეტიკობ, მათ ეს უნდა იცოდნენ“ სინდრომი)?
- დაეხმარა თუ არა მოსწავლეს ჩემ მიერ მიცემული საშინაო დავალება მეტის სწავლაში?
- რისი თქმა შემიძლია მოსწავლეებზე, რომლებმაც თვითონ იწვალეს და შეასრულეს დავალება; მოსწავლეებზე, რომლებმაც სხვისგან გადაიწერეს და მოსწავლეებზე, რომლებმაც საერთოდ არ შეასრულეს დავალება?
- საშინაო დავალების შესრულებამ რა სარგებლობა მოუტანა მათ?

კარგი იქნება, ამ კითხვებზე გამოცდილ პედაგოგთა პასუხები ახალგაზრდებმა მოისმინონ. საშინაო დავალება მხოლოდ იმ შემთხვევაში იქცევა დროში გახანგრძლივებულ სწავლებად, თუ მოსწავლეები იმდენად დაინტერესდებიან გაკვეთილზე შესწავლილი მასალით, რომ გადაწყვეტენ, მეტი ივარჯიშონ და სხვადასხვა უნარი



**ნებისმიერი
ცოდნა, რა თქმა
უნდა, ნაბიჯ-ნაბიჯ
მოიპოვება. პედა-
გოგმა მოსწავლეს
სწორი და ზუსტი
ნაბიჯების გადამდ-
მის სეზუალუბა
უნდა მისცას.
მოსწავლეებმა,
საშინაო დაჯალ-
ბის სეზუალუბით,
უნდა შეძლონ
მოსწავლეს მნიშ-
ნელოვნისა და
უმნიშვნელო
გარჩევა უსწავ-
ლოს; მიაჩვიონ იმ
პრინციპს, რომ პარტი-
ზის გარეშე პარტი
ერთ საქმეში პარტი
დაოსტატდება და
პარტი წარმატებას
მიადნებს.**

გაიუმჯობესონ. თუ მოსწავლეს არ აინტერესებს დავალების შესრულება, შესაძლოა მისი ფორმა იყოს შესაცვლელი. ამიტომ მასწავლებელმა შაბლონური დავალებები ისე უნდა შეცვალოს, რომ მოსწავლეებს მათი შესრულების სურვილი გაუჩნდეთ, დაინახონ მათი სარგებელი. საშინაო დავალებასაც ისევე სჭირდება მოფიქრება და დაგეგმვა, როგორც სწავლების სხვა კომპონენტებს.

ყველა საგანს თავისი სპეციფიკა აქვს. შესაბამისად, განსხვავებულია საშინაო დავალებების სტრუქტურა და რაგვარობაც, თუმცა საერთოა ის, რომ პედაგოგს კარგად უნდა ჰქონდეს გააზრებული, კონკრეტული თემის შესწავლისას როგორი დავალება დაეხმარება მოსწავლეებს მასალის უკეთესად ათვისებაში. რა თქმა უნდა, კარგია სხვა ქვეყნების საგანმანათლებლო სისტემების გამოცდილების გაცნობა, მაგრამ უპირველესად გასათვალისწინებელია ის რეალობა, რომელშიც პედაგოგს უნდა მუშაობა. სხვადასხვა ასაკის მოსწავლეებს განსხვავებული ფსიქოლოგიური დამოკიდებულება აქვთ სასწავლო პროცესისა თუ პედაგოგის მიმართ. შესაბამისად, მასწავლებლის მონდომებასა და შემოქმედებით უნარზეა დამოკიდებული, საშინაო დავალების მიწოდების რა მეთოდსა და სტრატეგიას აირჩევს.

ძველი დროის ბრძენნი, რომლებიც ცხოვრების ავ-კარგს ასწავლიდნენ, მოსწავლეებს იმგვარ დავალებებს აძლევდნენ, რომელთა შესრულებაც წინ გადადგმულ ნაბიჯს ნიშნავდა. პაოლო კოელიოს თავის წიგნში „მაქთუბი“ რამდენიმე საინტერესო ამბავი აქვს მოთხრობილი. მათ შორის – ორი ასეთიც:

„არსებობს თუ არა რაიმე ლოცვაზე მნიშვნელოვანი? – ჰკითხა მოწაფემ მოძღვარს.

– წადი და ხეს ტოტი მოაჭერი, – მისცა დავალება მოძღვარმა. მოწაფე წავიდა და დავალება შეასრულა.

– ხე ხომ არ გამხმარა? – ჰკითხა მოძღვარმა?

– ცოცხალია, ისევე ხარობს, როგორც ადრე, – უპასუხა მოწაფემ.

– მაშინ მიდი და ფესვები მოაჭერი, – ახალი დავალება მისცა მოძღვარმა.

– ამას თუ გააკეთებ, ხე უთუოდ გახმება, – გაიოცა მოწაფემ.

– ლოცვა ხის ტოტებია, ფესვი კი – რწმენა, – დაარიგა მოძღვარმა. – რწმენა შეიძლება გადარჩეს ლოცვების გარეშე, ხოლო ლოცვა რწმენის გარეშე ვერაფერს აღწევს“. ამგვარად, ერთი შეხედვით, ალოგიკური დავალების მიცემით, მოძღვარმა მოწაფეს გზა აჩვენა, კითხვის პასუხი თვალსაჩინო გახადა და ახალი ცოდნის შეძენაშიც დაეხმარა.

„ერთხელ სულიერების მაძიებელი ახალგაზრდა მონასტრის წინამძღვარს ეწვია.

– ერთი წლის განმავლობაში თითო მონეტა გადაუხადე ყველას, ვინც შეურაცხყოფას მოგაყენებს, – დაარიგა მოძღვარმა.

მთელი წელიწადი ახალგაზრდა მორჩილად ასრულებდა დავალებას. გამოსაცდელმა დრომ რომ განვლო, კვლავ ესტუმრა წინამძღვარს შემდეგი დავალების მისაღებად.

– წადი ქალაქში, ცოტა საჭმელ-სასმელი მომიტანე, – დაავალა მოძღვარმა, თვითონ კი მათხორცის სამოსში გამოეწყო, მოკლე გზით ისარგებლა და ქალაქის შესასვლელთან ახალგაზრდაზე ადრე მივიდა. როცა ის გამოჩნდა, ლანძღვა დაუწყო.

– მადლობა ღმერთს! – წამოიძახა ახალგაზრდამ, – მთელი წელიწადი ფულს ვიხდიდი ჩემი ლანძღვა-გინებისთვის, ახლა კი, როგორც იქნა, შემიძლია, უფასოდ მოვისმინო გინება და დამცირება.

ამის გაგონებაზე წინამძღვარი ნამდვილი სახით წარდგა მის წინაშე და უთხრა:

– სიძნელებს სიცილით ხვდები, მაშასადამე, მზად ხარ შემდეგი ნაბიჯისთვის – სიბრძნის დასაუფლებლად“.

ნებისმიერი ცოდნა, რა თქმა უნდა, ნაბიჯ-ნაბიჯ მოიპოვება. პედაგოგმა მოსწავლეს სწორი და ზუსტი ნაბიჯების გადადგმის საშუალება უნდა მისცეს. მასწავლებელმა, საშინაო დავალების საშუალებით, უნდა შეძლოს, მოსწავლეს მნიშვნელოვნისა და უმნიშვნელოს გარჩევა ასწავლოს; მიაჩვიოს იმ პრინციპს, რომ ვარჯიშის გარეშე ვერც ერთ საქმეში ვერ დაოსტატდება და ვერც წარმატებას მიადნებს.





განათლება - თავისუფლებაა!



www.mastsavlebeli.ge

ბოლო დროს ძალიან მალიზიანებს კომპიუტერი. სოციალური ქსელი, სხვადასხვა პორტალი, ინტერნეტმისამართები, ფოტოები, ვიდეოები, ზღვა ინფორმაცია, რომლის დიდი ნაწილი სრულიად უსარგებლოა და მიუხედავად იმისა, რომ მეტ-ნაკლებად შემიძლია, თავიდანვე მხოლოდ ისეთ გვერდებზე შევიდე, სადაც საჭირო რაიმეს მოვიძიებ, მაინც ცხდები დროის დაკარგვის, სისულელების ნახვის თუ წაკითხვის მსხვერპლი.

სამსახურებიდან, სასწავლებლებიდან მოსულ ადამიანებს, როდესაც ქვეყანაში მძიმე პოლიტიკურ-ეკონომიკურ-სოციალური მდგომარეობაა, ყველა და ყველაფერი ნეგატივით არის დამუხტული, ერთადერთ განტვირთვად თითქოს სოციალური ქსელები დაგვრჩენია და თუ ამ ფრაზაზე არ დამიჯერებთ, დააკვირდით ტრანსპორტში, სახლებში, ქუჩაში ადამიანებს.

ჩვენ, უფროსი ასაკის ადამიანები, ამას ვაკეთებთ გააზრებულად და, ასე თუ ისე, შედეგებიც ვიცით, თუმცა მეორე საკითხია, რა გავლენა ექნება ზემოთქმულს მოსწავლეებზე. ატვირთული ფოტოები, კომენტარები და მოწონებების დაფიქსირება მათზე, პირადი მიმოწერა – ესენია დროის ის ძირითადი შავი ხვრელები, რომლებიც მოსწავლეთა ყოველდღიურობას შეადგენს. არადა, ამ დროს სადღაც თაობებზე წიგნები იცდიან.

ბოლო თვეების განმავლობაში იშვიათად მქონდა დრო წიგნის კითხვისათვის და ძირითადად კომპიუტერით ვსაქმიანობდი, რამაც ძალიან ცუდად იმოქმედა ჩემზე. შემდეგ, როცა ამაზე დაფიქრდი, მივხვდი, თუ რამდენად კარგად მოქმედებდა ჩემზე ლიტერატურა, თუნდაც რამდენიმე დღეში ერთხელ, ერთი საათით

ძალიან, ძალიან კარგია, როცა მოსწავლე ასე ივითარებს სხვადასხვა უნარს, თუმცა მნიშვნელოვანია, რომ მასწავლებელმა იცოდეს, თუ რა დროს ატარებს ზოგადად მოსწავლე კომპიუტერთან და ინტერნეტში მოსაძიებელი დავალება არ განდგება საბაზი კომპიუტერთან დამატებითი დროის ნაწილობრივ მაინც უქმად გატარებისათვის.

საშუალო საფეხურის მოსწავლეებს ინტერესს გაუღვიძებს მასწავლებელი ტექსტის შინაარსით, ფანტაზიის გამძაფრებით, საბაზო საფეხურის მოსწავლეებს ზემოთქმულთან ერთად უნდა დავანახოთ ამ ყველაფრის სწავლის, გააზრების საჭიროება.



გადაშლილი წიგნი და წაკითხული რამდენიმე გვერდი. ისეთი შეგრძნება გამიჩნდა, თითქოს ავად ვიყავი და ისე ვცხოვრობდი, სადღაც კი ყოველთვის მქონდა წამალი, რომელსაც ძალიან ცუდად ყოფნის დროს ვიღებდი.

ბოლო წლებში ძალიან აქტიურად ავალბენ მასწავლებლები მოსწავლეებს, ინფორმაცია მოიძიონ ინტერნეტსივრცეში. შემდეგ გააკეთონ პრეზენტაცია და ა.შ.

აქ არის კიდევ ერთი პრობლემა; ამ ეპოქაში, როცა არსებობს უმაღლესი გრაფიკის კომპიუტერული თამაშები, ტელეფონები, პორტატული კომპიუტერები და სხვადასხვა მოწყობილობები, როგორ უნდა დავაინტერესოთ მოსწავლეები ლიტერატურით. ვთვლი, რომ დაინტერესების მიზეზი სხვადასხვა იქნება სასწავლო საფეხურების და ასაკის მიხედვით, მაგალითად, თუ დაწყებითი და ნაწილობრივ

სკოლაში სწავლის დროსაც და მერც, ამ ბოლო დღეებამდე მეგონა, რომ მუდმივად, როცა წიგნს ვკითხულობდი, ეს დრო გამოყოფილი მქონდა წიგნისთვის. არ მგონია, რომ ახლა გონება გამინათდა და რაიმე საკაცობრიო სიახლეს მივაგენი, თუმცა მივხვდი, რომ დრო, როცა კითხულობ, ყველაზე მეტადაა შენი. დანარჩენ წუთებსა და საათებს ან უაზროდ ხარჯავ, ან სხვები ინაწილებენ.



ნინია მაჭარაშვილი

დუნურული კარი, ღია ფანჯარა

ის, ვინც ბილისთვის იყო ჰატორი ჰანზო ან პეი მეი, ჩემთვის იყო კობა – ჩემი მასწავლებელი, რომელიც 2000-იანების დასაწყისში UGRAD-ის გაცვლითი პროგრამით აშშ-ში გაემგზავრა. მაშინ ჩემთვის, 8 თუ 9 წლის ბავშვისთვის, ამერიკის შეერთებული შტატები უხეში ადამიანების უხეშ ხელებთან ასოცირდებოდა. ხელებთან, რომლებიც მოულოდნელად ჩაგაველებდნენ კეფაში და გაიგონებდი ხმას: „კინდა, ამერიკა დაგანახო?“ – აქ მთავრდებოდა ჩემი ამერიკა. აქ და კიდევ რამდენიმე ჰოლივუდური ფილმის ტიტრებთან. მაშინ ნერვიულობით

კინალამ მოგვკვდი. მეგონა, კობა უკან არასოდეს დაბრუნდებოდა, ველარავინ მასწავლიდა ინგლისურს, აღარავინ დამრთავდა კომპიუტერთან დაჯდომის ნებას. კობა თუ არა, სხვა ვინ მოისმენდა ყურადღებით ჩემს უამრავ შეკითხვას?

ამაზე დარდმა ერთ წელიწადს გასტანა, სანამ 12 თვის თავზე ჩემი მასწავლებელი უკან არ დაბრუნდა. კობამ საჩუქრად სურათების ალბომი ჩამოიტანა აშშ-ის ქალაქების ლამაზი ხედვებით და მითხრა, რომ თუ მოვიინდომებდი, მეც აუცილებ-

ლად წავიდოდი სასწავლებლად საზღვარგარეთ.

ყურებდაცქვეტილი ვუსმენდი მის მოყოლილ ამერიკულ ამბებს – როგორ მოჰყავდათ ოჰაიოში კარტოფილი, როგორ ზეიმობდნენ ნიუ-იორკში შობას, როგორ იცვამდნენ DC-ში ჭრელაჭრულა ტანსაცმელს და რაკი დაუძლეველი სურვილი მტანჯავდა, ეს ყველაფერი ჩემი თვალით მენახა, მთელ დღეებს ინგლისურის სწავლაში ვატარებდი.

მაშინ დღის წესრიგში ორი პრობლემა იდგა – სწავლის ხარჯები და

საერთოდ, სადმე, შორს, სასწავლებლად შვილის გაშვება.

პირველი პრობლემის გადაჭრა საკუთარი ძალებით წარმოუდგენელი იყო, თუ რაიმე გრანტს არ მოვიპოვებდი. უცხოეთში ცხოვრების, კვებისა და სწავლის გადასახადს ჩემი ოჯახი ვერაფრისიდეებით ვერ გასწავდებოდა. მეორე პრობლემა კიდევ უფრო რთული იყო, ვიდრე პირველი. უცხოეთში წასვლა შავბნელ საქმეებთან ასოცირდებოდა და თუ უცხოეთის გზას დამდგარი გოგო გახლდათ, მის ირგვლივ ბურუსი და ჭორი 50%-ით



იმატებდა. შინ იმის მტკიცება, რომ არასრულწლოვანი გოგონა მარტო წავიდოდი უცხოეთში, იქ ცხოვრებასა და თავის მოვლას შეეძლებოდა, წყლის ნაყვა იყო და სხვა არაფერი. საქართველოში ჯერ კიდევ აუთოებდნენ ადამიანებს კარადის გასაღებისთვის, რომელშიც მხოლოდ რამდენიმე ქილა მურაბა და ალუმინის ორი ქვაბი ეწყო. ამას ისიც დაემატა, რომ ჩემი მეზობელი უბნის ამოსახვევში შეაყენეს და ტყავის ქურთუკი რომ წაერთმიათ, დანით დაჭრეს.

კობა ჩემთვის ინგლისურის სწავლებას სრულიად უსასყიდლოდ დაჟინებით განაგრძობდა. შიგადაშიგ იმ ნაპერწკალს მესროდა, რომელიც მოტივაციისთვის აუცილებელი იყო, მელაპარაკებოდა ჩემთვის ისეთ უცნაურ და, იმავდროულად, საინტერესო

თემებზე, როგორც, მაგალითად, მოხალისეობრივი საქმიანობა და დებატების ხელოვნება იყო.

2000-იანების შუაგულში ქართულ სკოლებში ამერიკული დახმარების პროგრამა ამოქმედდა. პროგრამის ფარგლებში აშშ-ის სხვადასხვა სკოლის მოსწავლეები საქართველოს სკოლებში ნახატებს, ტკბილეულს, სათამაშოებსა და სასკოლო ნივთებს გზავნიდნენ. მე ლუიზიანელი ქეთის გამოგზავნილი ამანათი მერგო, რომელშიც მას ჯოხიანი ფერადი კანფეტები, იქაურ ახალ წელზე დაწერილი წიგნი, გასაფერადებელი ალბომი, ფერადი ფლომასტერები და სათამაშო დათუნია ჩაეწყო. ქეთს წერილიც დაეწერა ჩემთვის, სადაც თავის ამბებს ისე მიყვებოდა, თითქოს ბავშვობის მეგობრები ვყოფილიყავით და აშშ-ში, თავისთან მეპატიჟებოდა. პროგრამა სასარგებლო იყო – კიდევ უფრო მოგვანდომა, კარგად გვესწავლა და პირადად გაგვეცნო ჩვენი თანატოლები, რომლებიც შორს, ოკეანის გადაღმა, სრულიად სხვა სამყაროში ცხოვრობდნენ. მეორე მხრივ, მწარედ მახსოვს, როგორ ველოდი ქეთისგან სხვა ამანათებს, მის ფოტოს, პასუხს ჩემს წერილზე, მაგრამ აღარაფერი მიმიღია. სწორედ იმ დროს, იმედგაცრუებული მოლოდინის პერიოდში, პირველად შევაპარე ბებიჩემს, რომ სასწავლებლად წასვლაზე ვოცნებობდი. ახლაც თვალწინ მიდგას, როგორ შეწყვიტა მოსწავლეების საკონტროლო ნაწერების შესწორება და როგორ ამომხედა სათვალის ქვემოდან გაოგნებულმა. დიდხანს მიყურა წარბაწეულმა და უჩვეულო, ძალიან მშვიდი კილოთი მოთხრა: „გაიზრდები და წახვალ“.

იმ დღიდან დაიწყო ჩემი გაუთავებელი წაწალი მეზობელ-მეგობრებთან, რომლებსაც ინტერნეტი ჰქონდათ. ვიჯექი და საათობით ვეძებდი საგრანტო პროგრამებს, კონკურსებს, ოლიმპიადებს, სანამ ხალხს ისე არ მოვაგებინე თავი, რომ კარს აღარ მიღებდნენ. მეჩვენებოდა, რომ ჩემი ოცნების ასახდენად წინ გადადგმული ერთი ნაბიჯის შემდეგ განგება ორს უკან მადგმევინებდა.

პირველი ოთხი კონკურსი, რომლისთვისაც განაცხადი შევავსე, წარუმატებელი აღმოჩნდა. მეზუთე – მოულოდნელი, გამაგიჟებლად სასიხარულო და ისეთი, არასოდეს რომ არ იფიქრებენ. კონკურსი სულაც არ იყო მარტივი – ერთ-ერთმა ინგლისურ-ესპანურმა სკოლამ საქართველოში თარგმანების კონკურსი გამოაცხადა, რომელშიც მთელი საქართველოს მასშტაბით მონაწილეობდნენ მოსწავლეები. ოთხი წარუმატებლობით იმედგაცრუებული, თავხედურად შევეარდი საგამოცდო ოთახში და გამოცდის დაწყებამდე მთელი ხმით გჩიოდი უსამართლობისა და ნეპოტიზმის გამო, ასეთ პროგრამებში რომ ხდებოდა. ასევე თავხედურად და სწრაფად ვთარგმნე ქართულიდან ინგლისურად მონაკვეთი გოდერძი ჩოხელის მოთხრობიდან “ბედისწერის თეატრი”. კიდევ ერთი პატარა მონაკვეთი გადმოვაქართულე ტრუმენ კეპოტეს წიგნიდან “საუზმე ტიფანისთან”. მერე ისევ გაბრაზებული დავბრუნდი შინ და სამ კვირაში, მეგობრის დაჟინებით, წავედი დაჯილდოების ცერემონიაზე, რომელზეც ლოკოკინას სისწრაფით აჯილდოებდნენ სხვადასხვა ენაში გამარჯვებულ მოსწავლეებს. მოჰყვებოდნენ მესამედან პირველი ადგილისკენ, ხოლო ნომინაციებს შორის სრულდებოდა ქართული ხალხური სიმღერა ან ცეკვა. მახსოვს, როგორ გავრბოდი გასასვლელისკენ ჯიუტად, მეგობარი კი მოხვდა, ცოტაც მოიცადეო. უკვე კიბზე ვიდექი, როცა ჩემი სახელი და გვარი გავიგონე. უხერხულია, არ ვიამბობთ, რა ჩავიდინე, სანამ კიბიდან სცენაზე აღმოვჩნდებოდი. მითხრეს, რომ ლონდონში ვისწავლიდი, თანაც სამგზავრო, სასწავლო და საცხოვრებელ ხარჯებს მთლიანად ამინაზლაურებდნენ. ვგრძნობდი იმავს, რასაც ჰარი პოტერი გრძნობდა ვოლდემორტზე გამარჯვების დროს.

ჩემი ოთახის კედელზე გაჩნდა კალენდარი – გამგზავრებამდე დღეების ათვლა დაიწყო. აქტუალური გახდა კეთილისმუსურველი ნაცნობების დარიგებები, როგორ მოვქცეულიყავი

საზღვარგარეთ. საბოლოოდ ორი მთავარი დარიგებით მიშვებდნენ: „არ ენდო სომხებს, ერიდე ზანგებს“.

8 ნოემბერი დგებოდა, როცა ჩემი ავიარების თბილისიდან ამსტერდამის გავლით ლონდონში გაფრინდა. სულ მალე 15 წლისა მარტოდმარტო აღმოვჩნდებოდი ვებერთელა ქალაქში და ეს ხანმოკლე გამოცდილება იქნებოდა ყველა იმ მოტივაციისა და საქმის სიყვარულის წყარო, რომელიც მომავალში მექნებოდა. ყველა შიშისა და ფობიის დაძლევის უნარი, სიახლის სიყვარული და შეგრძნება, რომ თუ ძალიან ეცდები, ყველაფერს მიაღწევ. იმ არმეწიფეობის დროს რასისტულმა დარიგებებმა მოსალოდნელზე სწრაფად დაკარგა აზრი, რადგან, სხირპულის აეროპორტში გზაბნეულს, ჯერ სომეხმა, ძალიან თავზაინმა კაცმა მიმასწავლა სწორი გზა, შედეგად კი ფრენაზე დაგვიანებას გადაამარჩინა. პითროუში ჩაფრენილი კი უსაყვარლესმა შევკანიანმა მიმაცილა საჭირო ავტობუსამდე. სწორედ ამ დროს ვგრძობდი თავისუფლების გემო.

მას შემდეგ ცხრა წელიწადმა გაიარა. ამ ხნის განმავლობაში კიდევ ხუთჯერ წავედი სასწავლებლად სხვადასხვა პროგრამით. ამითგან კანტიკუნტად მახსოვს დღეები სრულად, მიჭირს გავისხენო, რა საგნებს ვსწავლობდი თითოეულ უნივერსიტეტში, მაგრამ სიცოცხლის ბოლომდე მემახსოვრება პირველი ლექცია ლონდონის სკოლაში, მერხზე შემომჯდარი მასწავლებელი, ქურჩები, თანაკურსელები, მალაზიები, შადრევნები, უცხო ადამიანების სახეები, ჭურჭელი, საიდანაც ვიკვებებოდი, მეზობლად მცხოვრები მოხუცები და ვებერთელა შიშები, რომლებიც დავამარცხე.

მას შემდეგ ასზე მეტი თვე გავიდა. კობამ, თავისუფლების მოყვარულმა ადამიანმა, თავისი არ დაბრუნდა, ჩარჩოები ბოლომდე დაამსხვრია, პოლონელ გოგონაზე იქორწინა, ახლა სხვა ქვეყანაში ცხოვრობს და ისევ ჩემი მასწავლებელია.

სასწავლო-საგანმანათლებლო პროექტებისა თუ რესურსების დიდი ნაწილი მიმართულია მოსწავლეთა ლექსიკური მარაგის გამდიდრებისკენ. ეს სწავლების ერთ-ერთი მნიშვნელოვანი მიზანია და მისკენ არაერთ გზასა თუ საშუალებას მივყავართ. ერთი მათგანია მოსწავლეთა გათვითცნობიერება სიტყვის ემოციური კონტექსტის დადგენის არცთუ მარტივ საკითხებში. ერთია სიტყვის მნიშვნელობა, სემანტიკური არეალი თუ ეტიმოლოგია, მაგრამ არანაკლებ მნიშვნელოვანია ის ემოციები, განცდები, მგრძობელობითი გაგონება, რომელიც თითოეულ სიტყვაშია დაუნჯებული. სწორედ ეს განსაზღვრავს სიტყვის სწორ გამოყენებას, მის

გაკვეთილის თემა – „რასაც ვამბობ, იმას ვმღერო; რასაც ვმღერო, იმას ვამბობ...“

გაკვეთილის მიზანი – მოსწავლემ შეძლოს მხატვრული ნაწარმოების ლექსიკურ ერთეულებზე მუშაობა, სიტყვის ემოციური კონტექსტის დადგენის უნარ-ჩვევის გაუმჯობესება.

სასურველი თემისკენ მოსწავლეთა აზრისა და ფიქრის მისამართავად შეგვიძლია კლასს დავესვათ მარტივი შეკითხვები:

– თქვენი აზრით, ყოველთვის ვახერხებთ, ჩვენი ფიქრი, განცდა ზუსტად გამოვხატოთ?

კლასი დაყოფილია 5 ჯგუფად:

1–ლი ჯგუფი იმ მოსწავლეებით არის დაკომპლექტებული, რომლებიც მუსიკალური სკოლის ან თუ იმ კურსს ეუფლებიან (ვიოლინო, ფორტეპიანო, გიტარა, სალამური, ვოკალი, ფოლკლორი...);

მე-2 შემოქმედებითი ჯგუფია, რომლის წევრებიც ორიგინალურ ტექსტებს შექმნიან.

მე-3 და მე-4 ჯგუფებს ეძლევა ერთნაირი დავალება. ესენი ერთგვარი „მუშა“ ჯგუფებია, რომელთაც სახელწოდებებს შევუარჩევთ.

მე-5 შეფასების ჯგუფია.

ბით, დაწერეთ 25-30-სიტყვიანი ამბავი. შეეცადეთ, თქვენს ტექსტში ისეთივე განწყობა თუ ემოცია იყოს გამოხატული, როგორსაც მელოდიაში შეიცნობთ.

შეფასების ჯგუფი პედაგოგთან ერთად შემუშავებული სქემით ქულებით შეაფასებს ცალკეული ჯგუფის მიერ შესრულებულ სამუშაოს.

ჯგუფებს სამუშაოდ მიეცემათ 10 წუთი, ხოლო პრეზენტაციებს დაეთმობა 15 წუთი. ეს შეადგენს გაკვეთილის II ნაწილს, რომლის ფარგლებშიც მიიღწევა ძირითადი მიზნები. დაგვრჩება უაღრესად მნიშვნელოვანი ბოლო 10 წუთი, რომელმაც უნდა გვიჩვენოს, მივალწიეთ გაკვეთილზე დასახულ მიზანს თუ ვერა. ფაქიზად უნდა შევარჩიოთ შეკითხვები და დავალებები, რომელთაც ამ დროს გამოვიყენებთ.

მაგალითად, შევთავაზებთ, ახსნან გაკვეთილის „სახელწოდება“ – „რასაც ვამბობ, იმას ვმღერო; რასაც ვმღერო, იმას ვამბობ...“. თუკი მათეულ ახსნაში გამოჩნდება გაკვეთილზე ნაფიქრ-ნაღვაწი და მოსწავლეთა მიერ გამოტანილი დასკვნები იქნება სწორი, მაშასადამე, მიზანიც მიიღწეულია – მოსწავლეები სიტყვის წარმოთქმისა თუ დაწერის დროს, მათი მნიშვნელობის გარდა, ემოციური კონტექსტზეც დაფიქრდებიან.

კარგი იქნება, თუ მოსწავლეებს გაკვეთილის ზოგადი შეფასების საშუალებასაც მივცემთ. რასაც ვირველია, უნდა შევარჩიოთ სანიტერესო სამინაო დავალება, რომელშიც უკუგებად, ერთგვარ რეფლექსიად გამოგვადგება ჩატარებული გაკვეთილისათვის.

ეს, ერთი შეხედვით, „პრობა-ული“ გაკვეთილი შესაძლოა დიდ თვისასწავლად ვაქციოთ. მუსიკათვის თავდადებულ ქმნის ესთეტიკური აღქმისთვის შესაფერის გარემოს. თუ შევძლებთ, მოსწავლეებს ამ აღქმის სიტყვიერ გამოხატვაში დავცემართ, ან, უფრო ზუსტად, ამ ქმედებისთვის შევავალიანოთ, შევდეგად მათ გონებაში „ჩაიწერება“ კონკრეტული დადებითი ან უარყოფითი ემოციის გამოხატველი სიტყვები, რომელთაც ისინი მომავალში სწორად გამოიყენებენ. გარდა ამისა, ჩართულობით, ჯგუფური მუშაობით, თითოეულის ლექსიკურ მარაგს შევამატებთ 2-3 ათეული სიტყვა. ამ ლექსიკური სიმწირის უკმაყოფილებას სწავლის პროცესისთვის სასიკეთო და სასარგებლო.



„ჩასმას“ შესაფერისი ფრაზისა თუ წინადადების წიაღში.

კარგ, სასიხარულო ამბავს ვცვებით? კმაყოფილების გამოხატველი რამ გვაქვს სათქმელი? ამისთვის ქართულ ენას შესაბამისი ემოციური კონტექსტის სიტყვები მრავლად აქვს. წუხილს ვუზიარებთ სხვებს? მრისხანების, ბრაზის გამოხატვას ვცდილობთ? საამისო ლექსიკური მარაგიც უზნავა ჩვენს ენაში. ჩვენი მეცადინეობით, მათი მიკვლევა და გამოყენება არ უნდა უჭირდეთ მოსწავლეებს. ვფიქრობთ, არ არის საჭირო რთული, დამაბნეველი დავალებების მიცემა ან ჩახლართული აქტივობების გამოყენება. პირიქით, ჩვენი მეთოდი რაც უფრო მარტივი, სახალისო იქნება, რაც უფრო მეტად უზრუნველყოფს მოსწავლეთა ჩართულობას მათი კომპეტენციის ფარგლებში, მით უფრო კარგ შედეგს მივიღებთ. ასეთად გვესახება ჩვენი ერთი ჩვეულებრივი „მუშა“ გაკვეთილი.

– გაიხსენეთ, რა საშუალებები გვაქვს მათი გამოხატვისთვის.

მოსწავლეები გულწრფელად ისაუბრებენ იმის შესახებ, რომ ხშირად ვერ პოულობენ შესაფერის სიტყვებს, უჭირთ იმის გადმოცემა, რასაც განიცდიან... ამავე დროს, მათ არ გაუჭნელებათ იმაზე საუბარი, რომ გრძობისა და ემოციების გამოხატვა შეგვიძლია სიტყვით (მაგალითად, ლექსით), ფერით (ფერწერული ნამუშევრით), მელოდიით, ფოტოხელოვნებით და ასე შემდეგ.

შესაძლოა, საგანგებოდ მომზადებული 2-3-წუთიანი ვიდეომასალაც ვაჩვენოთ. მაგალითად, მუსიკის ფონზე წაკითხული ლექსი ან რომელიმე ცნობილი ტილოს დეტალური ჩვენება... ან სხვა შესაფერისი რამ, რომელიც მათ განწყობებსა თუ ემოციებზე დააფიქრებდა.

ვფიქრობთ, სასურველი განწყობის შექმნისა და უკვე არსებული ცოდნის გამოწვევა-გააქტიურებისთვის გაკვეთილის დასაწყისი ათიოდე წუთი საკმარისი იქნება.

„მუსიკალური“ ჯგუფი ასრულებს მის მიერ წინასწარ შერჩეულ მელოდიას ან სიმღერას. სრული შთაბეჭდილებისთვის შეიძლება, ამას თან ახლდეს ვიდეორჩვენება ან მცირე ქორეოგრაფიული ნომერი... თუმცა ამ „დანამატს“ უარყოფითი მხარეც აქვს – შესაძლოა, მოსწავლეთა ყურადღება მელოდიიდან სხვა მიმართულებითაც წავიდეს. ამის გადაწყვეტა უმჯობესი იქნება კონკრეტულ კლასში. „მუშა“ ჯგუფებს დავალებებს მელოდიის მოსმენამდე ვურიგებთ. ეს დავალებები, პირობითად, ასეთი იქნება:

ყურადღებით მოუსმინეთ შესრულებულ მელოდიას. ჩამოწერეთ ის სიტყვები, რომლებიც, თქვენი აზრით, იმავე გრძობებსა და ემოციებს გამოხატავს, რაც ჩაქმნილი იყო მუსიკაში. შეადგინეთ წინადადებები, გამოიყენეთ თქვენ მიერ შერჩეული სიტყვები.

განსხვავებული დავალება ეძლევა შემოქმედებით ჯგუფს: მოსმენილი მელოდიის შთაბეჭდილე-



Juna Janelidze

მშობლიურ ენაზე დაუფიქრებელი ბილინგვური და მულტილინგვური ბენეფიციები

მშობლიური ენის სწავლის, მისი შენარჩუნების მნიშვნელობა აღიარებული და განმტკიცებულია სხვადასხვა საერთაშორისო კონვენციითა და დეკლარაციით.

საერთაშორისო შეთანხმებებში განათლებასთან მიმართებით უმცირესობებისა და მკვიდრი მოსახლეობის ენობრივი უფლებები რამდენიმე ურთიერთდაკავშირებულ ასპექტს მოიცავს:

- მშობლიურ ენაზე განათლების უფლება, თუკი უმცირესობის წევრს ამის სურვილი აქვს;
- ფართო საზოგადოების ენისა და სახელმწიფო განათლების სისტემის ხელმისაწვდომობა;
- ინტერკულტურული განათლების ხელმისაწვდომობა, რაც ხელს უწყობს პოზიტიურ დამოკიდებულებებს უმცირესობებისა და მკვიდრი მოსახლეობის ენისა და კულტურის მიმართ;
- საერთაშორისო ენების ხელმისაწვდომობა.

მშობლიურ ენასთან დაკავშირებით საერთაშორისო შეთანხმებებში ჩამოყალიბებული მიზნებისა და პრინციპების რეალიზება ხშირად სხვადასხვა გამოწვევას უკავშირდება: ერთი მხრივ, ადგილობრივ სოციალურ-პოლიტიკურ ფაქტორებს, მეორე მხრივ კი უმცირესობის მშობლიური ენისა და სახელმწიფო ენის სწავლა-სწავლების პრაქტიკულ და მეთოდოლოგიურ საკითხებს.

ეთნიკური და ენობრივი უმცირესობებით დასახლებულ ქვეყნებში სხვადასხვა წევრის მშობლიური ენა/ენები წარმოადგენს სოციალურ და კულტურულ სიმდიდრეს, რომელიც საჭიროებს დაცვასა და შენარჩუნებას. უმცირესობის ენა განიმარტება კონკრეტულ კონტექსტში, გეოგრა-

ფიულ არეალში იმ წევრის ენად, რომელიც წარმოადგენს უმცირესობას, თუმცა იმავდროულად სხვაგან ის შეიძლება უმრავლესობის ენა იყოს (მაგ., სომხური ენა სომხეთში უმრავლესობის ენაა, საქართველოში – უმცირესობის).

უმცირესობათა ენობრივი და კულტურული მრავალფეროვნების შენარჩუნება მნიშვნელოვანია არა მხოლოდ უმცირესობათა წევრებისთვის, არამედ ფართო საზოგადოებისთვისაც, ვინაიდან ეს ხელს უწყობს სხვადასხვა წევრის ურთიერთპატივისცემაზე დამყარებულ მშვიდობიან თანაცხოვრებას. პოლიტიკური, ეკონომიკური თუ სოციალური გარემოებების გამო ხშირად ადგილობრივ დონეზე უმცირესობათა ენები იკარგება, სუსტდება მათი სოციალური სტატუსი. მკვლევართა აზრით, ენობრივი მარგინალიზაცია პირდაპირ კავშირშია პოლიტიკურ, კულტურულ და სოციალურ მარგინალიზაციასთან, რაც მრავალმხრივ აზარალებს უმცირესობათა იდენტობას და მათი მკუთვნებულობის გრძობას ფართო საზოგადოებაში. ენა არ არის მხოლოდ კომუნიკაციის საშუალება. ის არის ინდივიდისა და წევრის კულტურული იდენტობის ძირითადი მახასიათებელი. ამდენად, მშობლიური ენის სწავლა და გამოყენება განსაკუთრებულ მნიშვნელობას იძენს საგანმანათლებლო კონტექსტში.

უმცირესობის წარმომადგენელი მშობლებისთვის, ერთი მხრივ, მნიშვნელოვანია, რომ მათ შეიძლებს ჰქონდეთ საშუალება, ეზიარონ თავიანთი წევრის კულტურას და შეინარჩუნონ მშობლიური ენა; მეორე მხრივ კი, ბუნებრივია, მათ აქვთ სურვილი, შეიძლებამა შეძლონ ფართო საზოგადოებაში სრული ინტეგრაცია და წარმატების მიღწევა სოციალურ და ეკონომიკურ სფეროში, რაც,

უმცირესობათა ენობრივი და კულტურული მრავალფეროვნების შენარჩუნება მნიშვნელოვანია არა მხოლოდ უმცირესობათა ენობრივი და კულტურული მრავალფეროვნების შენარჩუნება მნიშვნელოვანია არა მხოლოდ უმცირესობათა წევრებისთვის, არამედ ფართო საზოგადოებისთვისაც, ვინაიდან ეს ხელს უწყობს სხვადასხვა წევრის ურთიერთპატივისცემაზე დამყარებულ მშვიდობიან თანაცხოვრებას. პოლიტიკური, ეკონომიკური თუ სოციალური გარემოებების გამო ხშირად ადგილობრივ დონეზე უმცირესობათა ენები იკარგება, სუსტდება მათი სოციალური სტატუსი. მკვლევართა აზრით, ენობრივი მარგინალიზაცია პირდაპირ კავშირშია პოლიტიკურ, კულტურულ და სოციალურ მარგინალიზაციასთან, რაც მრავალმხრივ აზარალებს უმცირესობათა იდენტობას და მათი მკუთვნებულობის გრძობას ფართო საზოგადოებაში. ენა არ არის მხოლოდ კომუნიკაციის საშუალება. ის არის ინდივიდისა და წევრის კულტურული იდენტობის ძირითადი მახასიათებელი. ამდენად, მშობლიური ენის სწავლა და გამოყენება განსაკუთრებულ მნიშვნელობას იძენს საგანმანათლებლო კონტექსტში.



მშობლებს უნდა
 შეეძლოთ, არჩივანი
 სათანადო
 ინფორმაციაზე
 დაყრდნობით
 გააკეთონ—
 რასეპარაუდო
 შეგავლენა
 ექნება ამა თუ იმ
 საგნმანათლებლო
 მიდგომასა და
 სწავლა-სწავლებაში
 ენას/ენებს გაუშვინ
 სწავლაზე,
 განვითარებაზე,
 მის მომავალ
 შესაძლებლობებზე.

როგორც წესი, გულისხმობს სახელმწიფო და/ან საერთაშორისო ენების ცოდნას. მშობლიურ ენაზე დაფუძნებული ბილინგვური და მულტილინგვური განათლება შესაძლებლობას იძლევა, ბავშვმა არ დაკარგოს მშობლიური ენა და ამასთანავე წარმატებით დაეუფლოს მეორე (სახელმწიფო) ენას (და სხვა ენებს მულტილინგვური განათლების შემთხვევაში). მშობლიურ ენაზე სწავლა მნიშვნელოვანია, რადგან წარმოადგენს ხარისხიანი განათლების ბაზისს. იმავდროულად, ბილინგვური და მულტილინგვური განათლება მნიშვნელოვანია განათლების ყველა საფეხურზე როგორც სოციალური თანასწორობის ხელშეწყობის მექანიზმი, რომელიც ხელს უწყობს მულტიკულტურული და მულტილინგვური გარემოს შენარჩუნებას.

ენა არის ინტერკულტურული განათლების უმნიშვნელოვანესი კომპონენტი, რომელიც ხელს უწყობს სხვადასხვა ჯგუფს შორის ურთიერთგაგებას და ადამიანთა ფუნდამენტური უფლებების პატივისცემას. ბუნებრივია, წარმატებული ბილინგვური/მულტილინგვური საგანმანათლებლო პროგრამები მრავალ მეთოდოლოგიურ და პედაგოგიურ საკითხს მოიცავს, რომლებიც ამ სფეროში არსებული მეცნიერული ცოდნისა და მტკიცებულებების საფუძველზე ყალიბდება.

ბილინგვური განათლება გულისხმობს საგანმანათლებლო პროგრამას, რომელშიც სწავლა-სწავლების პროცესი ორ ენაზე მიმდინარეობს, მულტილინგვური განათლება კი სამ ან მეტ ენას

მოიცავს. ამ შემთხვევაში ენის როგორც ცალკეული საგნის სწავლება კი არ იგულისხმება, არამედ მისი გამოყენება სწავლა-სწავლების საშუალებად. ბილინგვური/მულტილინგვური განათლების სფეროში მეცნიერთა საკვლევი თემატიკა შემდეგი საკითხებისგან შედგება: როგორია ენებს შორის სწავლა-სწავლებისთვის დროის/საგნების ოპტიმალური გადანაწილება? როდის არის უმჯობესი, ბავშვმა დაიწყო მეორე ენის ათვისება? რა უფრო ეფექტურია — მეორე ენაში სწრაფი იმერსია თუ ეტაპობრივი გადასვლა? რა ფაქტორები ახდენს ზეგავლენას მეორე ენის ათვისებაზე? რომელი მეთოდების გამოყენება უფრო ეფექტიანი მშობლიური და მეორე ენის სწავლების პროცესში?

ბილინგვური და მულტილინგვური განათლების სფეროში დაგროვებული მეცნიერული ცოდნა და მტკიცებულებები შემდეგ ძირითად მიგნებებს გვთავაზობს:

უძრავი ასაკი

მნიშვნელოვანია, რომ ადრეულ ასაკში ბავშვთა განათლება მშობლიურ ენაზე მიმდინარეობდეს. არსებობს სკოლამდელი ბილინგვური განათლების პროგრამების წარმატებული მოდელები (მაგალითად, უელსში, სადაც უმრავლესობისა და უმცირესობის წარმომადგენელი ბავშვები ორივე ენას ეუფლებიან). თუმცა აღსანიშნავია, რომ ხშირად ასეთ პროგრამებში მეორე ენა არ გამოიყენება სწავლა-სწავლების ენად. ის შემოდის როგორც

დამოუკიდებელი „საგანი“, რომელსაც სკოლა-
დელი ასაკის ბავშვები ეტაპობრივად, თამაშისა
და ყოველდღიური რუტინული საქმიანობების
დროს, არაფორმალურ გარემოში ეცნობიან ასა-
კისა და განვითარების საფეხურის შესაბამისად.

ბილინგვური განათლების კომპიუტერული მხარდაჭერა

ეფექტიანი ბილინგვური განათლების უპირატეს
შედეგს არ წარმოადგენს მხოლოდ ორი ენის
სრულყოფილი ფლობა. კვლევები ადასტურებს,
რომ ხელმეწყოები ფაქტორების არსებობის შემ-
თხვევაში ორენოვან ბავშვებს ახასიათებთ მეტი
კოგნიტიური მოქნილობა და უკეთ აქვთ განვითარ-
ებული მეტალინგვისტური ცნობიერება, ვიდრე
მათ თანატოლებს.

მშობლიური თუ მეორე ენა? დროის ფაქტორი

იმისათვის, რომ ბავშვმა წარმატებით შეძლოს მე-
ორე ენის დაუფლება, მას ჩამოყალიბებული უნდა
ჰქონდეს გარკვეული კომპეტენციები მშობლიურ
ენაში. მეცნიერებს შორის არ არსებობს შეთანხ-
მებული პოზიცია მინიმალურ კომპეტენციებთან
დაკავშირებით, თუმცა ერთ ნაწილს მიაჩნია,
რომ ამ კომპეტენციების დასაუფლებლად ბავშვს
მშობლიურ ენაზე სწავლა-სწავლების საშუალება
უნდა ჰქონდეს 6-8 წლის განმავლობაში, ანუ
დაახლოებით დაწყებითი საფეხურის დასრულე-
ბამდე. იმავდროულად, დაწყებით საფეხურზე
უნდა ისწავლებოდეს მეორე ენა როგორც საგანი
(და არა როგორც სხვა საგნების სწავლების ენა),
რომელიც საბაზო საფეხურიდან ნელ-ნელა მეტ-
ადგილს დაიკავებს როგორც სწავლა-სწავლების
ენა სხვადასხვა საგანში.

მშობლიური ენა როგორც სწავლა-სწავლების ბაზისი

ბილინგვურ განათლებაში ე. წ. ადრეული იმერსიის
პროგრამები (ორენოვანი სწავლება მე-2-მე-3
კლასიდან) ნაკლებეფექტურია, ვიდრე გვიანდელი
იმერსიის პროგრამები (ორენოვანი სწავლება
დაწყებითი საფეხურის შემდეგ). თუმცა ადრეული
იმერსიის პროგრამები შედარებით ეფექტურია,
ვიდრე პირდაპირი იმერსიის პროგრამები, როდესაც
ბავშვები პირველივე კლასში არამშობლიურ
ენაზე იწყებენ სწავლას. როდესაც ადრეულ ასაკში
ბავშვი მშობლიურ ენაზე არ სწავლობს, მაღალია
ალბათობა იმისა, რომ მეორე ენის სწავლაც შე-

ფერხდება, ვინაიდან ბავშვი ჯერ კიდევ არ ფლობს
საჭირო კომპეტენციებს მშობლიურ ენაში, რაც
ნეგატიურ ზეგავლენას ახდენს მის კოგნიტიურ
განვითარებასა და აკადემიურ წარმატებაზე.

მასწავლებლების ფაქტორი

წარმატებული ბილინგვური პროგრამებისთ-
ვის მნიშვნელოვანია არა მხოლოდ ეტაპობრივი
გადასვლა (ნაწილობრივ ან სრულად) მეორე ენაზე,
არამედ სათანადოდ მომზადებული აღმზრდელები
და მასწავლებლებიც, რომლებიც სრულყოფილად
ფლობენ ბავშვების მშობლიურ ენას. აგრეთვე, სწავ-
ლა-სწავლების პროცესისთვის მეტად მნიშვნელო-
ვანია, ხელმისაწვდომი იყოს სათანადო ენობრივი
რესურსები და სასწავლო მასალები (თვალსაჩინო-
ებები, წიგნები, აუდიომასალები და ა. შ.).

ოჯახის ჩართულობა

იმისათვის, რომ ბავშვები წარმატებით დაეუფლონ,
პირველ რიგში, მშობლიურ ენას, ხოლო შემდგომ
– მეორე (უმრავლესობის) ენას, მნიშვნელოვანია
ოჯახებთან თანამშრომლობა, მათი წახალისება,
რომ მშობლიური ენის აქტიური გამოყენება ბავშვის
აღზრდისას ოჯახშიც მიმდინარეობდეს.

მშობლიური ენა და უმცირესობათა ილენობა

მშობლიურ ენაზე დაფუძნებული ეფექტიანი ბი-
ლინგვური/მულტილინგვური განათლება ხელს
უწყობს არა მხოლოდ ენობრივი კომპეტენციების
განვითარებას, არამედ უმცირესობების თვით-
შეფასების ამაღლებასა და საკუთარი და სხვების
კულტურის მიმართ პოზიტიური დამოკიდებულე-
ბის ჩამოყალიბებასაც.

აღსანიშნავია, რომ არ არსებობს ბილინგვური და
მულტილინგვური განათლების ერთი მოდელი,
რომელიც ყველა გარემოებასა თუ სიტუაციას
იდეალურად მოერგო. ამიტომ რეკომენდებულია
სხვადასხვა მიდგომის გამოყენება მშობლიური და
მეორე ენის სწავლებისას. ამასთანავე, ოჯახებს
არჩევანის გაკეთების საშუალება უნდა ჰქონდეთ.
მშობლებს უნდა შეეძლოთ, არჩევანი სათანადო
ინფორმაციაზე დაყრდნობით გააკეთონ – რა
სავარაუდო ზეგავლენა ექნება ამა თუ იმ საგანმა-
ნათლებლო მიდგომასა და სწავლა-სწავლების
ენას/ენებს ბავშვის სწავლებაზე, განვითარ-
ებაზე, მის მომავალ შესაძლებლობებზე.

გამოყენებული ლიტერატურა

1. Ball, J. (2011). Enhancing learning of children from diverse language backgrounds. Mother-tongue based bilingual or multilingual education in the early years. UNESCO.
2. Cummins, J. (1986). Empowering minority students: A framework for intervention. Harvard Educational Review, 56, 18-35.
3. Li, X. (1999). How can language minority parents help their children become bilingual in a familial context? Bilingual Research Journal, 23(2&3), 211-224.
4. OECD (2001). Starting strong: Early childhood education and care. Paris: Author
5. Rubio. M-N. (2007). Mother tongue plus two: Can plurilingualism become the norm? In Children in Europe, 12, 2-3.
6. Shonkoff, J., & Phillips, D. (Eds.). (2000). From neurons to neighborhoods: The science of early childhood development. Washington, DC: National Academy Press.
7. Tarone, E., & Bigelow, M. (2005). Impact of literacy on oral language processing: Implications for second language acquisition research. Annual Review of Applied linguistics, 25, 77-97.
8. United Nations (1948). Universal Declaration on Human Rights. New York: United Nations.
9. United Nations (1966). International Covenant on Civil and Political Rights Covenant. New York: United Nations.
10. United Nations (1989). Convention on the Rights of the Child. Retrieved January 15, 2009 from: <http://www2.ohchr.org/english/law/crc.htm>
11. United Nations (1990). International Convention on the Protection of the Rights of All Migrant Workers and Members of their Families. New York: United Nations.
12. United Nations (1992). Declaration on the Rights of Persons belonging to National or Ethnic, Religious and Linguistic Minorities. New York: United Nations.
13. UNESCO (2008b). Mother tongue instruction in early childhood education: A selected bibliography. Paris: UNESCO.
14. UNESCO (1960). Convention against Discrimination in Education. Paris: UNESCO.





ლიანა აფიშიაძე

სია

საფლავი ჰაერში

როდესაც იმ წითელი აგურის შენობას გვერდით ჩაუვლიდა, თეთრ-წვერა, მაღალი მოხუცი მხრებში იხრებოდა, მთლიანად საკუთარ ქუდში შეიყუჩებოდა, როგორც კარავში, როგორც თავშესაფარში, სანგარში და ისე დაპატარავებული ფეხს ააჩქარებდა, გვერდით არც კი იხედებოდა. ასე იყო ყოველთვის, მას მერე, რაც იმ კლასის მასწავლებელი აღარ იყო, მას მერე, რაც საკუთარ გულში დასრულდა მისი მასწავლებლობა, მხოლოდ გულსგარეთა, ყოველდღიური საქმიანობა დარჩა, რომელიც დღეებს, როდესაც რაიმეს არ წერდა, სწრაფად დაღამებამი ეხმარებოდა. ლექციები უნივერსიტეტში, სხვადასხვა სკოლასა თუ პროფესიულ სასწავლებელში... მაგრამ ეს სულ სხვა იყო, იმ ცოცხალი, რთული, ზოგჯერ საშიში, მაგრამ მაინც ყველაზე ბედნიერი დღეებისგან განსხვავებით, როცა გრძნობდა, რომ ძალიან მნიშვნელოვან საქმეს აკეთებდა.

ლიტერატურაშიც ისტორიული ამბები აირჩია, რამდენიმე საუკუნის წინ მომხდარ მოვლენებზე საუბარი, მათში მონაწილეობა გაცილებით მარტივი იყო, ვიდრე ცხოვრება იქ, სადაც მისი საყვარელი ადამიანები მოლაღატებდად გამოაცხადეს, მათი სახელის ხსენებაც აკრძალეს, საფლავები აუფეთქეს და ზედ უზარმაზარი, უსახური შენობა აუშენეს.

ის კი ცხოვრობდა, ყოველდღიურ ლიტერატურულ პროცესებში მონაწილეობდა, ახალგამოცემული წიგნებით ხარობდა, მკითხველებს ხვდებოდა, წიგნებზე ავტოგრაფებდაც აწერდა თავის სახელსა და გვარს, თუმცა საკუთარ ფანტაზიაში ხშირად სტუმრობდა პატარა, წარმოსახვით საფლავს, რომელზეც უბრალო, მინდვრის ყვავილებისგან შეკრული თაიგულის მიღმა ჩანდა წარწერა:

*ვასილ ბარნოვი
ქართული ენისა და ლიტერატურის
მასწავლებელი.
1918-1921*

კლასი

- ჯანდიერი!
- გახლავართ.
- გეტსმანი!
- ვარ..
- ერისთავი!
- ვარ.
- კემულარია!

- ვარ!
- კალანდარიშვილი!
- ვარ!

სიას ყოველთვის არ კითხულობდა, ძირითადად ყველანი იყვნენ, გაკვეთილს არავინ აკლდებოდა. იუნკერთა სასწავლებლის განსაკუთრებულ დისციპლინაზე ჯერ გენერალი კვინიტაძე ზრუნავდა, შემდეგ კი სკოლის დირექტორი – ალექსანდრე ჩხეიძე, წესიერი, მკაცრი, განათლებული კაცი, ნამდვილი სამხედრო.

ესეც რომ არა, სერიოზული მიზეზების გარეშე არავინ აცდენდა სკოლას, აქ მოიჩქაროდნენ, უყვარდათ, მუშაობდნენ, სწავლობდნენ...

– ქართული რომანტიზმი რთული თემაა, ყმაწვილებო, საერთოდ, თუ დავაკვირდებით, ზოგიერთი ავტორი ამა თუ იმ მიმდინარეობას კი ეკუთვნის, მაგრამ, ამავე დროს, გამორჩეული, განსხვავებულია

მოსწავლეების პრაქტიკა ფიქრობდა, პირს ქვეყნის მომავალსა და სუბირობაზე, პირს დიდი ქვეყნების დუმარების იმედზე, პირს უზარმაზარ წითელ პრინცზე, პირს მოღალატეებზე, უკვე მეორე ბანაკში გადასარგებეს რომ გეგმავდნენ. ფიქრობდა თავის მოსწავლეებზე, მათ სხვაებსა და თვალზე, მათ ზოგჯერ ჰკვიანურ, ზოგჯერ გულუხრყვილო და უმნიშვნელო პირებზე, მათ ყოველდღიურ პრობლემებზე, მათ კალიგრაფიაზე და გული უკვდავოდ, იმის წარმოდგენაზე, თუ როგორ შეიძლება რომელიმეს ტყვეობა მოხდეს, ნაღვზე აფეთქებულიყო...

მისგან, დიდი პოეტები თან ქმნიან მიმდინარეობებს, თან ვერ ეტყვიან ჩარჩოებში და ერთგვარად ანგრევენ მათ, ასეთი იყო, მაგალითად, ჩვენი ტატო – ნიკოლოზ ბარათაშვილი, თითქმის თქვენი კბილა ან კიდევ უფრო პატარა, როდესაც თავის საოცარ სტრიქონებს ქმნიდა. ცნობილია, რომ „შემოღამება მთაწმინდაზე“ სულ ახალგაზრდამ დაწერა...

– ბატონო ვასილ, შეიძლება, ერთი რამე გკითხოთ?

– დიახ, რასაკვირველია!

– თქვენ ნიკოლოზ ბარათაშვილის ბიძაზე, გრიგოლ ორბელიანზე ლაპარაკობდით ამას წინათ, მისი ლექსებიც წაგვიკითხეთ, წერილებიც, მაგრამ თითქმის არ გისაუბრიათ მის სამხედრო საქმიანობაზე.

– დიახ, ალექსანდრე, ბრძანეთ, რა გაინტერესებთ? – მასწავლებელს აღაფრთოვანებდა ასეთი წუთები, მოსწავლეების ინტერესი, დაძაბულ დიალოგს რომ მოასწავებდა, ზოგჯერ საუბარი კამათსაც ემსგავსებოდა, ამ დროს განსაკუთრებით ცოცხლდებოდა კლასი, სხვაგვარი, საინტერესო ატმოსფერო იქმნებოდა.

– გრიგოლ ორბელიანი ხომ რუსი გენერალი იყო? თქვენ კიდევ გვიყვებოდით, პატრიოტი პოეტი იყო, „სადღეგრძელოც“ წაგვიკითხეთ, „საღამო გამოსალმებისა“ ... მე კიდევ ვფიქრობ, რომ მტრის გენერალი სამშობლოს პოეტად არ გამოადგება.

– ისედაც დიდი არაფერი პოეტი იყო, მე თუ მკითხავთ, – მოისმის ხმა მეორე მერხიდან. ეს ყოფიანია, ალექსანდრე, პოეზიის დიდი ტრფიალი, ყველა პოეტს იცნობს, ცისფერყანწილების საღამოებს არ ტოვებს, ლიტერატურულ პერიოდიკას კითხულობს, ჩუმ-ჩუმად წერს კიდევ.

– რა შუაშია, სამხედრო ნიჭი ჰქონდა იმ კაცს და სხვაგან სად გამოიყენებდა? იქნებ როგორი სასარგებლო ყოფილიყო ქართველებისთვის მისი გენერლობა?

– რომელი პოემა გახსენდება „სადღეგრძელოზე“ უკეთესი?

– „მუხამბაზებს“ კი კარგად უმღერი შენს შეყვარებულს და...

ბიჭები ახმაურდნენ, ყველას თავისი აზრი ჰქონდა, ზოგიერთი გრიგოლ ორბელიანს გულშემატკივრობდა, ზოგი, უფრო რადიკალური – მტრად აცხადებდა, ვილაციისთვის ომი და პოეზია სრულიად განსხვავებული ცნებები იყო, რამდენიმე ფანჯარაში იყურებოდა – მშვენიერი, მაისის დარი იდგა, სკოლის ეზოში ცამდე აწვდენილი კიპარისები ირწეოდნენ...

– მეგობრებო, ძალიანაც ნუ ახმაურდებით! – სულ ოდნავ აუწია ხმას მასწავლებელმა, – ყველა თქვენგანი ძალიან საინტერესოდ მსჯელობს, მათიც მესმის, ვისთვისაც ლექსი და პოლიტიკა სხვადასხვა რამაა, მათიც – ვინც ფიქრობს, რომ მტრის სამსახურში ყოფნა განსაკუთრებით პოეტებს არ ეპატიებათ. მე როგორ მოვიტყეოდი? ვერაფერს გეტყვით. საბედნიეროდ, ახლა ჩვენ ყველას გვაქვს საშუალება, ჩვენს ქვეყანას ვემსახუროთ, ჩვენი ქვეყნისთვის ვწეროთ და ვისწავლოთ... რა იქნებოდა სხვა დროს? არ ვიცი და არც მინდა, ოდესმე გავიგო. თუმცა, ყველას გმირობას ნუ მოვთხოვთ.

ამ საუბარს დიდხანს, დიდხანს იხსენებდა მერე მასწავლებელი – ვასილ ბარნოვი.

სიტყვა

თავიდანვე იცოდნენ, რომ ასე მოხდებოდა, არავინ აცლიდა თავისუფლად ფრენას გალიიდან თავდაღწეულ ჩიტს, ჯერ ჰაერისა და სივრცის მოზომვას, ფრთების უშიშრად გასწორებას რომ ცდილობდა. თავიდანვე იცოდნენ და ეს რაღაცნაირი, წინასწარ განწირული განწყობა კიდევ უფრო მეტი ტრაგიკული შემართებით ავსებდა ბიჭების გულებს. ეს იგრძნობოდა ყველაფერში – მათ დავალებებში, თხრობაში, კითხვებში, მისაღმებაში, დამშვი-

დობებაში, საყელოს გასწორებაში, წასაკითხი წიგნების არჩევაში, სიმღერებშიც კი.

თანდათანობით მოიმატა დაძაბულობამ, მოკლო ლიტერატურისა და ისტორიის გაცვეთილების დრომ, სამაგიეროდ, სამხედრო საქმის კურსმა თუ იარაღის გამოყენებისა და ფიზიკური წვრთნის პრაქტიკულობამ ლამის მთელი სასწავლო დრო დაიკავა. ახლა ბიჭებს დასაძინებლად იშვიათად უშვებდნენ შინ, განსაკუთრებული მდგომარეობა გამოცხადდა სასწავლებელში, მასწავლებლებიცა და მოსწავლეებიც სრულიად სხვა რეჟიმზე გადავიდნენ.

ქართული თუ უცხოური პრესა სასიკეთოს არაფერს იტყობინებოდა, ევროპა მხოლოდ შეშფოთებული იყო, პატარა საქართველოსთვის აღარ ეცალა, საკუთარ პრობლემებს ვერ უთავდებოდა, მთავრობა შეცდომას შეცდომაზე უშვებდა, მოლაღატე მინაურები, როგორც ყოველთვის, ჩასაფრებულები იყვნენ, ზოგი, არც ჩასაფრებული – მტერს მეთაურად მოუძლოდა. ხალხი გაურკვეველობაში იყო, ნაწილი დამოუკიდებლობას ხავსივით ეჭიდებოდა, მეორე ნაწილი პირად უზრუნველყოფაზე ფიქრობდა, მესამენი ბარგს კრავდნენ სტამბოლში გასაქცევად, მეოთხენი მტრის ენის გრამატიკებში იქექებოდნენ, ენას სწავლობდნენ ყოველი შემთხვევისთვის...

იანვრიდან ყველაფერი კიდევ უფრო გართულდა, თითქოს ძაფივით გაწვრილდა ლოდინი, საშიშროების განცდა, დამარცხებები დამარცხებებს ერთვოდა, გამარჯვებებით სულსაც ვერ მოითქვამდი, თითქოს უნდა გაწყვეტილიყო რაღაც...

თებერვლის დასაწყისში აშკარა გახდა, რომ სულ სხვაგვარი, გადამწყვეტი შეტევა გახდებოდა აუცილებელი, ქართულ ჯარს და დივიზიებს დახმარება დასჭირდებოდათ და სწორედ მაშინ გადაწყვიტეს, ბრძოლაში ჩაერთოთ ქართული სამხედრო ძალის საუკეთესო ნაწილი, ყველაზე ახალგაზრდა და სამხედრო საქმის ყველაზე კარგად მცოდნე – იუნკრების რაზმი.

იმ დღიდან მოსვენება დაკარგეს მოსწავლეებმაც და მასწავლებლებმაც. შეიცვალა ყველაფერი, ყველა სიტყვა, ყველა წუთი, ყველა გაცვეთილი, ყველა წიგნი, ყველა ლექსი თუ ისტორიული თარიღი განსაკუთრებით მნიშვნელოვანი გახდა – ომში მიდიოდნენ პატარა ბიჭები, გულის ჯიბეში სასიყვარულო წერილებით, სიზმრების შიშით, სიცოცხლის სიყვარულით, წაუკითხავი წიგნებით, მომავლის გეგმებით სავსეები.

მასწავლებელიც ვერაფერზე ფიქრობდა, ვერც ქვეყნის მომავალსა და საშიშროებაზე, ვერც დიდი ქვეყნების დახმარების იმედზე, ვერც უზარმაზარ წითელ არმიამზე, ვერც მოლაღატეებზე, უკვე მეორე ბანაკში გადაბარგებას რომ გეგმავდნენ. ფიქრობდა თავის მოსწავლეებზე, მათ სახეებსა და თვალებზე, მათ ზოგჯერ ჭკვიანურ, ზოგჯერ გულუბრყვილო და უმწიფარ აზრებზე, მათ ყოველდღიურ პროტესტზე, მათ კალიგრაფიაზე და გული უკვდებოდა იმის წარმოდგენაზე, თუ როგორ შეიძლებოდა, რომელიმეს ტყვია მოხვედროდა,

ნალმზე აფეთქებულიყო... ასეთ დროს კარგავდა აზრს მისი საყვარელი ქართული ლიტერატურა და ენაც, ენა, რომელსაც ასე ელოლიავებოდა, ენა, რომელიც შესაძლოა სამუდამოდ დადუმებულიყო რომელიმეს ახალგაზრდულ ბაგეზე, მოკვდარიყო ბოლო, ჯერ კიდევ ჩამოუყალიბებელი სიტყვა.

ის დღე

„თოფები მხარზე, სმენაზე გვექონდა აყუდებული. მწყობრის სიზუსტის მოთხოვნები საშუალებას არ გვაძლევდა, თავი მიგვებრუნებინა.

შიგადაშიგ თვალების მიტრიალებით თუ ვხედავდი, რა ხდებოდა ირგვლივ. ერთი ასეთი გახედვისას ჩვენს მასწავლებელს, ვასილ ბარნოვს მოგვკარი თვალი. თავჩალუნული, მიწას მიჩერებული, ღრმად ჩაფიქრებული, ჭალა-რაწვერიანი მიჰყვებოდა აზვითულ ტალღას. მისი დანახვა ჩვენთვის ჯანლიან დღეში მზის გამოჩენას უდრიდა. რას ფიქრობდა? ალბათ, ერთი მხრივ, გული დარდით ევსებოდა საქართველოს ავბედობის გამო და, იმავდროულად, ეამაყებოდა, რომ მისი ალბრდილი მხედრები სამშობლოს დასაცავად მიემართებოდნენ“.

იუნკრის მოგონებებიდან

ახლა სხვა კითხულობდა სიას, უფრო მკვეთრი, ცივი, გამჭოლი ხმით. ბიჭები საგანგებოდ გამოწყობილიყვნენ, სრული სამხედრო აღჭურვილობით, იარაღაკიდებულნი, ზედმეტად სერიოზული სახეებით იდგნენ, თუმცა ზოგჯერ ერთმანეთს გადაულაპარაკებდნენ და სიცილი აუტყდებოდათ, მერე ამ სიცილის შეკავებას მთელი სხეულით ისე ცდილობდნენ, რომ დაძაბულობისგან ხელები უკანკალებდათ.

– მუჯირიშვილი

– იოსელიანი

– მათიკაშვილი

– კვალიაშვილი

– ანდრონიკაშვილი

– გაბაშვილი

– ზანდუკელი

– ჯამასაშვილი

– ჯიშკარიანი

ვინც თავის გვარს გაიგონებდა, პატარა ნაბიჯს წინ წადგამდა და თავის დაკვრით ატყობინებდა ხელმძღვანელს, რომ მზად იყო.

გენერალ კვინიტაძეს ხმა ჩახლეროდა, ცდილობდა, ღელვა არ დასტყობოდა, თუმცა ხელების ნერვიული მოძრაობა მაინც ამხელდა.

ამ სისხამ დილით ხალხი გარეთ გამოფენილიყო, მშობლები, ოჯახის წევრები, უბრალო თანამოქალაქეები სამხედრო სკოლის მოსწავლეების, აწ უკვე პროფესიონალი სამხედროების გასაცილებლად გამოსულიყვნენ. ყვავილებით, თეთრი ცხვირსახოცების ფრიალით, ათასგვარი გამამხნეველი შეძახილით, დალოცვითა და მოფერებით სავსე იყო ჰაერი, ქუჩა, იქ მყოფთა თვალები.

– „სამხედრო სკოლა ფრონტზე მიდის!“



– დედა გენაცვალოს, შვილო!

– მშვიდობით დაბრუნდით!

– ნახე, როგორ უხდება ეს სამოსი!

– ვაი შენს დედას, ჩემო ბიჭო! – წამოძახილი ბევრი იყო და სხვადასხვანაირი.

ყველა ბავიდან წამოძახილი ფრთხებოდა, ჰაერისკენ იწევდა, სხვადასხვა ფერისა და ჯიშის ფრინველებით, ეს შორისდებულეები, საალერსო ფრანგები, გულისწყვეტები და დარდები იქვე, ჰაერში დაფრინავდნენ, ერთმანეთს აწყდებოდნენ, ფრთხილებდნენ.



უცებ თოფმა დასჭყეა და ყველა სიტყვა და წინადადება ერთბაშად მოსხიპა, მკვდარი მწყერებივით ძირს ჩამოყარა.

ბიჭები მხრებში გასწორდნენ და მზერა ერთ მხარეს მიაპყრეს, ეს ნიშანი იყო, საჯარო გამოსვლები იწყებოდა.

ჯერ გენერალმა კვინიტაძემ ილაპარაკა – სამშობლოს დაცვის აუცილებლობაზე, იმ საფრთხეებზე, რომელთა წინაშეც იდგა სულ ახალგაზრდა, თოთო რესპუბლიკა, ძლივს მოპოვებულ დამოუკიდებლობაზე, საქართველოს მომავალზე.

შემდეგ იუნკერთა საყვარელი მასწავლებლის, დიდი მეცნიერის ივანე ჯავახიშვილის ჯერი დადგა. მისი სიტყვა მოკლე და ემოციური იყო:

„შვილებო! ჩემი მოვალეობაა, თქვენ წიგნისა და კალმისკენ მოვიწოდოთ, მაგრამ ერის ცხოვრებაში არის ისეთი მომენტები, როცა საჭიროა, ყველაფერი განზე გადასდეს და იარაღით ხელში მტერს მიეგებო. და აი, მეც თქვენ დღეს იარაღისკენ მოვიწოდებთ“.

ბოლოს გამოსვლა ქართული ლიტერატურის მასწავლებელს, ვასილ ბარნოვს სთხოვეს, მან კი უარი თქვა. ცრემლები ხმას უხშობ-

და, აკანკალებულ ბავეს ვერ იმორჩილებდა, უყურებდა თავის მოსწავლეებს და მზად იყო ეყვირა – გაკვეთილზე, გაკვეთილზე დაბრუნდით ყველანი! უყურებდა ამ სამხედრო ფორმებში ჩაცმულ, გამოწვეპილ, იარაღასხმულ ბიჭებს, ზოგიერთს სამხედრო ქუდიდან მეტისმეტად დიდი ყურები გამოსჩროდა სასაცილოდ, ზოგიერთს ქოჩორი უჩანდა, ზოგიერთს, თავშიშველს, თებერვლის სუსხიანი ნიავი უწეწავდა თმას. ედარდებოდა ყოველი მათგანი, წარმოდგენა არ უნდოდა, რა შეიძლება მომხდარიყო, ახსენდებოდა მათი შესრულებული დავალებები, ალაგ-ალაგ გათხაპნილი მელანი, წიგნებში ფურცლების ჩაკეცვის მავნე ჩვევა, ჩუმად გამხელილი ლექსები. ხვალ შეიძლება აღარაფერი ყოფილიყო, მტრის ტყვიას შესწირვოდა ამ ახალგაზრდების და მათი საბრალე სამშობლოს მომავალი. თვალბეჭეტი ვერ უყურებდა, თითქოს ნანობდა ყოველი წაკითხული ლექსის გამო, თითქოს ყველაფერმა აზრი დაკარგა. არადა, სული მისდიოდა, ისე უნდოდა, რამე თბილი ეთქვა, სიყვარული გამოეხატა, გაემხნეებინა, დაშვიდობებოდა.. მაგრამ სიტყვა სადღაც ხორხში გაეჩხირა, როგორც ტყვია, როგორც ცრემლი... დაშვიდობება მაინც ვერ მოახერხა.

თანდათანობით იუნკერთა შემადგენლობამ სკოლის ეზო დატოვა, მერე – მიხეილის პროსპექტი, შემდეგ კოჯრისკენ მიმავალ გზას დაადგა ახალგაზრდა მეომრების რაზმი. მასწავლებელი დიდხანს იდგა და ნაკვალევს გაჰყურებდა, იდგა დიდხანს, ერთ ადგილას იდგა მხოლოდ თებერვლის ამ ერთ, სუსხიან დილას კი არა, მთელი ცხოვრების განმავლობაში.

საფლავი კვირა

უბედურების მაუწყებელი ამბები თანდათან, წვეთ-წვეთად გავრცელდა, მერე კი ერთიანად, ცეცხლის წვიმასავით დაატყდა ქალაქს თავს.

მასწავლებელიც ამბავ-ამბავ სუნთქავდა, ჩაისუნთქავდა – ერთის გარდაცვალებას გაიგებდა, ამოსუნთქავდა – მეორის გმირობას.



ფრონტიდან ბევრს არაფერს იწერებოდნენ, ძირითადად ისეთი წერილები მოდიოდა, როგორც მღეროდნენ ხოლმე სკოლის ეზოში, შესვენებაზე – ერთი ამოსუნთქვით, მოსწრებაზე..

თავიდან ვერავინ, ვერც მოლაღატე შინაურების მეთაურობამ, ვერც გადაბირებული ახლობლების ლალატმა, ვერც სამხედრო ძალამ, ვერც იარაღმა ვერ გაარღვია მოხალისეებისა და იუნკრების წინააღმდეგობა. ბიჭები იწერებოდნენ, რომ კოჯრის სიახლოვეს ღამ-ღამობით ძალიან ციოდა და ამოორთქლილი სიმღერებით ითბობდნენ გაყინულ ხელებს, რომ ვერაფერი მოახერხებდა მათი სიმტკიცის გატეხვას. ასეც იყო, ყველაზე აგრესიული კომკავშირელებისგან შემდგარი რაზმი, კარგად შეიარაღებული წითელარმიელები, ალყაში მოქცევის უამრავი ცდა – არაფერი შეაშინებდათ კვინიტაძის შევირდებს.

საოცარი იყო შალვა ერისთავის გმირობა. თბილისში ფეხბურთის საუკეთესო მოთამაშე და შეუდარებელი მორბენალი, 22 წლის შალვა ერისთავი სანგარში შევარდა, ხიშტით განგმირა მემიზნე ოფიცერი და ტყვიამფრქვევი საკუთარი სხეულით დაფარა. ფრონტზე იყო მარო მაყაშვილიც, მშვენიერი და მამაცი მოწყალეების და... სხვებიც – ლამაზები, მამაცები, ახალგაზრდები, სულ სხვაგვარი სიყვარულით ანთებულნი...

რამდენიმე შეტევა მოიგერიეს, მსხვერპლი დიდი იყო, მაგრამ იმედი – კიდევ უფრო დიდი. გრძნობდნენ, რომ გადაწყვეტ ბრძოლაში იბრძოდნენ, მათ ახალგაზრდულ ბეჭებზე იყო ქვეყნის დარჩენა-გადარჩენის საკითხი. იბრძოდნენ ბოლო წუთამდე, ბოლო ტყვიამდე, სანამ უკან დახევის ბრძანება არ მიიღეს... მთავარსარდლობამ გადაწყვიტა, რომ სხვა ფაზაში უნდა გადასულიყო წინააღმდეგობა, რომ ასე ბრძოლას აზრი არ ჰქონდა...

რუსთაველის გამზირზე შავ სუდარაგადაფარებული კუბოების პროცესიას მოჰყვებოდა მასწავლებელი. ჩოხიანი ვაჟკაცები და ერთიც – გოგონა, ნაღმზე აფეთქებული... გადარჩენილ იუნკერთა დიდი ნაწილი უკვე სხვადასხვა ქალაქისკენ მიმავალ გემზე იმყოფებოდა, ქვეყანაში დარჩენამ აზრი დაკარგა. ქალაქი დამარცხებას გლოვობდა, შვილებს გლოვობდნენ დედები, თავისუფლების დაკარგვას გლოვობდა ქვეყანა...

მერე უცხოეთიდან მოწერილ წერილებს საგულდაგულოდ წვავდა, ყოველგვარი ურთიერთობისა ეშინოდა მასწავლებელს და ხშირად ესიზმრებოდა – ტაძრის ეზოში სხვა საფლავებთან ერთად მისიც იყო. ისიც მიდიოდა, ყვავილებს აწყობდა და ზუსტად იმ წუთში ტაძარი საფლავებთან ერთად ნამსხვრევებად იქცეოდა, ჰაერში იფანტებოდა და ძირს ცვიოდა, როგორც მკვდარი ჩიტების გუნდი, როგორც ახალგაზრდა ბაგეებს მომწყდარი უთქმელი სიტყვები.





ირა ტაველიძე

ელმა და ჩალის ქული

– არ გიკვირს, ყველამ რომ ყველაფერი იცოდა?

– არ მოსწონდათ და ცნობებს აგროვებდნენ.

– როგორც ჩანს, თავიდანვე აითვალწუნეს.

– თვითონაც შეუწყო ხელი. უცხო სიტყვებს ხმარობდა – საგანგებოდ ნასწავლ ტერმინებს. „ნიმფეტამინი“ დაირქვა და თავისი შიშველი მუხლების ფოტოებს აქვეყნებდა ხოლმე. შიშველი ზურგის ფოტოებსაც.

– გახსოვს, რას ვაკეთებდით მის ასაკში?

უმზეო ცის ქვეშ ზღვის ზედაპირი ვერცხლისფრად ლივლივებდა. ზაფხულის ბოლო დღის დასასრული თხელი ღრუბლებიდან გამოღწეულ შუქს რაღაც ისეთად ექცია, რასაც მხოლოდ გრძნეული მთხრობლის გამოგონილი, ზღაპრული საღამო ეთქმოდა. ეს მოეღვაწა რე წყალი ნამდვილი ვერ იქნებოდა. წყლიდან ამოსრიალებული თევზები და ძვირფასი თვლებივით მიმოზნეული წვეთები კიდევ უფრო უძლიერებდნენ განცდას, რომ გაცოცხლებულ სურათს ხედავდა – სხვის თავში დაბადებულს, შელამაზებულს. მოციმციმე უსასრულობა. ზედაპირის ქვეშ ჩამუქებული დრო, რომელიც სხმარტალა თევზებს აჩენდა. ამ სურათის შემქმნელს სანაპიროს თითოეული კენჭის მშვენიერებაზეც ისევე ეზრუნა, როგორც ჰორიზონტის ხაზის ილუმალბასა თუ მეთევზეების ტანსაცმლის ზომიერად გახუნებაზე.

აქ მდინარე ზღვას ერთვოდა და სწორედ ამის სანახავად წამოვიდნენ – შესართავის თევზებისა და ფრინველების. ორმოც წელს მიტანებული ორი ქალი ხალხმრავალ სივრცეს გამოერიადა და გეზი უცნობი მიწისკენ აიღო.

ფეხშიშველი მეთევზეები თავიანთ საქმეს აკეთებდნენ – ბადეები ჩაყარათ, უხვი ნადავლის იმედით იდგნენ და ხმამალალი გადაძახილებით ამხნევებდნენ ერთმანეთს. დროდადრო უხამსი ხუმრობაც

გაისმოდა. იქაურები იყვნენ – მეტყველებაზე ეტყობოდათ. ბადეში მოყოლილების აღსასრული არავის აღელვებდა. მთავარი მათი ამოყვანა იყო – უკვდავების წყლიდან, უსასრულობის ბნელი წილიდან. მშვიდად მოლივლივე სივრცე წამიერად იფატრებოდა და ერთად შეყრილი თოლიებიც უმაღვე ახმაურდებოდნენ ხოლმე – თავიანთ წილ სიხარულს, ცოცხალი თევზით დანაყრებას ელოდნენ. კაცებს თავს უტიფრად დასტრიალებდნენ, წრეებს ხაზავდნენ, მსხვერპლის გასატაცებლად ხელსაყრელ დროს ელოდნენ. ზოგჯერ მეტისმეტად მსუქან თევზს სტაცებდნენ ნისკარტს და ორიოდე წამში ძირს უვარდებოდათ, იმას კი – ილბლიანს, წყალში დაბრუნებულს – კუდის მოქნევით სიცოცხლის გაგრძელების სურვილის აღნიშვნალა რჩებოდა.

– ღირდა ამის სანახავად წამოსვლა, – თქვა მოწითალოდ თმაშეღებილმა ქალმა, რომელსაც სურათის სრულყოფილება უკვე მობებრებოდა და ზღვაში შესასვლელად ემზადებოდა.

მეორე ქალს – ჩალისქუდიანს – არაფერი უთქვამს. წიგნი გადაშალა და ერთხანს თვალგამტერებული ჩასცქეროდა. კითხვის გაგრძელება არც უცდია. სიტყვები ერთმანეთის მიყოლებით უჩინარდებოდნენ იმ აბზაციდან, რომლის პირველ წინადადებასაც გულში მეათედ იმეორებდა. სანიშნად შერჩეული ჭრელი ბალახის ლერი იქვე ედგო, კენჭებზე.

მეხუთეკლასელები აფორიაქებულები და შეშინებულები დამდეგდნენ, სულ რაღაცებს მეკითხებოდნენ. ჩემი მეხუთე. უცნაურად გულმოდგინეები. ძალიან პატარებს მოუწიათ რთულ კითხვებზე პასუხების ძებნა. ამ ამბავზე მარტო ერთმანეთს ელაპარაკებოდნენ. სხვა მასწავლებლებისთვის კითხვების დასმა არც უფიქრიათ. სიმართლე უნდა მეთქვა, ოღონდ ისე, რომ დამნაშავის ძებნა და ასეთი რამეები არ დაეწყოთ. თუ ვინმეს დაადანაშაულებდნენ, იმწამსვე გაწირავდნენ კიდევ, დაუფიქრებლად.

– მაინც რას გეკითხებოდნენ?

– მართლა ორსულად არის თუ არაო? უკეთესი არ იქნება, თავი რომ მოიკლასო? თქვენს გაკვეთილზე რომ დაეწყოს მშობიარობა, რა უნდა ქნათო? სკოლის სახურავიდან რომ გადმოხტეს, მოკვდება თუ არაო? თოთხმეტსართულიანის სახურავიდან თუ გადმოხტა, ხომ ნამდვილად მოკვდებაო?

– ადანაშაულებდნენ.

– არა, უფრო თანაგრძობა ჩანდა – გამოუვალი მდგომარეობიდან გამოყვანის სურვილი.

რა უნდა ეძებნა უზადო პეიზაჟში? რას ეუბნებოდა მნახველს თხელი ღრუბლებით დაფარული ცა, მიწაზე დაფენილი ნაზი შუქი და წყლის ზედაპირი, ზეციურ სიმშვიდეს, წონასწორობას, მიუკერძოებლობას რომ ირეკლავდა?

არ არსებობს არავითარი ღვთაებრივი მიუკერძოებლობაო, გაიფიქრა და წიგნი დახურა. ამ საღამოს ვერაფერს წაიკითხავდა. შემოქმედს ეს საღამო სხვაგვარად ჩაეფიქრებინა – გულისგამაწყალებელი აღწერებისა თუ ბრძნული შეგონებების გარეშე. ბაცი ფერები, კაცებისა და ფრინველების არეული ხმები, ზღვის ნაცნობი სუნი, მუჭში მოგროვილი კენჭების სიგლუვე – ყველაფერი თავისკენ იხმობდა და საბოლოო დასკვნის გამოტანის აუცილებლობას ახსენებდა.

შეიძლებოდა თუ არა, ბოლო თვეების ყველა კითხვა პასუხგაცემულად ჩათვლილიყო? მაღლ ყველაფერი თავიდან დაიწყებოდა და კიდევ ერთი წელი ისე გავიდოდა, სარკეში ორ-სამჯერ მშვიდად ჩახედვასაც ვერ მოასწრებდა. საქმე საქმეს დაემატებოდა, საფიქრალი – საფიქრალს. ბადესავით გამლილი დრო კი შეთვალერებული მსხვერპლის მოლოდინში გაირინდებოდა.

მის თავს ზემოთ რაღაც აფარფატდა, ქალაქის ნაკუწით. ხელი აიქნა და უცებ ყველაფერი ცხადი გახდა: ბოლო სურათს ხედავდა, ფილმის ბოლო კადრს. წამიც და, ტიტრები გამოჩნდებოდა ღრუბლიან ცაზე, საბოლოოდ დამშვიდებულ ზღვაზე კი მსხვილი ასობით დაიწერებოდა: „დასასრული“. ამას მათი სახელებისა და გვარების გრძელი ჩამონათვალი მოჰყვებოდა, წლების მანძილზე რომ გარჯილიყვნენ, ებრძოლათ, ეშრომათ, წყალი ღვინოდ ექციათ, ახალი ღვინო ახალ ტიკებში ჩაესხათ, ყველაფერი – თითქმის ყველაფერი – სწორად გაეკეთებინათ და რა?

სურათი ყველაფერს ასრულებდა. ცხოვრებას. სირთულეებს. ხმებს.

დავიფიქრე, რომ არასდროს დამავიწყდებოდა. როცა დიდი ვიქნებოდი, ყველა წვრილმანი მემახსოვრებოდა, არც ისე მნიშვნელოვანიც და სულ უმნიშვნელოც. ხშირად ვიფიქრებდი, ხშირად გავისხენებდი, რომ მაშინდელი გაბრაზებისა თუ უბრალო უკმაყოფილების მიზეზები მეხსიერებას ცოცხლად შემოუნახა. მაშინებდნენ, მატყუებდნენ, მაიძულებდნენ, უბალიშოდ დამეძი-

ნა და რუსულის კერძო გაკვეთილებზე მევლო. ფორტეპიანოზეც. წამების იარაღად ყველაფერი გამოდგება, ყველაზე უწყინარი ნივთებიც კი. ხანდახან მეგონა, რომ მარტო მოსაფერებლად ვუნდოდი – როცა დროს გამონახავდნენ, მაშინ რომ ჩავესვი კალთაში. კატასავით. საკუთარი თავისთვის მიცემულ პირობას ვინახავ და ეს მეხმარება ხოლმე. მართლა ყველა წვრილმანი მახსოვს. იმ ჩვენს გადარეულ გოგოსაც რომ ვუყურებდი, ჩემი გადარევის წლები მახსენდებოდა – აფორიაქება, დაუფიქრებლად მიღებული გადაწყვეტილებები, საყვარელ ადამიანებზე ზემოქმედების სურვილი, რაღაც ისეთის თქმა, რაც სხვებს ჩემკენ მოახედებდა.

– ყურადღების მიქცევა უნდოდა და ამიტომ გააკეთა?

– ალბათ.

კიდევ კარგი, ზღვაში ჩამავალი მზე და გაწითლებული ჰორიზონტის ხაზი არ ჩანდა – სჯეროდა, რომ ასეთ დასასრულს არავინ იმსახურებდა. მერვე ა კლასის დამრიგებელიც კი, რომელმაც მოსწავლის დედას პირში მიახალა: „თქვენი შვილი ორსულადაა. აქამდე როგორ ვერ მიხვდით?“

ამის მერე აღარაფერი იქნებოდა. გაგრძელების შეუძლებლობა ცხადად მოჩანდა. დრო აქ და ახლა მთავრდებოდა. მეთევზეებს შინ დაბრუნება არ ეწერათ. არც ეს ღრუბლები გაიფანტებოდნენ და აღარც დიდრონი ტალღები აგორდებოდნენ ზღვაზე. თვითონაც უკანასკნელად ასცქეროდა ცას, რაღაც დიდს, ნათელსა და მშვენიერს რომ მალავდა.

იმ მდგომარეობისთვის მიეღწია, როცა სურვილები უწინდებურად აღარ გაწამებენ – იცი, რა უნდა გსურდეს და დიდი ძალისხმევით გარეშე ახერხებ ასრულებას. სინარჯის სიმარტივე თუ სიმარტივეთ გამოწვეული სინარჯული დამამშვიდებლად მოქმედებს. თვითგანვითარება. თვითკონტროლი. ცხოვრების ჯანსაღი წესი. ხელმისაწვდომი ჯილდო – ზღვისპირა ქალაქში მეგობართან ერთად გატარებული კვირა.

ალმა – წითლად თმაშეღებილი ქალის სახელი.

ისწავლა, როგორ უნდა დაეზოგა ფული; როგორ უნდა ებრუნა დედაზე ისე, რომ ზედმეტ ყურადღებას ქალი არ შეეწუხებინა; რომელ თაროებზე უნდა ეძებნა დიაბეტიანებისთვის განკუთვნილი პროდუქტები სუპერმარკეტებში და შინ მისულს როგორ უნდა დაეთანხმებინა დედა საყვარელი ტკბილეულობის ნაკლებად მავნებლით ჩანაცვლებაზე. ხანდახან გაჯიუტდებოდა და არ უჯერებდა ხოლმე, თუმცა ერთხელაც არ აჰყოლია ცდუნებას, რაიმე ფორმით დაესაჯა – საყვარელი თოქშოუს ყურების უფლება არ მიეცა ან შორეულ სამოციან წლებში შავი ზღვისა თუ ბალტიის ზღვის სანაპიროებზე მომხდარი დაუფერებელი ამბები ბოლომდე არ მოესმინა.

– გახსოვს, რა ფერი დაედო დედამის?



მეხუთეკლასელები
უფორიაქებულები
და შუშინებულები
დამღვდნენ, სულ
რალახებს მეპითსე-
ბოდნენ. ჩემი მეხუთე.
უხსნურად გულმოდმი-
ნები. ძალიან პატუ-
რებს მოუწიეთ რთულ
კითხვებზე პასუხების
ძებნა. ამ პეგავზე მარ-
ტო ერთმანეთს ელუ-
პარაკებოდნენ. სხვა
მასწავლებლებისთვის
კითხვების დასმა არც
უფიქრიათ. სიგარტლე
უნდა მეთქვა, ოღონდ
ისა, რომ დამნაშავეის
ძებნა და უსეთი რაგე-
ები არ დაეწყეთ. თუ
ჰინმეს დაუდნაგუ-
ულაბდნენ, იმნამსვე
განიროპდნენ კიდას,
დაუფიქრებლად.

– კარი რომ გაგვიღო, არა? ვერც კი მიხვდა, ჩვენ რალა გვინდოდა.

– ბოდიში იმავე დღეს უნდა მოგვეხადა. არ ვიცი, რას ველოდებო-
დით. მაშინაც შევაშინეთ – არ გვინდოდა, მაგრამ ასე გამოვიდა.
ამდენი დრო გავიდა და მაინც სულ იმაზე ვფიქრობ, ყველამ რომ
ორ წუთში იცოდა, რა და როგორ უნდა მომხდარიყო. ნებისმიერ
მთხმე დანაშაულს მიაწერდნენ, დამნაშავეის მოძებნის აუცილებ-
ლობა რომ გაჩენილიყო.

– ხომ გითხარი, თვითონაც შეუწყო ხელი-მეთქი. თავის შიშველ მუხლებს, შიშველ ზურგს სურათებს უღებდა და ნაცნობს თუ უცნობს აჩვენებდა. კიდევ რაღაც საშინელ ამბებს ჰყვებოდა – ვითომ მეგობრის მამა გაუპატიურებას უპირებდა და გაექცა.

– იქნებ ეს არ გამოუგონია?

– სულ რაღაცას იგონებს. სულ რაღაც არარსებულ საფრთხეებზე ლაპარაკობს.

მარჯვნივ გაიხედა. ვიღაცები შენიშნა – მათკენ მოაბიჯებდნენ. ჯერ ძალიან შორს იყვნენ საიმისოდ, რომ უსათვალოდ კარგად გაერჩია. სათვალის მოძებნა და მორგება კი ზაფხულის ამ მშვიდ, ზღვის სუნით გაჯერებულ, მარტივი მიგნებების იმედიტ საცხე სადამოს არ უნდოდა. ისევ ტიტრებისა და იმ ერთადერთი სიტყვის გამოჩენას ელოდა. ჩალისქუდიანი გმირის ლოგიკური, ბრწყინვალე აღსასრული. უმოძრაო ღრუბლები. თითქოს უხილავ ხელს ბოლო კადრი მანამდე გაეყინა, სანამ ეს – ქვემოდან მიშტერებული – რაღაც ძალიან მნიშვნელოვანს, ყველაზე არსებობის არ დაინახავდა.

– თვითმკვლელობა?

– როგორ უნდა მოკვდეს ზღვის ნაპირას წამომჯდარი ქალი, რომელიც ჰორიზონტისკენ ნაბიჯის გადასადგმელად ერთ მიზეზსაც კი ვერ პოულობს?

– ლ. უ. – მისი ინიციალები.

– იმასაც მეკითხებოდნენ, თქვენი შვილი რომ ყოფილიყო ორსულად, რას იზამდითო. მეხუთეკლასელები. ეგენი მისვამდნენ ყველაზე გულისგამხეთქავ კითხვებს. როგორ გცდილობდი, ყველაფერი კარგად ამეხსნა, მაგრამ არ გამომდილია. ერთ გოგოს ვიცნობდი, რომელმაც თავი სწორედ ამის გამო მოიკლა ოთხმოცდაათიანი წლების დასაწყისში. მაღალსართულიანი შენობიდან გადმოხტა. კარგი, ჭკვიანი გოგო იყო. ძალიან გამიჭირდა ამის გადატანა. ყველას გაგვიჭირდა. სკოლა დამთავრებული ჰქონდა. ცხრამეტი წლის იყო. წარმოგიდგენია? ალბათ მშობლების შეეშინდა, მითქმა-მოთქმის, ცხოვრების...

– ის ქალი მომეწონა. დედამისი.

– შენი შვილი – ცამეტი წლის ბავშვი – რომ ყოფილიყო ორსულად, რას იზამდი?

თავიდან სამივე ქალი ეგონა. როცა მოუახლოვდნენ, კიდევ ერთხელ გახედა. იმავე წაშს გამხიარულდა – როგორ შეესაბამებოდა ეს სამი ახალმოსული ყველაფერს, რაც სურათს თითქმის ხელშესახებ ჩარჩოში მოექცია! მათი ადგილი თითქოს იმთავითვე განსაზღვრული იყო. შორიახლო ჩამოსხდნენ, ზუსტად იქ, საიდანაც ხმის მოწვედნას შეძლებდნენ. ესეც თითქოს ვიღაცას გაეთვალისწინებინა, ყველა

წვრილმანი გულმოდგინედ გაეთვალა. უკვე ისეთი შთაბეჭდილება იქმნებოდა, რომ მათ გარეშე სრულყოფილი ვერაფრით იქნებოდა ეს საღამო – ზაფხულის ბოლო ზღაპარი, მოულოდნელი სიმარტივითა და მოსალოდნელი ილუსტრაციებით.

ანაფორიანი მღვდელი რაღაცას ახრამუნებდა. მუხლებზე ვარდისფერი ცელოფნის პარკი ედო – იმ რაღაცით სანახევროდ საცხე. მის თანმხლებ ქალს წვრილი ყვავილებით მოჩითული შავი კაბა აეწია და წყალში შესულიყო. ჩამოშლილი მუქი თმა თეძოებამდე სწვდებოდა. წამდაუწუმ უკან იხედებოდა და ამით უღიმოდა – მაღალ, ტანსრულ კაცსა და თორმეტი-ცამეტი წლის გოგოს, ერთიანად ჭორფლიანს, ჭრელ საცურაო კოსტიუმში გამოწყობილს, კენჭებისა და ერთი ბეწო თეთრი ნიჟარების შეგროვებით ვართულს. თითოეული ზუსტად იმას აკეთებდა, რაც არაერთხელ გაეკეთებინა – უბრალოდ, ჩვევის ძალით, დიდი ფიქრისა და გონებაში გამკრთალი ყოველი აზრის გაანალიზების გარეშე.

მოეწონა ისინი. გულის სიღრმეში ამართლებდა კიდევ მღვდელს, რომელსაც ალბათ სურდა, ხალხმრავალი სანაპიროსთვის, უცხო თვალის სიხარბისთვის გამოერიდებინა ცოლ-შვილი. და თვითონ რატომღა გამოერიდა სხვებს? მართლა შესართავთან დატრიალებული დრამატული ამბების სანახავად მოვიდა? იქნებ სულაც მისი – განმარტოების მოყვარული კაცის – იყო ეს სურათი: ცა, ზღვა, გაუმძლარი ფრინველები, ბედისწერასთან მეზობლი თევზები, ხმაურიანი მეთევზეები, მთელი გულისყური რომ ბადებდისკენ მიემართათ? იქნებ სხვისი ფილმის ბოლო კადრებს შეესწრო და იმით, რასაც აქამდე ფიქრობდა, ყველა სინამდვილეს ასცდა?

კარგა ხანია, იცოდა: სუსტ მხედველობას არ უნდა ნდობოდა, არც სახელდახელოდ შექმნილ წარმოდგენებსა და ნაჩქარევად გამოტანილ დასკვნებს, არც საკუთარ თავს, მაშინ, როცა ეს უკანასკნელი მონდომებით არწმუნებდა: ცხოვრების თავიდან დაწყება შესაძლებელიაო.

– წავიდეთ?

– სიმართლემ ყველას იმედი გაუცრუა. თითქოს გოგოს დანაშაული კიდევ უფრო დაამძიმა იმან, რომ ორსულად არ აღმოჩნდა. კიდევ უფრო აუტანელი გახდა ვიღაც-ვიღაცებისთვის. სხვათა შორის, მასწავლებლებისთვისაც. დედამისზეც რას აღარ ამბობენ – თითქოს მეორედ გათხოვება დიდი ცოდვა იყოს. იმას კი სხვა სკოლაში გადაყვანა არც უფიქრია – გაივლის დრო და დაავიწყდებათო. დაავიწყდებათ?

– უბრალოდ, ამდენს აღარ ილაპარაკებენ.

– თუ ისევ რაღაც არ მოხდა...

– რა უნდა მოხდეს... მეტ ყურადღებას მივაქცევთ. ამ გოგოსთვის თავიდანვე უფრო მეტი დრო უნდა დაგვეთმო. მერე რა, რომ

კარგად სწავლობს და უცხო ტერმინებით ლაპარაკობს. „ნიმფე-ტამინი“. ნეტა ეს რომ მობეზრდება, რას დაირქმევს?

– იქნებ, უბრალოდ, თავს ვიმშვიდებთ?

– მივეჩვიეთ თავის დამშვიდებას.

– ჩემი შვილი რომ ყოფილიყო... არა, რა აზრი აქვს წარმოდგენას... წავიდეთ.

გულაღმა იწვა და სულ მცირე უხერხულობასაც კი არ გრძობდა იმის გამო, რომ ასეთ შეუფერებელ ვითარებაში ესაუბრა უცნობებს უცნაურსახელიან ნისლეულებსა და მარადიული ბუნდოვანებისთვის განწირულ საკითხებზე. არა, სულის უკვდავებაზე არ ულაპარაკა. მღვდელმა ვარდისფერი ცელოფნის პარკი გამოუწოდა – ხელისგულისოდენა ორცხობილები შინ გამომცხვარს ჰგავდა. უარი არ უთქვამს – ამასობაში მოშივებოდა კიდევ.

ისეთს ვერაფერს მიაგნო, საბოლოო დასკვნის გამოსატანად რომ გამოადგებოდა.

ადგომა და წასვლა – საკუთარ ცხოვრებაში დაბრუნება – იმაზე რთული გამხდარიყო, ვიდრე წარმოედგინა. ერთხელ აღმამ – სწორედ ამან, მოწითალოდ თმაშელებილმა – ახლა უკვე წასასვლელად გამზადებულმა და მის ჩალის ქუდთან საყვედურნარევი მზერით მდგარმა – რომელიღაც ციხის ნანგრევებზე აიყვანა და იქ მცირე ხნით დატოვა. ის წუთები უსასრულოდ გაგრძელდა. ზემოდან გადმოჰყურებდა უზარმაზარ ველს და ფიქრობდა, რომ გაჩენის დღიდან ამ ადგილას იდგა. არავის იცნობდა, არაფერი ენახა ადრეული შემოდგომის ნათელი ცის, სასიამოვნოდ შემთბარი მიწის, გაშავებული საუკუნოვანი ლოდებისა და ბალახის ღეროზე აცოცხებული ჭიანჭველების გარდა. გრძობდა, როგორ სუნთქავდა. ცოცხალი იყო – არ იცოდა, რატომ, რისთვის, როდემდე, მაგრამ ეს გაურკვეველობა ოდნავაც არ ანალვლებდა. მთავარი ციხის ნანგრევებზე დგომა იყო, ველის დამკვირვებლად ყოფნა, ყველა სულიერისა თუ უსულოს ხმის მოსმენა.

ახლაც იგრძნო, რომ საფრთხე ხელშესახები გამხდარიყო. საფრთხედ იქიდან ჩანდა, მეორე მხრიდან. აქედან მხოლოდ იმას ხედავდა, რაც ყოველმხრივ ხიბლავდა და თითქოს არწმუნებდა კიდევ, სამყაროს მშვენიერება, თვალში საცემი კანონზომიერებები შემთხვევითობის შედეგი ვერ იქნებო. ეს აზრი გულს სიმშვიდით უფსებდა, ორიოდე წუთით მაინც. სულერთი იყო, ვინ მოაწერდა ხელს ამ სურათს, ვინ აღიარებდა, რომ სანაპიროს კენჭების თვლას გადააჰყავდა და მომლოდინე ადამიანების სახეები სულ გადაავიწყდა.

რამდენჯერმე სცადა წამოდგომა, მაგრამ თითქოს სხეული უწინდელ მორჩილებაზე უარს უცხადებდა. მის რომელიღაც ნაწილს სურათში სამუდამოდ დარჩენა უნდოდა.

თავი გააქნია.

ცხოვრებას თავიდან დაიწყებდა.

გაბნეულ ნივთებს ნაჩქარევად წამოკრეფდა და უკანასკნელად გახედავდა ზღვის ვერცხლისფერ ზედაპირს – ზაფხულის ბოლო საჩუქარს; უკაცრიელ სანაპიროს, სულ მალე ბინდბუნდის სიგრილეში რომ გაეხვეოდა; დახურულ წიგნს, რომლის მთავარი გმირიც უპასუხო სიყვარულს მოეკლა და ხელის გაწვდენაზე დაგდებულ სანიშნეს – ჭრელი ბალახის ღეროს.

– მაშინვე ვთქვი – მგონი, სულაც შენ ვითბარი – ბიჭის გამო გააკეთებდა-მეთქი. ისიც ვიცოდი, რომელი ბიჭის გამოც. ორ წელზე მეტია, მაგათ კლასს ვასწავლი. არა, ისეთი არაფერი შემიმჩნევია, აღნიშვნა რომ ღირდეს. მხოლოდ და მხოლოდ ვვარაუდობდი.

– ყველაზე საშინელი მაინც დამრიგებლის სიტყვები იყო.

– ჰო.

– იცი, სტუდენტობისას ერთი ბიჭის ყურადღების მისაქცევად რა გავაკეთე? ხელი მაჯიდან იდაყვამდე ბინტით შევიხვიე, რომ მოსულიყო და ეკითხა, რა მოგივიდაო? რაღაც სისულელეც მქონდა მოფიქრებული, ჩემი წარმოდგენით, დამაჯერებელი და ამაღლვებელი.

– მერე?

– არაფერი უკითხავს. საერთოდ არ გამოუხედავს ჩემკენ.

– ამას მეტისმეტი მოუვიდა. თავის თავზე ასეთი ხმები როგორ გაავრცელა! თანაც იცოდა, რომ კლასელები ისედაც აღმაცერად უყურებდნენ.

– გახსოვს, რას ვაკეთებდით მის ასაკში?

– როცა სახლიდან ყველა წავიდოდა, თვლებზე შავ ფანქარს ვისვამდი ხოლმე და ეგ იყო.

– კარგად გაიხსენე.

ჩუმად მიდიოდნენ. საღამოს სიგრილეც სიამოვნებდათ და ზღვისპირა ქალაქის პატარა სახლების დანახვაც. იმაზე მეტი ახსოვდათ, ვიდრე სურდათ, ვიდრე სწორი პასუხების პოვნისთვის იყო აუცილებელი. ერთს უზარმაზარი საზაფხულო ჩანთა ეკიდა მხარზე, ძირითადად გამოუსადეგარი ნივთებით სავსე, მეორე კი უბრალო, წვრილზონრიან ჩალის ქუდს მარცხენა ხელით მიაქანავებდა.





ლუკა ბუკინიძე

სად ხარ, ლუკა...

გეგონება, მე მექნას. მე ვმჯდარიყავი იმ თვითმფრინავში და მეყაროს ბომბები. ისე, ამით კი დავაყრიდი, რომ რამე. ამ ახვრებს. არადა, ხო მეც ვჭამე. თან ახლა ტელეანძის ძირში ვცხოვრობ და სტრატეგიული ობიექტი ვიყავი, მოკლედ. მეც ვჭამე და რო ვჭამე, მაგიტომ ავითესე თბილისის ზღვაზე. წყნარად და კოხტად გავშალე ანკესი და რომ წამომადგა შავად... ადრე მენახა, აეროპორტში, ან სულ ზევით, ცაში. ან ისერა ზევით – ახალაფრენილი თუ დასაფრენი, მაგრამ ასე ახლოს, ზედ თავზე, თან ნელა, როგორც „ვარსკლავთა ომებში“, თითქოს ჩამოვარდებო საცაო, და მე დაბლა ხო ვჭამე და თან ზევიდან პილოტის თვალით რო ჩამოგყურებდი მიწას და წყალს და წყლისპირას – ერთ კინკილა მეთევზეს: ან იმას ახლა რო დიდი ვეგონო და ეს ანკესი – რამე იარაღი და ხაკისფერებიც რო მაცვია, სამხედროსავით, და უცებ რომ რაღაც გაჰყარა ნაპერწკლებივით და თავზე ხელეები დავიფარე, მაგრამ ხმა არაფერი და გამოვიხედე და ყრიდა ეგრე ხანდახან ნაპერწკლებს, – თურმე ბომბებს თუ რაკეტებს იქით ირიდებდა, მერე ნეტში ვნახე, რაცაა ეგ ნაპერწკლები, – გადამიარა და მეთქი მორჩა, გადავრჩი, წავიდა ქალაქისკენ და რომ ფეთქა... აქაც ყოფილა, გორაკზე, რაღაცა სტრატეგიული, მე იმათი. და ამათი. ან სად რუსეთში წავეთრიო. საიში არ ვარ რუსულის.

ესენი კიდე მიყურებენ ეგრე მგელივით. მასწავლებელიც, ზარიძეა თუ შმარიძე. ვინც წარმადგინა. თან სახელი რო არ თქვა, მარტო გვარი. არც – აი, ახალი მოსწავლე, სანდრო, და გაიცანით ბავშვებო ან რამე ეგეთი, – არა, – დამაყენა ეგრე ნაძვის ხესავით და საზეიმოდ ამბობს: – პეტროვსკი! ამით გაეცინათ და წინიდან ერთმა, – მეტსახელი გავიგეთო, მას, და ისე რა ქვიაო და ამან, ზარიძემ, – ხოდა, პეტროვსკიო გვარად და გაისუსა ეგრევე მთელი კლასი. ბოლოს ერთმა, ისეც იმან, – რუსი ხარო, ბიჭო, და რა უნდა ვთქვა, ვდგავარ და ვილიძე. მინდა ვუთხრა, რომ

სანდრო ვარ, სანდრიკა, რუსი არა კვახი, აზრზე არ ვარ რუსულის, და აგერ ზურგჩანთაში მიყრია ოხრად მზესუმზირა, და მოდი ვჭამოთ, და ქერქები ვისაც გინდა, იმას ვაფურთხოთ, მაგრამ ისე მიყურებენ, ხმას ველარ ვიღებ. მერე ზარიძემ ვიღაც წამოაგდო ბოლო მერხიდან და ამოვისუნთქე, მოვჯექი ჩემთვის. ამით კიდეც კისრები ძვრებათ, ხან ერთი მოიხედავს, ხან – მეორე. ზარიძე სიას ათვალეერებს და უცებ, – სადააო ლაზარე, – ძან შეშფოთებულნი სახით კითხულობს და მთელი კლასი აყვა ეგრევე, – ვახ, სადააო ნეტა ლაზარე, მე იქ ვნახე ბოლოსო, მე – იქო, და სწუხს ყველა, არა მე გავალ მოვძებნი, არა მეო, ერთმანეთს ასწრებენ. ამ დროს შემოილო კარი და – აგე, მოვიდაო ლაზარე, – მიესია ყველა, სად იყავი, რო არ ჩანდიო. მე ყურადღებას აღარ მატყვევენ და დავისვენე ცოტა, ისე დაძაბული აღარ ვარ. ახლა მარტო ის მაინტერესებს, ეგ ლაზარე ვინ ჩემისაა. ჯერ ბავშვები ეხვევიან გარემო, ზარიძეც ტუქსავს, – აღარ დააგვიანოო, ოღონდ რაღაც ძალიან ფრთხილად, დათაფლული ხმით. ცოტა ხანში ზარიძის უკან ვარჩევი ვიღაც დიდთავა ბიჭს, რატომღაც მუხლებზე როა დაჩოქილი და ალბათ ეგაა ლაზარე. ამასობაში კლასიც დალაგდა ნელ-ნელა, ზარიძეც მოჯდა დაფასთან და ლაზარეც წამოვიდა მერხებისკენ, მე კიდეც რაღაც ხუმრობა მგონია: ალბათ, ახალი რომ ვარ, გამიჩალიჩეს, – ვფიქრობ, იმიტომ რომ ეგ ლაზარე ისევე ეგრე, დაჩოქილი მოდის თითქოს და ამ დროს ვხედავ, ზედ მუხლებთან ბოტასები აცვია... ფილმებში მინახავს ადრე ასეთები, არც ვიცი, რა ქვიათ, – ლილი-პუტი თუ ჯუჯა, ჩვეულებრივი ტანით, ცოტა დიდი თავით და ეგეთი ფეხებით, თითქოს ეგრევე წვივები მიადგეს ზედო, ბარძაყების გარემო. წინა მერხზე მიუჯდა ვიღაც გოგოს, და ასე ჩვეულებრივ ბიჭს გავდა, მეცხრეკლასელს, მაგრამ დაბლა, სადაც ფეხები უნდა ყოფილიყო, ცარიელი ადგილი რჩებოდა: სკამზე, ზედ ტრაკთან მოუჩანდა აქედან თეთრი ბოტასები. მოკლედ, საღლო იმ გოგოს ნერვებს, ვის გვერდითაც იჯდა. და მჯდარა ლაილას გვერდით, პლანეტაზე ყველაზე მაგარი გოგოს გვერდით.



რეკავს ზარი, მაგრამ რატომღაც გარეთ არავინ გადის, თითქოს ელიანო რაღაცას. არც ზარიძე გადის, ფურცლავს თავისთვის უურნალს. ავდექი და ვხედავ, ის ტიპიც წამოდგა, რუსი ხარო, რო მკითხა, და მოდის ჩემკენ კევის ლლაჭუნით. გზადაგზა კიდევ ორნი შემოუერთდნენ და მომადგნენ სამივე. გამოდი აბა აქეთო, – იმან, ლლაჭუნამ და მივდექით კუთხეში, ფანჯარასთან. აქ უკვე შემეშინდა და მოვალე პირი: – რუსი არ ვარ, ფოთიდან გადმოვედი-მეთქი ერთი თვეა, ფოთელი ვარ და სანდრიკა მქვია, პროსტა გვარი მაქვს ეგეთი, მამაჩემი იყო რუსი და შენ რა გგონია, მაგათმა მეც კი დამბომბეს თბილისის ზღვაზე, – თავი მოვიწონე, თან ცალი თვალით ზარიძეს ვუყურებ, გამოიხედოს ერთი და ალაგმოს შარი. ზარიძეც ეგრე, ცალი თვალით ვვიყურებს ხანდახან და ისევ თავის უურნალეებს უკირკიტებს, ხმას არ იღებს. დანარჩენი კლასი ყაყანებს ლაითად, მაგრამ ვგრძნობ, ყველას ჩვენკენ აქვს ყური, არავინ გადის გარეთ. უცებ ლლაჭუნა ამბობს: – რუსების დედა მოვტყან მეო, და სამივე ცოტა უკან იხევს, ჩემს რეაქციას აკვირდებიან და მე რა, მე რომელი პუშკინი მნახეს, ახლა ამათ რომ გავუხურო. ასი წელი ეგრე იყოს მეთქი, – ვეუბნები, და მაშინ აკრიფა მთელმა კლასმა, რუსებს აგინებს ყველა ცოფიანივით, გოგოიან-ბიჭიანად. გავიხედე იმ თესლი ქალისკენ, ზარიძისკენ და სადღაა ზარიძე, გასულა კლასიდან. მეთქი დამერხა ახლა. ამასობაში მოვიდა ახლოს ლლაჭუნა, სახე ლამის სახეზე მომადო და: – რომ გაგინებენ, ხელს რატო არ წევ ბიჭო, სირი ხარო? და მაგრად არ მინდოდა და მეშინოდა, მაგრამ არის ამბავი, როცა, თუ თავიდანვე არ წყვიტე, მერე შეგადგებიან ზედ მთელი ცხოვრება, ჩემთანაც, ჩემკენაც მინახავს ასეთები, გაფუჭებულები და რა მექნა, დავხუჭე თვალები და ვწყვიტე ყბაში სამიდან ერთ-ერთს, ყველაზე ჩუმს და გაუბედავს, მეც მწყვიტეს და რომ წაიქეცი, მაგ დროს დაივიწყა ვიღაც გოგომ, რალაცნაირად კაპრიზულად, ყველაფერი რომ ისე იქნება, როგორც უნდა, ეგეთი ხმით: – დაანებეთ ესლავე თავი! და რომ შემომეცალნენ, მერე დავინახე: გოგო კი არა, ლაზარე იყო, ლილიპუტი თუ ჯუჯა, რავიცი. ამის კვილზე ზარიძეც შემოვარდა და გარეთ, კარებთან იდგა და ყურს გვიგებდა, დავიფიცებ რაზეც გინდა. ეგ ახვარი. ეს ახვრები.



– ჯუჯა რა პონტში ხარ? – ვეკითხები ხოლმე ლაზარეს. ლაზარე შემომხედავს დიდი კაცის თვალებით, ჭკვიანი თვალებით და აქეთ მეკითხება: – შენ რა პონტში ხარო პეტროვსკი? იმას არ სწყინს, მე კიდევ ვჭინჭყლობ და მეთათსევე ვუსხნი, რომ არ ვარ რუსი, და საერთოდ, თვითმფრინავებამდე და ამ დამპალ ქალაქამდე წარმოდგენაც არ მქონდა, თუ ასე სახიფათო იყო რუსობა, არც ჩემთან, ფოთში მერჩოდა ვინმე და ვიყავი ჩვეულებრივად. აქ კი ყოველ დღით სარკვეში ვიხედებოდი, მეთქი რით ვგავარ აბა რუსს. მერე მაგათი ფილმებიც ვნახე და მართლა ვმგვანებოვარ რაღაცით, და რატო არ დავემსგავსე დედას, ბლიად, – ხოჭოსავით შავია დედა. შე აფერისტო რუსაკო,

– მეტყვის ხოლმე ხანდახან ლაზარე. პირველად ეგ რომ მითხრა, დავცხე, მაგრამ ეგრევე ფეხებში შემვივარდა და წამაქცია, მე კიდევ, შეხება კი არა, ვერც ვუახლოვდებოდი თავიდან, ისე მეზიზღებოდა, ჯერ ეგეთი ფეხების და უსახსრო ხელის თითების გამო მეზიზღებოდა და მერე, სკოლაში რომ გამომესარჩლა პირველ დღეს, მაგის გამო ვერ ვიტანდი; რა მჭირდა გამოსასარჩლებელი და თან ვისი – ჯუჯის, თუ ლილიპუტის. მაგრად მიტყდებოდა მოკლედ. მაგრამ, თვალები აქვს ლაზარეს ისეთი, – რაც მე არ ვიცი, რაზეც წარმოდგენაც კი არ მაქვს, თითქოს ეს ყველაფერი იცისო ლაზარემ, და მოგიყვებო ყველაფერს, ოლონდ, როცა შენ გინდა და დანიტერესდები, მარტო მაშინ მოგიყვება, თვითონ არასოდეს დაიწყებს ტვინის ბურღვას, – აი ეგეთი, კეთილი ბაბუას თვალები აქვს ლაზარეს, ბურხისპირას თავს გადახდენილ ფათერაკებს რომ უყვება პირდაღებულ შვილიშვილებს. არადა, თავიდან მრცხვენოდა ამასთან ძმაცკობა, სულ თვალებს ვაცეცებდი აქეთ-იქით, ვინმეს ერთად რომ არ დავენახეთ... სკოლა ორივეს გვძულდა: ლაზარეს იმიტომ, სუნთქვას რომ არ აცლიდნენ, – სადაც



გამოჩნდებოდა: ლაზარე მოვიდა, ლაზარე რამე ხო არ გინდა, ლაზარე რამე ხო არ გტკივა, – ავადმყოფი მგონია ხოლმე თავიო, მე ამათი. მე კიდევ, პირიქით: როცა უამისოდ ვარ, ან თავდაცვით პოზიციამ ვარ ან – საერთოდ არ იმჩნევენ ჩემს იქ ყოფნას. კლასში ლაზარე წინა მერხზე ზის და სიის გარეშეც, პირველად ამის ყოფნა-არყოფნას და გუნება-განწყობილებას ამოწმებენ მასწავლებლებიც და ბავშვებიც. მე ბოლო მერხზე ვზივარ და ჩემს გვარს ისე უცებ ჩაიბურტყუნებენ,

ვერც ვამჩნევ. ის ნაზობარი ზარიძე, დამრიგებელი კიდევ საერთოდ გამოძტოვებს ხოლმე სიის ჩამოკითხვისას, თითქოს კლასში არ ვიყო... და მთელ სკოლაში, სადაც გავივლი, სულ მესმის ზურგსუკან ლოზუნგები: – რუსებს რაა? დედის ტყვინა! ან – აგე, პუტინი მოდის! აღარც ვუხსნი არავის არაფერს. ვარ და ვიყო, თქვენი დედაც. დაგბომბეთ და კიდევ დაგბომბავთ, ბოზებო.



– სულ ტყუილად გიყვარსო ლაილა, – ლაზარე მეუბნება, – ერთი კრეტინი გოგოაო. მეთქი – ნწ, ყველაზე მაგარი გოგოა ლაილა. – მე შენზე დიდხანს ვიცნობ და დამიჯერეო. ქალის თემზე ლაზარესთან ვერიდები ლაპარაკს, ისედაც ყველა გოგოს ლანძღავს. ერთხელ სახლში დავპატიჟე, ნეტში მუსიკას ვეძებდით და უცებ ამოგდო რაღაც პორნოსაიტი, ვილაც ნაშის სველი ძუძუებით. მეთქი – იფ, რა ქალი, თან მოვიხედე და ვხედავ, ლაზარე კანკალებს მთლიანად, სკამს ჩაბლაუჭებული და შუბლზე ოფლი ჩამოსდის წვეთებად. ჰეი, გაგეთავა,


ბიჭო? – გავებუმრე და ჩაიყვცა კიდევ სკამიდან, ხალიჩაზე დავარდა. გული წაუვიდა ტიპს. არადა, თვითონაც ხომ აქვს ნეტი, და ნეტი თუ აქვს და პორნოს არ უყურებს, რად უნდა საერთოდ ნეტი, რავიცი. მეც ვადგები ხოლმე სახლში. სანამ გავიცნობდი, მართლა მინატრებდა, რა პონტში იყო ჯუჯა: რამე ჭირდა თუ უბრალოდ ისეთი იყო, როგორიც იყო. და-ძმა, დედ-მამაც ჯუჯები ყავს, ნეტავ? ჯუჯების ოჯახია თუ მარტო ეს გამოვიდა ჯუჯა. ერთხელ მოვიდა სკოლაში დედამისი. ჩვეულებრივი ქალი გამოდგა, დაჟე მაღალი, და რაც მოვიდა, სულ ისეთი სახე ჰქონდა, როგორიც ლაზარეს უხდებოდა ხანდახან, – რემბო რომ პირველ სერიაში ჭრილობას იკერავს ნემსით, ლამის ეგეთი, გამწარებული თუ ნატანჯი. სახლში რომ დავადექი, მამამისიც ჩვეულებრივი ტიპი გამოდგა, რალაცის პროფესორი, და ლაზარეს უცხოეთში წასული და რომ ვნახე ფოტოებზე, იმას კიდევ ნებისმიერი ჩოხოსანი მოიყვანდა ცოლად, სულ რომ უკანასკნელი ბოზი ყოფილიყო: თითქმის ლაილასავით მაგარი გოგო მოკლედ. შენ რა პონტში გამომხედი-მეთქი ჯუჯა? – ვეკითხები ხოლმე ლაზარეს. ლაზარე იცინის, – შე აფერისტო რუსაკოვო და მეცინება მეც.



რუსები კი ატრაკებენ. ძაან ატრაკებენ. ხან რა ინფო ვარდება ნეტში, ხან რა, და მე ვებეწები დედაჩემს: გადავიდეთ სადმე და შენ გვარზე გადმოვალ-მეთქი. ახლახანს გადმოვედითო, აცადე და გაჩერდები-ანო, – დედა ამბობს. არადა, სულ უფრო და უფრო მეტ შარს ვაწყებდი სკოლაში. კიდევ ვილაცა ყოფილა, გოგო, მეთერთმეტეკლასელი შელესტოვა, და – ხან ჩანთას უგდებდნენ ფანჯრიდან გოგოები, ხან მობილს უმაღავდნენო, – ლაზარემ. წასულა რუსეთში, მე კი სად ჯანდაბაში უნდა წავიდე და ვაცდენ და ვაცდენ ოხრად გაკვეთილებს. ლაზარეც თან დამყვება. ერთხელ სამასწავლებლოსთან ჩავიარე და ზარიძე ამბობდა: – სუფთა გოგოლის მკვდარი სულები არიანო ეგ ორნი, და აღარ ვუთხარი მერე ლაზარეს. წავიკითხო ერთი გოგოლი, ეგ ჩემისა, და მერე ვეტყვი, თორემ ამას, ლაზარეს, წავიკითხული ექნება უეჭველი. წიგნებით აქვთ გამოტენილი მთელი სახლი და კითხულობს ყველა დედაწულიანად.



– რა მაგარი სახელი გქვია, ლაილა! – ვულიმი და უცებ კევი მივარდება პირიდან. არადა, ნათქვამი აქვს ლაზარეს, ლეილა რომ ქვია სინამდვილეში. თურმე, სახელი ეგოიშება და მაგიტომ დაირქვა ლაილა. ლაილა-ლაილა. ერთი მერე ჩუმი ფოტო უნდა გადავუღო და დავანძრიო. ვაიმე, მაღლობაა! – მიწელავს ლაილა და კვდება სიცილით. არა უშავს, კიდევ მაქვს კევი, – ვბურტყუნებ დებილივით და ის საერთოდ ბჟირდება. კეთილად ამინანებს უყვართ, ზოგადად, სიცილი, – ვამართლებ მერე ლაზარესთან. გამომივიდნენ ტომი და ბეკი! – ქირქილებს ლაზარე, – კეთილი კიდევ მარტო მაშინ გახდება, თუ ბოლო მოდელის მობილურს აჩუქებ. ხოო? – დავფიქრდი. – ხო. გვბასავება მერე. ეგრე შვრება ხოლმე. მოკლედ, უეჭველი შურს



ლაზარეს, მე რო ჯუჯა არ ვარ და ქალის დაკერვა ვიცი და მაგიტომ ენამწარობს, არაუშავს. ისე, მერე ამას ჯუჯების პორნო უნდა ვანახო, იქნებ ეგ მაინც გაუსწორდეს. იმ დღეს ნეტში მოვძებნე და ვარწყიე კინალამ.



– ეი, პუტინ, წამოხვალ სტადიონზე? – ლლაჭუნა მეუბნება. ზედ სკოლასთან შემვდნენ ეგ და მაგის ბრიგადა, ჩემი კლასელები. ეჰი, სად ხარ ლაზარე. აღსდექი მკვდრეთით, თორემ დამერხა. მივიხედ-მოვიხედე. აღარ გყავს შენი ჯუჯა? – მიმიხვდა ლლაჭუნა. – იქნებ სხვა ფიქვია იშოვა და შენთვის აღარ ცალია, ჰა? ლაზარეს ზურგ-სუკან როგორ კაიფობენ ახვრები. არადა, ისე სულ ზედ ევლებიან. არ მიყვარს ფეხბურთი, – ვუთხარი და გზა გავაგრძელე. ხო ვამბობ, ეგენი გეები არიან-მეთქი, ეს მართლა მკვდარი სულები! – ზიზლით გააფურთხა ლლაჭუნამ და შეტრიალდა. ზარიძე მარტო სამას-წავლებლოში არ ოხუნჯობს, მამასადამე. ეგ თესლი. ეს თესლები. წავედით, მოვდივარ! – ვთქვი. დღეს ჟოპასტენკას ვთამაშობთ, – ხელებს იფშენეტს ლლაჭუნა. ჯერ ფეხბურთი რაა და მერე ეს დე-ბილი თამაში; აეკარი კედელს და გირახუნებენ სიფათში ბურთებს. მაგრამ, არა უშავს, ამთვან რომელიმეს ხო მივასხმევი კედელზე თავს ბურთით. ერთს ხო მაინც გავარტყავ, შანსი არაა... მე რომ აღმოვჩნდი მარტო კედელთან, მერეღა მივხვდი, რო მიჩალიჩებდნენ. ჰეი, ლაზარე, აღსდექი რა მკვდრეთით, შეჩემა. ის ტიპი, ჩუმი, მე რო ვწყვიტე პირველივე დღეს, თურმე სერიოზული ფეხბურთელია. ერთი ბურთი ამაცილა და მეორე ჯერზე ზურგში გამარტყა, გვერდით, ნეკნებში. სუნთქვა შემეკრა. თქვენი დედა მოგტყან! – მოვასწარი და წამცხო ეგრევე სამივემ. თუ ოთხივემ.



– ჯერ, რუსი რომ ხარ, მაგიტომ. მერე – სხვაქალაქელი რომ ხარ. არც ამუბნელი და არც სხვაუბნელი. მამასადამე, არ ექვემდებარები ერთგვარ შიფრს თუ პაროლს, საკვანძო კითხვა-კოდს: „რა უბნელი ხარ?“ არადა, ამ კითხვის ქვეშა მთელი ქვეყანა, მთელი პოლიტიკა, მთელი მწერლობა, ხელოვნება, რელიგია და საერთოდ, ყველაფერი ამ კითხვაშია მოქცეული: ზოგად-ეროვნული, ტოტალური ლოკალის აღმნიშვნელი ფრაზა. მთელი ქართული ყოფის ფონი თუ რეფერენი. ქრონიკული წყევლა. საქართველოს უახლესი ისტორია, სამ სიტყვაში მოქცეული... თან კიდევ, ეს რუსული გვარი. ასეთ დროს. ვინ გაპატიებს, ვინ შეგარჩენს... – ბურტყუნებს თავისთვის ლაზარეს მამა, თან ფინგალებზე ცივი წყლის საფენებს მიცვლის. ამანაც რომ გაახურა, ბლიად. არაა რუსი, გვარი აქვს მარტო ეგეთი, – უხსნის მეორე ოთახიდან ლაზარე. სიცხე აქვს და წევს, გარეთ ვერ გამოდის. მერე, გვარია ყველაფერი, – აგრძელებს ლაზარეს მამა. – ფუნდამენტი. ქვეცნობიერში დაგროვილი გენური ბალასტი. საკუთარი გვარის რატომ უნდა გემინოდეს, საკუთარი თავი რატომ უნდა უარყო და დამალო მხოლოდ იმიტომ, რომ არსებობენ ერთი

მუჭა ნაძირალა ადამიანები, რომლებიც ანგრევენ და ანადგურებენ, აფეთქებენ და წვავენ, – როცა არაფერი გაქვს მათთან საერთო, როცა ჯერ მხოლოდ მოზარდი ხარ, და მხოლოდ სიცოცხლე გიყვარს და გინდა. ადამიანებთან, თანატოლებთან მეგობრობა გიყვარს და გინდა, რუსი იქნება, ზანგი თუ ებრაელი... და ამ დროს მთელი ქვეყანა, მთელი ერი, ბერი თუ საგანმანათლებლო სისტემა გაყალიბებს და გზრდის პოტენციურ ქსენოფობად, პოტენციურ ჰომოფობად... – ლაზარეს ოთახს გახედა და ჩუმად დაამატა: – ძალით თავსმოხვეული სათნოება და კეთილმოსურნეობა, უკიდურესად ხაზგასმული ყურადღება და ზრუნვა, თითქოს სასიკვდილოდ გადადებული ავადმყოფი იყო, – ეს სიკეთეც ხომ გულისამრევია, ხომ იმის მინიშნებაა, რომ გჭირს რაღაც, რომ სხვა ხარ, რომ მათ არ გავხარ, – ჰომოფობიის ყველაზე საშინელი, ფარული ფორმა... მომბეზრდა და გავაწყვეტინე: – ასე რომ გარეთ გავიდე, სახეზე ძან მეტყობა რამე? არა უშავს, ვითომ რინგზე იყავი, – მიღიმის და თავზე ხელს მისვამს. ამ ბებრებმა რო იდიოტური ხუმრობა იციან, ნუ იტყვი.



– ლაილა, იცი, მე კლასტროფობია მჭირს, ოღონდ არავის უთხრა, – ვეუბნები. გოგო როცა გიყვარს, გულწრფელი უნდა იყო და იმაზე ელაპარაკო, რაც ყველაზე ძალიან გაწუხებსო, – ნეტში წავიციოთხე ვილაც ნიუ-იორკელი ჟიგოლოს დღიურები და ახლა ლაილაზე ვტესტავ. ეგ ისაა ხო, ჩაკეტილ ოთახში რო ვერ ძლებენ, – ჩაფიქრდა ლაილა. მე გამიხარდა: – კი, ლაილა, ეგაა! ვერც ლიფტში და ეგეთ ადგილებში; ბავშვობაში ლიფტში გავიჭედე ვილაც ეპილეფტიკ ძიაკაცთან ერთად და მაგის მერე მჭირს, – დავამატე რიხიანად. ლაილამ თანაგრძნობით შემომხედა: – ვაიმე, რა ცოდო ხარ, სანდრიკ! ვახ, გვართ არ მომმართა სხვებივით. სახელი დამიძანა. აი, მესმის ინტიმი! ამიდგა. მგონი, შევუყვარდი ლაილას! – მივახარე ლაზარეს. – რა აჩუქე რო ამისთანა? – ჩაეცინა. არაფერიც არ ვაჩუქე, ისე შევუყვარდი, – მეწყინა. ეს შურიანი განდონი ჯუჯა. თესლი გოგოა ეგ შენი ლაილა, და კრეტინი! – რაღაც ძან ბოროტად თქვა ლაზარემ. ეჰაა. ერთ მერხზე ხო ზიან. თან, კაი ხანია კლასელები არიან. ამასაც ხომ არ უყვარს, ნეტავ... უცებ წარმოვიდგინე, როგორ ანძრევს ლაილას ფოტოზე ეს მახინჯი, და ტანში გამაჟრიალა. შენი ჯუჯა დედა მოგტყან! – დავულრი-ალე ბოლო ხმაზე, ყბაში ვწყვიტე და თავდასაცავად მოვემზადე, რო მაშინდელივით ფეხებში არ შემეპარდნოდა და არ წავექციე, მაგრამ არც განძრეულა და არც ხმა გაუღია. შემომხედა, რემბო რო პირველ სერიაში ჭრილობას იკერავს, ეგეთი, საგვარეულო თვალებით, გატრიალდა და წავიდა.



იმიტომ ასწორებდა ფოთი. ზღვა. რამე გეწყინება, რაღაც ისე ვერაა და მოისროლე ანკესი და მორჩა, – ერთი ლიფსიტა ბარა-ბულის ჩარტყმაც აზრზე მოგიყვანს წაშში, სტაგრიდა-კეფალებზე

რომ არაფერი ვთქვათ. ეგ ერთი კაი რამე კი მასწავლა მამაჩემმა, სანამ გაქრებოდა სადღაც. ვზივარ თბილისის ზღვაზე და ვთევ-ზაობ. ოლონდ, რუსებმა რო დამბომბეს, მაგ მხარეს კი არა – აქეთ, პლაჟზე. შემოდგომაზე ჩემსკენ გახურებული სათევზაო სეზონია ახლა, აქ კიდევ ჩემი ფეხები. თან კაციშვილი არაა. ქარია. ზურგსუკან, გორაკზე შეფენილ ფიჭვნარში უნთიათ მარტო ცეცხლი ვილაცეებს. კვამლის სუნი და მძიმე როკის ხმა მოაქვს ჩემთან ქარს; მაგნიტოფონით ან ცენტრით არიან, ალბათ. ალბათ, ეგენიც ყვირიან: რუსებს რაა? დედის ტყვნა! ხო მთელი სკოლა მაგას ყვირის, მთელი ქვეყანა. მთელი პლანეტა. მთელი გალაქტიკა. ყველა კედელზე ეგ წერია. ყველა პლაკატზე. მე კიდევ რუსი გამოვდექი. ჩემიანებმა დაბომბეს აქაურობა და მე მაგინებს სუყველა, იმიტომ, რომ მტერი ვარ... მაგრამ, ხო მეც, მეც ვჭამე მაშინ თბილისის ზღვაზე, აქ – ხო მეც დამიშვეს იმ ნაბობრებმა! ვერაფერი გავიგე, მოკლედ. კიდევ კარგი, ლაილას მოვწონვარ, ლაილა-ლაილას.

და ისევ ვარწყევ. ამ დროს წინ, შარაზე, აყენებს ჯიბი, იქიდან ლიპიანი მასტი გადმოდის, ხელში ყუთით, შიგ ცეცხლში შემოდის და ყვირის ბაზრის გამყიდველივით: – აბა დავაი, დავაი, დროზე, ნახეთ თუ ვარგა! თან აქეთ-იქით იყურება, ყუთს აჯანჯლარებს და ყუთი კნავის რატომღაც. ვილაცამ ჩახედა და დანარჩენები ეკითხებიან: – შავია? შავია. – ეს პასუხობს. კნუტია? – არა, არაა კნუტი. სხვა არ ქონდათ, – პიჯაკიანი უხსნის და ისევ თვალებს აცეცებს. – ეგეც წავა, ფული მიეცით, – ლაილასავით მაგარი გოგოს ხმა ლივლივებს კვამლში და ჯიბი მიდის. მე ყუთში ვიხედები და იქიდან მიყურებს დიდი, ყვითელი, შეშინებული თვალები. ფიშო ფიშო, კარგო ფიშო, ნუ გეშინია, – შიგნით თითს ვყოფ და ვცდილობ მოვეფერო. მიყვარს კატები. – ამოვიყვანო? ყუთში ცოლოა, – და გარშემო ისე ბუჩქნარებიან, სულს ძლივს იბრუნებენ. ჯერ მანდ იყოს, შეგვეჩვიოს, თორე გაგვექცევა, – ლაილასავით მაგარი გოგოც თითს ყოფს შიგნით, დანარჩენებიც ბაძავენ: –

ჩაკვს ზარი, მაგრამ რატომღაც გარეთ არავინ გადის, თითქოს ელიანო რედაქს. არც ზარიცა გადის, ფურცლავს თაქვისთვის ჟურნალს. კვდაქი და ხედავ, ის ტიპის წამოდგა, რუსი ხარო, რო მკითხა, და მოდის ჩემკენ კვიის ღლაჭუნით. გზადგუა კიდეც ორნი შემოუერთდნენ და მოგაღებენ სემივე...

გაქვს სიგარეტი? – ვილაც ტიპი მეკითხება, გრძელთმიანი. თავი გავიქნიე, – ნწ, არა, არ ვეწევი. სპორტსმენი ხარ, ბიჭო? – გაეცინა, მაგრამ ეს „ბიჭო“ ისე არა, როგორც სკოლაში, ნემსივით. თან, ეს უფროსია. შარის სუნი არ მცემს, მაგრამ მაინც ვაჯახე ჩემი სტატუსი: – სპორტსმენი არ ვარ, რუსი ვარ, რუსაკი! ტიპმა ყურადღებით შემათვალაირა და მეუბნება: – ამოხვალ ცეცხლთან? ქარია. გაიყინები შორტებში. ცეცხლთან სხვა გრძელთმიანი და შავებში ჩაცმული მასტები ზიან, ჩემზე უფროსები, და ერთი გოგო, თითქმის ლაილა – ისეთი მაგარი გოგო, ოლონდ დიდი, – ქალი, პრინციპში, – მაწვდის ბოთლს და მეუბნება ხავერდოვანი, ჩამბალი ხმით: – მოსვი! და ვსვამ. ვსვამ. მერე ვარწყევ და მერე კიდევ ვსვამ. ცეცხლის ტკაცუნში, კვამლში, მივჩერებივარ ლაილასავით მაგარი ქალის სახეს. მერე სახე ქრება და გარშემო იცინიან ნაგიჟრებივით. უცებ ცეცხლიდან გამოდის ხელი, სახეზე მეფერება და ვილაცა ამბობს, როგორც ტელევიზორში, რეკლამებში ამბობენ ხოლმე, ეგეთი ხმით: – პრობლემები გაქვს, ბიჭუნო? პრობლემებს ღმერთი ქმნის, ღმერთი გაწვალავს, ჰოდა, შენც ადექი და შეიძულე! რამეთუ მხოლოდ სიძულვილია ძალა, სხვა ყველაფერი მონობაა და სიბეჩავე! ალბათ, ცენტრიდან ისმის...

ფისო-ფისო! – ეფერებიან, თან იგუდებიან სიცილით. ყველაფერი ხუთიანზეა, კაი ხალხი ჩანს, მაგრამ ცოტა მეშინია რატომღაც და ისევ არყის ბოთლს ვეძებ. ვსვავ და აღარ ვარწყევ. ესენი ახლა წვენელებს უჩივიანებენ ყუთს, კატა კნავის და ვბრაზდები: – ეეე, ეგრე არა, რა პონტია. – ვბლუკუნებ და ვცდილობ, ყუთს თავსახური ავხადო. ცეცხლიდან ისევ გამოდის ხელი, ხელზე მიჭერს მაგრად, კვამლისკენ მექაჩება და თვალები მეწვის, ცრემლს მაყრევივებს კვამლი, ჩემი ხელი კიდევ რაღაც რბილს ეხება. მოგწონს? – მეკითხება ლაილასავით მაგარი გოგო და ვხვდები, რომ ჩემს ხელს შიშველ მკერდზე ისვამს. მიდგება. შეხედვა მინდა და ვერ ვხედავ, ცრემლით მაქვს თვალები სავსე. გინდა, სხვაგანაც? – ისევ მეკითხება შემპარავად. თავს ვუქნევ. უცებ ხელში მხვდება რაღაც ბალნიანი და ლაილასავით გოგო მბრძანებლურად ამბობს: – არ გაუშვა! ეგრე გეჭიროს! კვამლში თვალს ძლივს ვახელ და ვხედავ, ყუთიდან გამოჩრილი კატის კუდი ჩამიბლუჯავს მაგრად ხელში, გარშემო კი იცინიან კრეტინებივით. თქვენ შიგ ხომ არა გაქვთ, ხალხო, – ნაძალადევად ვიღრინებები, – რას მიჩალიჩებთ, ვითომ! ამ დროს მეორემ, ვინც თავიდან სიგარეტი მთხოვა, დანა მომარჩია მეორე ხელში, ყველა გაისუსა, მუსიკაც მოტეხეს და გავიგე კატის დაგუდული, გაბრაზებული ბლუილი. და ლაილასავით მაგარმა ქალმა თქვა: – დამიჯერე!



კვამლის სუნით ვყარვარ და თავი მისკდება. ესე იგი, გუშინ რაც იყო, მთლა სიზმარიც არ ყოფილა. ძაან მურტალი სიზმარი. არა-და, ხომ შანსი არაა, რომ სიზმარი არ ყოფილიყო. ცხოვრებაში პირველად დავთვერი. თან არაყი. ფუ მაგის. სად ხარ ლაზარე, სად დაიკარგე... პირდაპირ, მტკიცე ნაბიჯით მივედივარ სკოლაში. უკანა შესასვლელს ვუახლოვდები, სტადიონის მხრიდან. აქაა იმ პროქტების ბირჟა. აქ ეწვევიან სიგარეტს და კარტს თამაშობენ, მაგრამ მკივია. შევალ ახლა, მივაჭრი ლაილასთან და ვეტყვი, რომ მიყვარს. ძაან მიყვარს. და მერე ლაზარეს მოვუხდი ბოდის, ჩემს ძმას და მეგობარს, და ჩავიხუტებ: ასე მგონია, ყველაფერი ის რომ გავაკეთო, რისი გაკეთებაც მაგრად მრცხვენია და მეშინია, რასაც სხვა დროს ასი წელი ვერ გავაკეთებდი, – ჩამოვირეცხავ, მოუსავლეთში გადავკარგავ გუშინდელ დღეს, გუშინდელ ახვრულ სიზმარს. კამეჩივით თავდაღერილი მივაღექი ბირჟას სტადიონთან, უკანა შესასვლელთან და ეგრევე წამოხტენ, წინ გადამიდგნენ. ჰეი, პუტინ, საით მიგეჩქარება? მოდი, ჯერ კარტი მოვცხოთ მე და შენ, – მთავაზობს ლლაჭუნა. არ მეგვასება კარტი! – ვეუბნები დერსკად და თვალეში ვუყურებ. ვახ, შენ რა არაფერი გევასება, ტო! – იცინის. – აბა, ლოტოს თამაშობდი შენთან, რუსეთში? თუ თქვენ მართო ბომბების სროლა გევასებათ, ჰა? კი, ბომბები გევასება და კიდე დაგბომბავთ, სუყველას დედებს მოგიტყნავთ, თქვე ნაბიჭვარო გრუზინებო! – ვეუბნები და ვგრძნობ, როგორ მომეშვა გულზე, ძალა მომეცა. ისე საკაიფოდ ვარ, სულ აღარ მაინტერესებს, ახლა მაგრად რომ მომხვდება. ვილიმები. მტერი ვარ და ვიყო მტერი, ამის დედაც. მშვენიერი ყოფილა, როცა მტერი ხარ. ესენი კი არ მირტყამენ რატომღაც, ერთმანეთს უყურებენ და ძაან ჩათლახურად ილიმებიან. კაი, პეტროვსკი, ეგრე იყოს, – ბედს დამორჩილებული კაცივით, წყნარად თქვა ლლაჭუნამ, სიგარეტი გადააგლო და წამში მეცა ყველა ერთად. ოლონდ, არ მირტყამენ. ხელები გამიკავეს და სადღაც მივყავართ. ერთი ხოშიანი წიხლი გავიქნიე, ვიღაცას ვწყვიტე და მაშინ წამაქციეს და ეგრე წამათრიეს, ტომარასავით. სტადიონზე გადამახოხილეს და იქვე, დაკეტილ თუ მიტოვებულ მანქანების სახელოსნოსთან – ბოქსებთან გაჩერდნენ. მუხლები ამეწვა. გადამეყვლიფა. გამიშვით, ბოზებო! – ცყიყინებ. ყელში ბურთი მაქვს გაჩხერილი და ძლივს ამომდის ხმა, თან, თვალეებს სწრაფად ვახამხამებ, ცრემლები რო დავმალე. იმ პილოტად გადა-მაქცია ახლა, და ის თვითმფრინავი მომცა, მე ამათი. გაგიშვებთ, პუტინ, აბა რას ვიზამთ, – კეთილად ამბობს ლლაჭუნა, – მაგრამ, ჩიტმა ამბავი მოგვიტანა, კლასტროფობია ჭირსო, და ჯერ უნდა შეგამოწმოთ! და უცებ რაღაც ორმოში გადამიშვეს, ვიწროში და მართკუთხედში – მანქანებს რომ შემოაყენებენ ხოლმე და ქვეშიდან არემონტებენ, – იმ ორმოში. მერე იქვე მიგდებული, სტადიონის ძველი და უანგიანი, უზარმაზარი ჭიშკარი გადმოათრიეს შუსტრად და ორმოს დაამხეს. დაბნელდა.




სად ხარ, სად ხარ... აღსდექი რა მკვდრეთით, ლაზარე, ძმაო ჩემო, თორემ მოგკვდები, არ შეიძლება ჩემი აქ ყოფნა. შენ ხომ არ იცი, როგორია, როდესაც შვიდი წლის ხარ, და გაჭედო ლიფტში, სიბნელეში, ნახევარი საათი კედლებს ეხლები, ხელიდან რომ დაუსხლტე შარდის და ოფლის სუნით აქოთებულ, დაპანიკებულ ბებერ ნაბიჭვარს, ჯერ ლიფტის კარებს რომ კაწრავს, ისე ხმამაღლა კაწრავს, თითქოს რკინის ფრჩხილები ქონდეს და მერე შენც რომ მოგიხელთებს, თან ღრიალებს და მერე ძირს, იატაკზე ვარდება, ისე, რომ ხელს არ გიშვებს და ძაგძაგებს, ძაგძაგებს, როგორც ტრაქტორის მოტორი, და ხავის და ბლავის ისეთ ხმაზე, მიმსგავსებულეც რომ არაფერი მოგისმენია ცხოვრებაში არასოდეს და არსად, და ლიფტის შახტაც რომ აორმაგებს და საზარელ ექოებად გაყრის და გამზობს თავზე უსაშველო შიშს, იმიტომ, რომ შვიდი წლის ბავშვი ხარ, იმიტომ, რომ ცხოვრებაში პირველად წააწყდი ეპილეფსის შეტევას, თან სიბნელეში, გაჭედო ლიფტში... და აქაც ხომ ბნელა. აქაც ხომ ლიფტია. და ზემოდან, თუჯის ჭიშკარზე, აქაც ხომ ბლავის და ბრაგუნობს მთელი ეს ახვარი სკოლა, თავისი წაკლა, ჩამშვები ლაილიანად. მთელი პლანეტა, მთელი ეს დედამოტყნული სამყარო ყმუის და ხარხარებს ჩემს თავზემით. მე კიდეც. ვუსმენ, ოფლში და ცრემლში ახელილი, და სადღაც შორს, უკან მიმათრევს შიში, ბავშვობაში, ლიფტის შახტებში. მორევს ჩაყოლილი მოცურავსავით ვიქნეე ხელებს სიბნელეში, რომ არ წამიყოლოს, რომ მოვეჭიდო რამეს... და უცებ საიდანღაც, კვამლიდან მესმის: – არ გაუშვა! ეგრე გეჭიროს! და მთელი სიცხადით შევიგრძნობ ხელში კატის კუდს, და მეორე ხელში დანას. ისეც გაუბედავად, ბურანში მყოფივით ვუსმევ დანას კუდზე, ყუთის კიდესთან. შიგნით კატა ჩხავის და ფართხალებს, მე კიდეც ნელ-ნელა ეშხში შევიდვარ და ვუსმევ და ვუსმევ ბირდაბირივით, სანამ ყუთი განავლის სუნს არ აუშვებს, და კატის გაშველეპილი, სისხლიანი კუდი არ შემრჩება ხელში...



მშვიდად, თავისუფლად ვსუნთქავ. ვზივარ სიბნელეში და ველოდები. ველოდები იმათ – იქ, ზევით. ჭიშკარი ოდნავ გადახობდა და დღის შუქი ჩამოიჭრა. თვალეებს ვიჩრდილავ. აქ ხარ, პეტროვსკი? სად ხარ, პეტროვსკი... – ჩურჩულებს ლაზარე. ავყურებ ლაზარეს სილუეტს და ცოტა ხანში საკუთარი ხმა მესმის, უცხო და შემპარავი ხმა: – პრობლემები გაქვს, ბიჭუნო?





მეია ინესარია

კონსტრუქტივიზმი — კონსტრუქტივიზმი

ეროვნული სასწავლო გეგმის ძირითად საგანმანათლებლო პრინციპად აღიარებულია, რომ სწავლა-სწავლება ხელს უნდა უწყობდეს მოსწავლეთა შინაგანი ძალების გააქტიურებას, ცოდნის ეტაპობრივად კონსტრუირებას წინარე ცოდნაზე დაფუძნებით, ცოდნათა ურთიერთდაკავშირებას და ორგანიზებას, უნდა უზრუნველყოფდეს სწავლის სტრატეგიების დაუფლებას (ესგ, მუხლი 9.). ამ პრინციპების განხორციელება საქართველოში მასწავლებლებს ავალდებულებს, გამოიყენონ მოსწავლეზე ორიენტირებული მიდგომა, შესაბამისი აქტივობების საშუალებით განუვითარონ მოსწავლეებს ამ მიდგომით გათვალისწინებული უნარ-ჩვევები და ჩამოუყალიბონ სწავლის მიმართ დადებითი განწყობა-დამოკიდებულება.

ყველასათვის ცნობილია, რომ მოსწავლეზე ორიენტირებული მიდგომის თეორიული საყრდენი კონსტრუქტივიზმია. კონსტრუქტივიზმი აღიარებს მოსწავლის არსებული ცოდნისა და უნარ-ჩვევების მნიშვნელობას ახალი ცოდნის შექმნის პროცესში, მასწავლებელი კი, ადგენს რა მოსწავლის საჭიროებებს, ინდი-

ვიდუალურ თავისებურებებს, მონიტორინგს უწევს ამ პროცესს და ხელს უწყობს მოსწავლეთა არა მარტო შემეცნებით, არამედ პიროვნულ განვითარებასაც.

კონსტრუქტივიზმის ერთ-ერთი ყველაზე საინტერესო წარმომადგენელი ჯეიმს ბრუნერია, რომლის შესახებაც არაერთხელ დაიწერა თუნდაც ჩვენს ელექტრონულ ჟურნალში (მაგალითად, იხ. მარინე ჯაფარიძე, ჯერომ ბრუნერი. აქტიური პრაქტიკული გამოცდილების როლი სწავლის პროცესში, ჟურნალი maswavlebeli.ge, 3 ნომერი, 2014).

„შეიძლება თუ არა, ასე მოვიქცეთ და იქნება თუ არა მართებული, ბავშვებს თავდაპირველად მივაწოდოთ მინიმალური ინფორმაცია და ადგუძრათ მათ ისეთი ცნობისმოყვარეობა, რომ ამ ინფორმაციაზე დაყრდნობით თვითონვე გამოიტანონ დასკვნების მაქსიმუმი?“ — სვამს ბრუნერი კითხვას და თავადვე გვაძლევს პასუხს. მისი აზრით, ნებისმიერი საგნის დაუფლება მოიცავს სამ ეტაპს, რომლებიც თითქმის ერთდროულად მიმდინარეობს: ეს არის 1. ახალი ინფორმაციის მიღება, რომელიც უპირისპირდება

ან აზუსტებს (ავსებს) იმ ცოდნას, რომელიც მოსწავლეს მანამდე ჰქონდა; 2. ცოდნის ტრანსფორმაცია, როდესაც მოსწავლე ინფორმაციის ანალიზის საფუძველზე გარდაქმნის არსებულ ცოდნას და იყენებს მას ახალი ამოცანების გადასაჭრელად და 3. შემოწმების პროცესი, როცა მოსწავლე ამოწმებს გამოტანილ დასკვნებს, უსვამს საკუთარ თავს კითხვებს ახალმიღებული ცოდნის გასააზრებლად. ასეთ პროცესში მასწავლებლის დანიშნულება, ერთი მხრივ, სწავლისთვის ისეთი პირობების შექმნაა, რომელიც ხელს შეუწყობს აღმოჩენას, მეორე მხრივ კი აღმოჩენის პროცესის გონივრული მართვა.

სტატიაში შევეცდებით, გაგიზიაროთ პრაქტიკული გამოცდილება, როგორ შეიძლება მარტივად და განსაკუთრებული ძალისხმევის გარეშე ვაქციოთ სწავლა აღმოჩენად და დაგვამაყოფილოთ მოსწავლეების ბუნებრივი ცნობისმოყვარეობა და ინტერესი, ავტონომიურობისა და დამოუკიდებლობისკენ სწრაფვის სურვილი.

ჩემი ხანგრძლივი პედაგოგიური პრაქტიკიდან ბევრი რამ მაქვს

ყველასათვის ცნობილია, რომ მოსწავლეზე ორიენტირებული მიდგომის თეორიული საყრდენი კონსტრუქტივიზმია. კონსტრუქტივიზმი აღიარებს მოსწავლის არსებული ცოდნისა და უნარ-ჩვევების მნიშვნელობას ახალი ცოდნის შექმნის პროცესში, მასწავლებელი კი, ადგენს რა მოსწავლის საჭიროებებს, ინდივიდუალურ თავისებურებებს, მონიტორინგს უწევს ამ პროცესს და ხელს უწყობს მოსწავლეთა არა მარტო შემეცნებით, არამედ პიროვნულ განვითარებასაც.

გასახსენებელი. ერთ-ერთი ის მეხუთე კლასია, რომელშიც პირველად მომიწია შესვლა (დიდხანს მხოლოდ საბაზო და საშუალო საფეხურის მოსწავლეებთან მიწევდა ურთიერთობა). ახლაც მახსოვს მეხუთეკლასელების გაკვირვებულ მზერა, როცა კლასში დიდი ფორმატის ფურცელი შევიტანე წარწერით – „ჩვენი აღმოჩენები“ და ვუთხარი, ჩვენ ყოველ გაკვეთილზე რაღაცას აღმოვაჩინებთ და ასეთი ბევრი ფურცელი დაგვჭირდება-მეთქი.

მაშ ასე, აღმოჩენა პირველი. სწორედ იმ დღეს ხალხურ ლექსს „მუმლი მუხასალო“ უნდა გასცნობოდნენ. ლექსის წაკითხვის შემდეგ ვკითხე, იცოდნენ თუ არა, რა არის მუმლი. მოსწავლეებმა ადვილად გასცეს პასუხი (ამოიკითხეს ლექსიკონიდან), ქინქლაო. შემდეგი კითხვის დრო დადგა:

🍏 თუ მუმლი და ქინქლა ერთი და იგივეა, რატომ გამოიყენა ქართველმა კაცმა ლექსში მუმლი და არა ქინქლა?

ხანმოკლე საერთო სიჩუმის შემდეგ ერთი-ორმა წამოიძახა:

🍏 იმიტომ, რომ ასე უფრო ლამაზია. უფრო მუსიკალურია.

ახლა შემდეგი შეკითხვის დროც დადგა:

🍏 რატომ არის უფრო ლამაზი და მუსიკალური?

🍏 იმიტომ, რომ ბევრი „მ“ გროვდება.

🍏 ესეც თქვენი პირველი აღმოჩენა, რომელიც შეგვიძლია ფურცელზე დავწეროთ. შევეცადოთ, წესად ჩამოვაყალიბოთ.

რამდენიმე ვერსიის განხილვის შემდეგ „ჩვენი აღმოჩენების“ ქვეშ ასეთი წესი გაჩნდა: ერთი და იმავე ბგერების გამოვრება ლექსს უფრო ლამაზსა და მუსიკალურს ხდის. ამის დასტურად რამდენიმე მაგალითი მივაწოდე მხოლოდ (მეხუთეკლასელები-სათვის ალიტერაციის განმარტება ჯერ ნაადრევად მივიჩნიე, მაგრამ ამისათვის ისინი უკვე მომზადებულები იქნებიან შემდეგ კლასებში). მთავარი ის დადებითი მუხტი იყო, ის კმაყოფილების განცდა, რომელიც აღმოჩენით მოგვრილმა სიხარულმა და სიამაყემ ერთდროულად აღძრა მოსწავლეებში. აი, რატომ აღვნიშნეთ ზემოთ, რომ შემეცნებითთან ერთად აღმოჩენის გზით სწავლება პიროვნულ განვითარებასაც უწყობს ხელს. საკუთარი შესაძლებლობების რწმენა, მოლოდინი იმისა, რომ ნებისმიერს შეუძლია არსებული ცოდნისა და გამოცდილების, ინტუიციის საფუძველზე რაღაც ახალი აღმოაჩინოს, ზრდის მოტივაციას, ამაღლებს თვითშეფასებას.

ამის შემდეგ ჩემი მეხუთეკლასელები ინტერესითა და ხალისით ელოდნენ ყოველ გაკვეთილს, რათა რაღაც ახალი (თუნდაც უკვე მრავალგზის აღმოჩენილი) აღმოეჩინათ. მალე შეივსო ფორმატის ფურცელი, ერთი, მეორე...

ერთსაც გავისხენებ. ახლა ხშირად გვესმის საყვედური: გრამატიკის სწავლება გაქრა ქართული ენისა და ლიტერატურის პროგრამიდანო. მე თუ მკითხავთ, გრამატიკული წესების დასწავლასა და მოსაწყენად ერთფეროვან სავარჯიშოებზე, დიახაც, უნდა გვეთქვა უარი, მაგრამ, როგორც ხშირად ხდება, პრობლემის გადაჭრის

ეფექტიანი გზების ძიებას მასზე საერთოდ უარის თქმა სჯობს, ასე უფრო ადვილია. იმის ნაცვლად, რომ ფუნქციური გრამატიკის სწავლების გზები და საშუალებები მოგვეძებნა, მოსწავლეთა მშობლიური ენის ფლობის არსებული დონე გამოგვეყენებინა გრამატიკული წესებისა და კანონების აღმოსაჩენად, ქართული ენის ბუნებისა და შესაძლებლობების გასააზრებლად, მართლწერისა და მართლმეტყველების ძირითადი ნორმების დასაუფლებლად, გრამატიკა საერთოდ გავაქრეთ სასწავლო პროგრამიდან.

მახსოვს, ერთხელ გაკვეთილზე ტესტური დავალებები შევიტანე კუშმეისა და კვეცი მართებულად გამოყენების წესების აღმოსაჩენად. მას შემდეგ, რაც მოსწავლეებმა ჩასვეს გამოტოვებული სიტყვები სწორი ფორმით, ვთხოვე, წყვილებს ერთმანეთის ნამუშევრები შეესწორებინათ და სადავო საკითხები ერთობლივად განგვეხილა (შესადარებლად და საკუთარი შეცდომების დასადგენად თავად შევთავაზე სწორი პასუხები). ამის შემდეგ ვთხოვე, სწორი პასუხები გადაეტანათ ცხრილში. საბოლოოდ ცხრილმა ასეთი სახე მიიღო:

ა-ზე დამთავრებული სახელები, რომლებიც იკვეცება	ა-ზე დამთავრებული სახელები, რომლებიც არ იკვეცება	ე-ზე დამთავრებული სახელები, რომლებიც იკვეცება	ე-ზე დამთავრებული სახელები, რომლებიც არ იკვეცება
ძმა	ჩიტუნია	ხე	ჟღე
ცა	დელოფალა	კიბე	ატელიე
ჭალა	ცანცარა	ტყე	კუპე
ჩალა	უქნარა	რძე	კაშნე
კაბა		ვაკე	კანაპე
დედამიწა	მძინარა	ღეღე	
ფაფა			

მოსწავლეა
ორინებირაბული
სწავლების ერთ-
ერთი ძირითადი
პრინციპი ხომ ის
არის, რომ არასოდეს
გავაკეთოთ
მასწავლებლებმა
ის, რის გაკეთებასაც
მოსწავლე
თავად შეძლებს.
შეძლებით კი მათ
ბევრი რამ შეუძლიათ.
მთავარი,
მიუხედავად ამის
შესაძლებლობა.

ცხრილში მოქცეულ მაგალითებზე დაკვირვებით მოსწავლეებს თავად უნდა აღმოეჩინათ წესი და პირველი „აღმოჩენაც“ ადვილად გაკეთდა:

მასწავლებლო, ე-ზე დამთავრებული უკვეცელი სახელებიდან ყველა უცხოურია.

მოდით, ახლა ეს წესად ჩამოვაცალიბოთ.

რამდენიმე ვერსიის შემდეგ ფურცელზე ახალი „აღმოჩენა“ გაჩნდა: უცხო ენიდან შემოსული ე-ზე დამთავრებული სახელები არ იკვეცება.

შედარებით დიდხანს იფიქრეს (მოსწავლეზე ორიენტირებული სწავლების ერთ-ერთი მახასიათებელია: მასწავლებელი უსვამს მოსწავლეებს ღია შეკითხვებს და აძლევს დროს პასუხის გასაცემად), მაგრამ მაინც მიაგნეს:

მასწავლებლო, ყველა ეს სიტყვა მოფერებით ან დაცივით არის ნათქვამი (სტილი დაცულია).

ახალი ტერმინის შემოტანის დროც დადგა: კნინობით-ალერსობითი სახელები. ამის შემდეგ წესის ჩამოყალიბებაც არ გასჭირვებიათ წინა წესის ანალოგიით. კიდევ უფრო საინტერესო პრობლემის წინაშე აღმოჩნდნენ: არის თუ არა კნინობით-ალერსობითი სახელები ტოროლა, ენძელა, ბიცოლა და ა.შ.? ესენიც ხომ უკვეცელია. გამოითქვა ბევრი საინტერე-

სო ჰიპოთეზა, მაგალითად, „ალბათ, ტოროლა იგივეა, რაც ტრიალა, ის ხომ ტრიალ-ტრიალით მიდის ცაში“, „ენძელა, მასწავლებლო, ძილთან ხომ არ არის დაკავშირებული, როგორც მძინარა?“ და ყველაზე უცნაური ახსნაც: „ბიცოლა ალბათ ნაკლებად უყვარდა ამ სიტყვის მომგონს და დააკნინა“...


ცხადია, ამის შემდეგ „მყისიერი“ სწავლებით [1] მასწავლებელი უნდა ჩაერიოს და მეცნიერულად მართებული ვერსია შესთავაზოს, მაგრამ შესთავაზოს მარტივად, გასაგებად.

მაგანი იტყვის, ამდენი დროის დაკარგვას განა არ სჯობდა, პირდაპირ მიგვეწოდებინა წესები და შემდეგ სავარჯიშოებით განგვემტკიცებინაო. მაგრამ შეიქმნებოდა ასეთ შემთხვევაში გარემო, რომელშიც დაკმაყოფილებოდა მოსწავლის სურვილი, გამოეცადა საკუთარი ძალები, ეგრძნო რთული სამუშაოთი გამოწვეული კმაყოფილება? მოსწავლეზე

ორიენტირებული სწავლების ერთ-ერთი ძირითადი პრინციპი ხომ ის არის, რომ არასოდეს გავაკეთოთ მასწავლებლებმა ის, რის გაკეთებასაც მოსწავლე თავად შეძლებს. შეძლებით კი მათ ბევრი რამ შეუძლიათ. მთავარია, მივცეთ ამის შესაძლებლობა.

და კიდევ ერთი მნიშვნელოვანი მომენტი: ბრუნური გამოყოფს აზროვნების ორ სახეს: ინტუიციურს და ანალიზურს. ზემოთ მოყვანილ მაგალითებში ორივე ფორმა იყო გამოყენებული. ისინი ავსებენ ერთმანეთს. მხოლოდ ანალიზურ აზროვნებაზე ორიენტაცია და ინტუიციურ აზროვნებაზე უარის თქმა, რაც, სამწუხაროდ, ჩვენი სწავლებისათვისაა დამახასიათებელი, ვერ ჩამოაყალიბებს გამბედავ, საკუთარ შესაძლებლობებში დარწმუნებულ და წარმატებაზე ორიენტირებულ თაობას (ოცდამეერთე საუკუნის გამოწვევები კი სწორედ ასეთ ადამიანებს ითხოვს).

[1] „მყისიერი“ სწავლება – ეს არის სწავლების ისეთი სტრატეგია, რომლის დროსაც მასწავლებელი მოსწავლეებს აწვდის ინფორმაციას (ლექციის, ახსნა-განმარტებისა თუ საკითხავი მასალის სახით) მათ მიერ დამოუკიდებლად განხილულ საკითხზე იმისათვის, რომ შეამოწმონ საკუთარი ვარაუდები, მსჯელობები, ის, რაც იკვლიეს. მასწავლებელი ამით „იცავს“ მოსწავლეებს მცდარი დასკვნებისგან. „მყისიერი“ სწავლება შეიძლება განხორციელდეს ინდივიდუალურად, მცირე ჯგუფებში ან მთელ კლასთან იქიდან გამომდინარე, რა საჭიროება დგას საკითხის შესწავლისას.





მარიამ მოლდავაი

უკუკავშირი წინსვლისთვის


მოსწავლეებს
გარკვეული
მოთხოვნები აქვთ
მასწავლებლების
მიმართ, უმეტეს
მნიშვნელოვანია,
უსათბურებელ და-
კანასოთ სასწავ-
ლო მიზნები და
კანასოთ მათი
მიღწევის გზები.
თუ ასე არ მო-
ვიყვებით, ჩვეუ-
რობით მათ შთაგო-
ნებას და შინაგან მოტივაციას [გოდუაძე, 2016].
განათლების ექსპერტები ამოდ გვიჩვენ-
ებენ, კომენტარები მხოლოდ მოსწავლის აზრებზე
დაყრდნობით გავაკეთოთ.

მასწავლებლის მართებული უკუკავშირი
თითოეული მოსწავლის წინსვლის საწინდარია.
მთავარია, ვიცოდეთ, როგორ ვუწინამძღვროთ
აღსაზრდელთა წარმატებას. ხშირად გვავიწყდე-
ბა, რომ მოწაფეთა შეცდომების ხაზგასმა უმნიშვნე-
ლოა იმასთან შედარებით, თუ რა ისწავლეს
მათ. აღიარებულია, რომ მოსწავლის სწავლის-
ვის, მისი წინსვლისთვის გადაწყვეტია სწორი,
მართებული უკუკავშირი.

არსებობენ პედაგოგები, რომელთა მოსწავლე-
ები დამოუკიდებლად ახერხებენ სწავლას. ეს კი,
ჩვენი დაკვირვებით და აღიარებული თეორიების
თანახმად [ენგი და როუზი, 2012], სწორედ
უკუკავშირის დამსახურებაა. მოსწავლეებს
სჭირდებათ დრო და ხელშეწყობა სირთულე-
ების დასაძლევად. მასწავლებლის ყურადღება,
დახმარება და გამოცდილება მოსწავლეთათვის
სარგებლობის მომტანი უნდა გახდეს, რადგან
დღესდღეობით ჩვენი მთავარი გამოწვევა მოს-
წავლის ცოდნის შესახებ მოპოვებული ინფორმა-
ციის მათი დახმარებისთვისვე გამოყენებაა.

ცხადია, მოსწავლეებს გარკვეული მოთხოვნები
აქვთ მასწავლებლების მიმართ, ამიტომ მნიშვნე-
ლოვანია, ასეთ ბავშვებს დავანახოთ სასწავლო
მიზნები და ვასწავლოთ მათი მიღწევის გზები.
თუ ასე არ მოვიქცევით, ჩავაქრობთ მათ შთაგო-
ნებას და შინაგან მოტივაციას [გოდუაძე, 2016].
განათლების ექსპერტები ამოდ როდი გვიჩვენ-
ებენ, კომენტარები მხოლოდ მოსწავლის აზრებზე
დაყრდნობით გავაკეთოთ.

გულდასაწყვეტია, როდესაც ნიჭიერი თაობე-
ბი (ყოველ შემთხვევაში, მათი უმრავლესობა)
სკოლაში დროის გასაყვანად დადიან ან იმიტომ,
რომ შინ სკოლის დირექცია ურეკავს და ბევრი
გაცდენის გამო სკოლაში მისვლას ავალდებუ-
ლებს. როდის ვუშვებთ შეცდომას? დაწყებით
კლასებში წარჩინებული მოსწავლეები ხშირად
ზედა საფეხურზე გადასვლისას კარგავენ მოტი-
ვაციას. სასწავლო პროცესში მათი მონაწილეობა
აღარ არის აქტიური. მასწავლებელი, რომელიც
ასახსნელი მასალის მხოლოდ და მხოლოდ გადმო-
ცემაზეა ორიენტირებული, მათთან ერთად ვეღარ
განიხილავს საგნის თემას და ამოცანებს, ბავშ-
ვებს არ რჩებათ დრო სხვადასხვა სტრატეგიის
გაცნობისა და ექსპერიმენტებისთვის. მოსაუბრე
პარტნიორების როლი კნინდება და სულაც
განილევია. ამას ემატება სოციალური აქტივობე-
ბის დეფიციტიც, თანამშრომლობითი სამუშაო
მეთოდების ინიციატივის კლება და, შესაბამისად,
ისეთი სასწავლო აქტივობები, რომლებიც ინკლუ-
ზიურ კლასებში აზროვნების უმაღლეს უნარებს
ამოქმედებს, მცირდება. ოდესღაც წარჩინებუ-
ლი, ნიჭიერი მოსწავლე თამაშს გარეთ რჩება.
ასე გრძელდება მანამდე, სანამ მშობელი ბავშვს
საგნის პედაგოგთან არ მოამზადებს და თუ ეს არ
მოხდა, მოსწავლე განწირულია. ამგვარი დამოკი-
დებულება კონკრეტული პედაგოგის, დირექციის
კრახია, თანამედროვე სკოლას კი ამის აღიარება
არ უნდა უჭირდეს.
მერვეკლასელი ბიჭი, რომელიც შინ გულით
სწავლობს ორგვერდიან ლექსს, გააზრებული აქვს



თითოეული სიტყვა, ფრაზა და გრძნობს ტექსტურ ქსოვილს, შინ გულდაწყვეტილი ბრუნდება იმის გამო, რომ გაკვეთილზე მოყოლისას ერთხელ შეფერხდა და ამის გამო თბრობა შეაწყვეტინეს. თუკი არ არსებობს უკუკავშირი, თუკი სახელმძღვანელოში მოცემული ფაქტების დაზეპირებით და ჩვენეული მეთოდების კოპირებით შემოვიფარგლებით, მოსწავლეები ვერ შეძლებენ ცოდნის ტრანსფერს, რაც იმთავითვე გააზრებული უკუკავშირის ნაწილად მოიხარება.

გაკვეთილსა თუ ლექციაზე ბავშვების აქტიურობა ინფორმაციის წყაროდ ფასდება. მიგვითითებენ, რომ ამაზე დაყრდნობით მოვასწავლოთ სწავლებას ადაპტაცია და დაგვამყოფილოთ სტუდენტთა/მოსწავლეთა განსხვავებული საჭიროების სპექტრი [როუზი და ენგი, 2012]. მოსწავლეთა გადაწყვეტილება სასწავლო მიზნებისა და ნასწავლის გადმოცემის შესახებ, მასწავლებელმა მათი დაკვირვების, მიზნებისა და სტრატეგიების კრიტიკულად განხილვის განსავითარებლად უნდა გამოიყენოს, რაც კლასში ინკლუზიური გარემოს შექმნის წინაპირობად მოიხარება.

მოსწავლისაკენ მიმართული მასტიმულირებელი უკუკავშირი განათლების, წინსვლის წინაპირობაა და იგი სასწავლო შედეგზე გადაწყვეტ გავლენას ახდენს. თუკი პედაგოგი ავლენს სასწავლო სტანდარტით გათვალისწინებული კომპეტენციის ღრმა ცოდნას, ყურადღებას ამახვილებს იმაზე, თუ როგორ სწავლობენ მისი მოსწავლეები/სტუდენტები, იცის, როგორ დაამყაროს თბილი

და პოზიტიური ურთიერთობა ყველა მოსწავლესთან, იმავდროულად, კარგად ერკვევა, ცოდნის რა ეტაპზე არიან ისინი და არასოდეს დაუშვებს ჩამორჩენენ, ამოვარდნენ სასწავლო პროცესიდან, ასეთი პედაგოგი მისაბაძია, რადგან იცის, როგორ უხელმძღვანელოს თითოეული მოსწავლის წინსვლას. როგორ დავემსგავსოთ მას?


არსებობს რამდენიმე რჩევა, რომლებიც ეფექტური უკუკავშირის საშუალებას მოგვცემს და მოსწავლეთა/სტუდენტთა წინსვლაშიც დაგვეხმარება.

- ეფექტური უკუკავშირი დაბალანსებული, სპეციფიკური და კონკრეტულია და არა ზოგადი. იგი კარგად შესრულებული ქცევის აღწერას მოიცავს, იმავდროულად, გვაძლევს მიღწეული შედეგების გაუმჯობესების საშუალებას. ყურადღებას ვამახვილებთ ადამიანის სიძლიერის მაჩვენებელ ასპექტებზე. ასპექტები არ შეიცავს მხოლოდ ქებას, ბუნებრივია და რეალობის ამსახველი. თუკი მოწაფეს/სტუდენტს ვთხოვთ, თავად აღწეროს სამი ასპექტი, რა გამოუვიდა კარგად, ხოლო შემდეგ მიუთითოს 2 სფერო, რომელშიც საჭიროა გაუმჯობესება, ის უმეტესად სწორად ასახავს რეალობას და ობიექტურად შეაფასებს თავის საქმიანობას.
- ეფექტური უკუკავშირი ობიექტურია, ეყრდნობა კონკრეტულ ფაქტებსა და ქცევებს, რომლებიც შეიძლება შეიცვალოს. კონკრეტული ქცევის შეცვლა, უფრო ადვილია ვიდრე ზოგად

რადგან უკუკავშირი მართავს სწავლა/სწავლების რთულსა და ხანგრძლივ პროცესს, იგი იმ პრაქტიკაშია, რომელსაც ერთდროულად შეუძლია ნაშლისა და სწავლების ფუნქციის შესრულება. მთავარია, ისეთი მასწავლებლის ხელში აღმოჩნდეს, რომელიც მოსწავლის წინსვლას უზინამძღვრებს და არა პირიქით — მის მოკვლინებას შეუწყობს ხელს.

გამოყენებული ლიტერატურა და ელ-რესურსები:

1. გოდუაძე, მ., მოტივაცია და შთაგონება, გაკვეთილი, როგორც პიანოტური სტიმულაცია, ინტერნეტჟურნალი „მასწავლებელი“, 2016.
2. ენგი კ. რ., და როუზი რ., შეფასება სწავლისთვის ინკლუზიურ სკოლებში, 2012.
3. Cohen, G. L., & Steele, C. M. (2002). A barrier of mistrust: How negative stereotypes affect cross-race mentoring. In J. Aronson (Ed.), *Improving academic achievement: Impact of psychological factors on education* (pp. 303-328). San Diego: Academic Press.
4. Dweck, C. (2002). Messages that motivate: How praise molds students' beliefs, motivation, and performance (in surprising ways). In Aronson, J. (Ed.), *Improving academic achievement: Impact of psychological factors on education* (pp. 37-60). San Diego, CA: Academic Press.
5. Jackson, P. & McKergow, M. (2002). *The Solutions Focus, the SIMPLE way to positive change*. Nicolas Breatly Publishing
6. <http://intermedia.ge/%E1%83%A1%E1%83%A2%E1%83%90%E1%83%A2%E1%83%98%E1%83%90/58822-%E1%83%99%E1%83%9D%E1%83%9B%E1%83%9E%E1%83%9A%E1%83%98%E1%83%9B%E1%83%94%E1%83%9C%E1%83%A2%E1%83%94%E1%83%91%E1%83%98%E1%83%A1-%E1%83%92%E1%83%90%E1%83%9B%E1%83%9D%E1%83%AE%E1%83%90%E1%83%A2%E1%83%95%E1%83%98%E1%83%A1-%E1%83%AE%E1%83%94%E1%83%9A%E1%83%9D%E1%83%95%E1%83%9C%E1%83%94%E1%83%91%E1%83%90/93/user:%E1%83%A1%E1%83%9D%E1%83%A4%E1%83%98%E1%83%99%E1%83%9D%20%E1%83%A3%E1%83%97%E1%83%A0%E1%83%A3%E1%83%97%E1%83%90%E1%83%A8%E1%83%95%E1%83%98%E1%83%9A%E1%83%98:show:channel>



დი დამოკიდებულებების, ამიტომ უკუკავშირი არ უნდა ახდენდეს ფოკუსირებას თვალსაზრისებზე, მოსაზრებებსა და დამოკიდებულებებზე მოვლენათა თუ ადამიანთა მიმართ.

• ეფექტური უკუკავშირი უნდა ფოკუსირდეს იმ საგანზე ან უნარზე, რომელიც კონკრეტულ სიტუაციაშია წარმოდგენილი. მაგალითად, თუ უკუკავშირს ტრენინგის სესიაზე გაძლევა და იგი ეხება ასერტიულობას, შეუსაბამო კომენტარები მოსმენის უნარის შესახებ.

• უკუკავშირი გასაგები უნდა იყოს და არ უნდა ჩამოყალიბდეს სამეცნიერო ტერმინების ან ჟარგონის გამოყენებით. რათა დავრწმუნდეთ, რამდენად სწორად იქნა გაგებული ჩვენი ნათქვამი, ვთხოვთ უკუკავშირის სამიზნეს, მოახდინოს ჩვენი მიმართვის პერიფრაზირება ან მაგალითი მოიყვანოს იმისა, თუ როგორ მიუსადაგებს ჩვენს უკუკავშირს სიტუაციას.

• უკუკავშირი თანამონაწილეობის შესაძლებლობას უნდა ქმნიდეს. ამისათვის შეიძლება შევთავაზოთ, მოგაწოდონ იდეები, თუ როგორ განხორციელდეს ცვლილება ჩვენი ნათქვამის შესაბამისად.

• უკუკავშირის ეფექტურობისათვის კარგია, თუ ის შეიცავს შედარებას წინა საქმიანობასთან.

• უკუკავშირი უნდა გულისხმობდეს კონკრეტულად შესასრულებელ ქმედებას, რომელიც ჩვენს უნარებს და ძალას შეესაბამება. ფრაზას „უფრო თავდაჯერებულად მოიქეცი!“ – ნამდვილად სჯობს კონკრეტული მოქმედების შეთავაზება: „უფრო ასერტიულად (თავდაჯერებულად) რომ მოიქეცი, დაასრულეთ საუბარი საკვანძო საკითხების შეჯამებით“.

• უკუკავშირი უნდა იყოს აღწერითი და არა შეფასებითი. შეფასებითი პოზიცია განაპირობებს თავდაცვით რეაქციას და ნაკლებ თანამშრომლობას, ამასთან, ფოკუსირებული უნდა

იყოს ჩვენს განცდაზე და არა პიროვნებაზე. უკუკავშირი უნდა იყოს იერარქიულად დალაგებული. ადამიანს შეუძლია, კრიტიკის მხოლოდ გარკვეული ოდენობა მიიღოს. ერთ სესიაზე მხოლოდ 3-4 ასეთი დებულებაა ეფექტური. უმცროსი სასკოლო ასაკის მოსწავლეებს თითო ჯერზე ერთი ან ორი ასეთი დებულება შევთავაზოთ. მათ შორის ყველაზე მნიშვნელოვანი მომენტები – პირველ ნაწილში. სასურველია გავითვალისწინოთ და გულდასმით ვადევნოთ თვალყურს, არ იქნეს გადაჭარბებული თითოეული პიროვნებისთვის კრიტიკის მიღების ზღურბლი.

უარყოფილია ძალიან კრიტიკული უკუკავშირიც. სასურველია მოვერიდოთ „დადებითი შეფასება/კრიტიკა/დადებითი შეფასება“ – სენდვიჩის გამოყენებას, როდესაც დამკვირვებელი ეუბნება ადამიანს რაიმე კარგს, შემდეგ – არასასიამოვნოს და ბოლოს ამთავრებს ისევე დადებითით. ასეთ ვითარებაში როგორც ქება, ისე კრიტიკა უარყოფილია, ამ ადამიანს უჩნდება მანიპულირების განცდა, ფიქრობს, რომ მხოლოდ კრიტიკის შესარბილებლად აქებენ. ხშირად დადებითი შენიშვნები ძალიან ზოგადი და ბუნდოვანია, ჟღერს არაგულწრფელად და მცირე ინფორმაციას აწვდის ადამიანს. ამიტომ პოზიტიური კომენტარები კონკრეტული და ბუნებრივი უნდა იყოს.

ვინაიდან უკუკავშირი მართავს სწავლა/სწავლების რთულსა და ხანგრძლივ პროცესს, იგი იმ პრეპარატივითაა, რომელსაც ერთდროულად შეუძლია წამლისა და საწამლავის ფუნქციის შესრულება. მთავარია, ისეთი მასწავლებლის ხელში აღმოჩნდეს, რომელიც მოსწავლის წინსვლას უწინამძღვრებს და არა პირიქით – მის მოკვდინებას შეუწყობს ხელს.

